





113. Absolutio Generalis. Folio 120. Caput 44. Const.

M. I. 6

Coste





REGVLA ET CONSTITVTIONES

Eremitarum Camaldulensium Montis
Coronæ.

PROOEMIUM.

Ausculta o fili precepta Magistri, & inclina
aurem cordis tui, & admonitionem pij Patris
libenter excipe, & efficaciter comple, ut ad
eum per obedientie labore redeas, à quo per
inobedientie desidiam recesseras. Ad te er-
gò nunc meus sermo dirigitur, quisquis abre-
nuncians proprijs voluntatibus, Domino Christo vero Regi mi-
litaturus. In primis, ut quicquid agendum inchoas boni, ab eo
persici instantissimâ oratione deposcas, ut qui nos iam in Filio-
rum dignatus est numero computare, non debeat aliquando de ma-
lis actibus nostris contristari. Ita enim ei omni tempore de bonis
suis in nobis parendum est; ut non solum ut iratus Pater suos non
aliquando filios exheredet, sed nec ut metuendus Dominus irri-
tatus malis nostris; ut nequissimos seruos perpetuam tradat ad
penam, qui eum noluerint sequi ad gloriam.

Exurgamus tandem aliquando, excitante nos scripturâ ac
dicente: Hora est iam nos de somno surgere, & apertis o-
culis ad Deificum lumen attentis auribus audiamus, diuina que-
tidie

vidie clamans: quid nos admoncat vox? dicens: Hodie si vo-
cem eius audieritis, nolite obdurare corda vestra. Et
iterum qui habet aures audiendi audiat, quid Spiritus di-
cat Ecclesijs, & quid dicatur; Venite filij audite me, timo-
rem Domini docebo vos. Currite dum lumen vitæ
habetis, nè tenebræ mortis vos comprehendant. Et
querens Dominus in multitudine Populi sui, cui hæc clamat,
operarium suum, iterum dicit. Quis est homo, qui vult vi-
tam, & cupit dies videre bonos? Quod si tu audiens re-
spondeas: Ego; dicit tibi Deus. Si vis habere veram, & per-
petuam vitam, prohibe linguam tuam à malo, & labia
tua ne loquantur dolum: Druerte à malo, & fac bonum
inquire pacem, & sequere eam, & cum hæc feceritis,
oculi mei super vos, & aures meæ ad preces vestras, &
antequam me inuocetis, dicam. Ecce adsum. Quid dul-
cius nobis hac voce Domini invitantis nos Fratres charissimi.
Ecce pietate sua demonstrat nobis Dominus viam vitæ.

Succinctis ergo fide, vel obseruantia bonorum actuum
lumbis nostris, & calceatis in præparatione Euangelij pacis pedi-
bus, pergamus itinera eius, ut mereamur eum, qui nos vocauit,
in Regno suo videre. In cuius Regni tabernaculo si volumus ha-
bitare, nisi illuc bonis actibus currendo, minime peruenitur. Sed
interrogemus cum Propheta Dominum, dicentes: Domine quis
habitabit in Tabernaculo tuo; aut quis requiescet in
monte Sancto tuo? Post hanc interrogationem Fratres audi-
amus Dominum respondentem. Qui ingreditur sinè macula,
& operatur iustitiam. Qui loquitur veritatem in corde
suo; qui non egit dolum in lingua sua. Qui non fe-
cit proximo suo malum, & opprobrium non accepit
ad-

Prooemium.

aduersus proximum suum. Qui malignum Diabolum aliqua
suadentem sibi, cum ipsa suasionē sua à conspectibus cordis sui re-
spuens deduxit ad nihilum, & parvulos cogitatus eius tenuit,
& allidit ad Christum.

Qui timent Dominum, de bona obseruantia sua non se
reddunt elatos, sed ipsa in se bona non à se posse, sed à Do-
mino fieri existimantes, operantem in se Dominum magnificant,
illud cum Propheta dicentes: Non nobis Domine, non
nobis, sed nomini tuo da gloriam, sicut nec Paulus Aposto-
lus de prædicatione sua sibi aliquid imputauit, dicens: Gratiâ
Dei sum, id quod sum, & iterum ipse dicit. Qui glori-
atur, in Domino gloriatur: Vnde, & Dominus in Euangelio
ait. Qui audit verba mea hæc, & facit ea, similabo eum
viro sapienti, qui ædificauit Domum suam supra pe-
tram. Venerunt flumina, flauerunt venti, & impegerunt in Do-
mum illam, & non cecidit, quia fundata erat supra petram.
Hæc complens Dominus, expectat quotidie, his suis Sanctis mo-
nitis, factis nos respondere debere. Ideo nobis propter emendati-
onem malorum huius vitæ dies ad inducias relaxantur, dicente
Apostolo: An nescis, quia patientia Dei, ad pœnitentiam
te adducit? Nam prius Dominus dicit, Nolo mortem pec-
catoris, sed vt magis conuertatur, & viuat. Cum ergo in-
terrogassemus Dominum, Fratres, de habitatore Tabernaculi e-
ius, audiuius habitandi præceptum. Sed si compleamus habi-
tatoris officium, erimus heredes Regni Cælorum. Ergo præpa-
randa sunt corda, & corpora Sanctæ præceptorum obedientiæ
militatura, & quod minus habet in nobis natura possibile, roge-
mus Dominum, vt gratiæ suæ tribuat nobis adiutorium ministra-
ri. Et si fugientes gehennæ pœnas, ad vitam volumus peruenire

perpetuam dum adhuc vacat, & in hoc corpore sumus: Et hec omnia per hanc lucis vitam vacat implere, currendum, & agendum est modo, quod in perpetuum nobis expediat. Constituenda est ergo à nobis Dominici Schola seruitij, in qua institutione, nihil asperum, nihilque graue nos constituturos speramus. Sed & si quid paululum strictius dictante æquitatis ratione procefferit, non illico pauore perterritus refugias viam salutis, quæ non est nisi angusto initio incipienda. Processu verò conversationis, & fidei dilatato corde, inenarrabili dilectionis dulcedine curritur via mandatorum Dei, ut ab ipsius nunquam magisterio discedentes, in eius doctrina usq; ad mortem in Monasterio perseuerantes, passionibus Christi per patientiam participemus, ut Regni eius mereamur esse consortes.



PRO-

P R O O E M I V M

Constitutionum.



Postquam Beatissimus Pater noster ROMUALDUS totius Camaldulensis Ordinis Fundator, Monasticam vitam, in Monasterio Classensi, tribus annis Sanctissimè traduxisset: Beatissimi BENEDICTI Regulam professus, Eremitum subindè ingressus est; in qua nonaginta septem annis, incredibili vitæ austeritate vsus, solis Sanctitatis suæ exemplis, crebrisq; admonitionibus verum Eremiticum institutum se sequentibus dereliquit. Nec aliud quicquam eis scriptum, præter eandem Benedicti Regulam obseruandâ moriens commendauit; Licet postmodum, nè labentibus annis, pia Patris exempla per obliuionem in desuetudinē venirent, sapienter ab ipsis discipulis, maxime à Beato RODULPHO quarto, à B. ROMUALDO Eremitæ Priore, in Constitutiones redacta fuere. Hoc autem Eremiticum Camaldulense institutum, ab ipso Ss. ROMUALDO diuinitus inventum, medium inter Cænobiticum, & Anachoreticum est; Itâ quidem ut vtriusque particeps vtroq; præstantius, longeq; securius existat. Nam & si claustralis conuersatio ubiq; summis laudibus extollenda videatur, nihilominus tamen suis incommodis, molestisq; occupationibus, quæ sæpè animū à vera pietate longius arcent, minimè caret: e contra verò solitaria illa Eremitica vita, & cōuersatio abdita, propter multa incōmoda, nec non pericula.

cula, quæ humanæ naturæ corruptelâ, seu instabilitate, pati videbatur, minus tutâ; securaq; reputata est. Illa enim viuendi libertas, quæ olim solitarijs viris competere videbatur, quæ nec Ecclesiam inuisere, nec Sacramenta frequētare aliquo Canonico præcepto cogebatur, hodiè nobis per Ecclesiæ Sanctæ Constitutiones penitus prohibita est. Non potest igitur non esse laudanda nostra Camaldulensis Eremitica institutio, quæ non periculosa, nec ardua, difficilisq; sicut antiquitûs anachoretica comperitur; sed potius omni periculo, extremaq; difficultate exclusis, securissima, facilis, ac fideli cuiq; viro suauissima, ac proindè (omni reuerentia, ac pace aliorum omnium institutorum) laudabilior, ac securior, cūctis meritò dici possit. Ad quam siuè ex sæculo, siuè ex cænobijs accedentes, præcul omninò á Ciuitatibus, omnique hominum frequentia, sæcularium etiam consortio semoti, in montium recessibus, ac remotissimis locis commorantur. Qui tamen singuli, singulas separatas inuicem Cellas incolentes, paupertatis, obedientiæ, & castitatis votis solemniter emissis, sub regula, vt diximus S. BENEDICTI, subq; Prælati disciplina, sub tandem proprij Ordinis Constitutionibus, in iugi observantia viuere tenentur: sic nihilominus hanc conuersationis formam temperantes, vt Cænobiticæ, socialisq; vitæ commodis, & securitate, sinè varijs occupationibus Monasterij, multiplicibusq; distractionibus potiantur, & solitudinis læta, fæliciq; admodum tranquillitate, absq; vllis solitariæ vitæ curis, periculis, & anxietatibus perfruantur.

rum. Hæc itaq; admirabilis, diuinitusq; inspirata Eremitica institutio, ab ipso foundationis initio, vsq; ad præsentem diem. per annos circiter 670. Fideliter discretis, ac Sancto vigore obseruata fuit in Sacra Eremitica Camaldulensi, quæ in summitate Alpium Tusciæ, ab ipso Sanctissimo Patre nostro ROMUALDO circa Annum 1012. fundata extitit, & tandem ab Annis 144. à nostra Congregatione Eremitarum Camaldulensium S. ROMUALDI Montis Coronæ per Venerabilem Patrem Paulum Iustinianum Eremitam supradictæ Sacræ Eremiticæ Maiorem, nouiter instituta, & aucta; fuit cum eadem obseruantia, inuolabili perseverat, prout ex constitutionibus parebit, quas efformare intendimus, pro confirmatione & augmento huius dictæ Congregationis. Restat deniq; ut nos iuxta Patris nostri BENEDICTI doctrinam in Prologo Regulæ nobis traditæ, in Eremitico, quæ nobis pro Monasterio est, vnanimis, quali Apostolici viri, soli Deo enixè famulemur. Ita ut omnibus nobis vnum sit cor, & anima vna, in vinculo pacis, & charitatis viuentibus, sicq; demum in regulari, atq; Eremitica districtione, in finem vsq; perseverantes, Socij possimus esse passionum Christi, ut & cohæredes facti conregnemus cum eo.



CON-

*Constitutionum Eremitarum Camaldulensium
Montis Coronæ in forma Specifica.*

C L E M E N S PP. IX.

Ad perpetuam rei memoriam.



IN supremo militantis Ecclesiæ folio, meritis licet imparibus per ineffabilem. Diuinæ bonitatis abundantiam. constituti, Congregationes Religiosorum virorum pie, sancteq; institutas, ac vberiores bonorum operum fructus aspirante superni fauoris auxilio, assidue perferre satagentes, in visceribus paternæ gerimus charitatis, & illarum pro earum felici regimine & gubernio, prosperisque in via Domini progressibus providè, atq; sapienter constituta esse nescuntur, vt firma semper, atq; stabilia persistant, Apostolici muniminis patrocinio, cum id á nobis petitur, libenter roboramus. Exponi siquidè nobis nuper fecerunt dilecti Filij Maior, ac Procurator Generalis, & alij superiores Congregationis Eremitarum Camaldulensium. Montis Coronæ, quod pro felici, prosperoq; eiusdem Congregationis regimine, & gubernio, illiusq; salubri tam in Spiritualibus, quam in temporalibus directione factæ fuerunt, & in vnum volumen collectæ nonnullæ Constitutiones, quæ per Congregationem venerabilium Fratrum nostrorum S. R. E. Cardinalium negotijs, & Consultationibus.

bus Episcoporum, & Regularium præpositam, examinatæ, recognitæ, & correctæ sunt tenoris, qui sequitur videlicet.

DE GENERIBVS, ET VITA MONACHORVM,

C A P I.

Monachorum quatuor genera esse, Manifestum est. Pm. Cenobitarum, militans sub Regula, vel Abbate.

Constitutio.

I.



Remite Camaldulenses Congregationis Montis Coronę Claustris non includuntur, nec in Dormitorijs Monasterij requiescunt; in hoc enim differt Cenobitica conuersatio ab Eremitarum Camaldulensium instituto, quod illa in vrbibus terris, interq;. Populi frequentiam libenter commoratur: hæc verò in Montibus, interq; nemora latitare congaudet. Quapropter maiorum nostrorum vestigia sequentes statuitur, nostra Eremitoria ab vrbibus, Terrisq; vno ad minus milliaro distare debere. Nostrisq; Eremitę nunquam in Claustris permaneant, excepta Abbatia S. Saluatoris de Monte Corona, pro senum, infirmorum ac forensium solatio Imò si aliquando talis habitatio offeratur, nisi in formam Eremitę reducta sit, dimittatur, tantum abest, vt de nouo Monasterium construi queat, aut suscipi.

B

2. Sint

2. Sint ergo Eremitoria nostra intèr Sylvas, easq; densas, talesq; plantando, inferendo, scindendo, alijsq; opportunis modis conserventur, & augeantur. Quia obrem intrâ ambitum Eremiti non licebit ligna cædere, nè eius pulchritudo deturpetur. Qui verò absq; superioris permissu aliquam arborē viridem inciderit, pro vna quaq; arbore semel in pane, & aqua ieiunet. Quod si loci Prior absq; cōsensu Capituli ipsius Eremiti intra ipsum ambitu arborum incisionem fieri iusserit, à visitatoribus, vel Capitulo Gñali, disciplinâ circulari plectatur, & tunc incisio Arborum intelligatur, quando numerum quatuor, aut quinque arborum excedit, & hoc toto sui Prioratus curriculo, quod sinè rationabili necessitate fieri nequit, dumodo tamen non sint arbores, quæ loci venustatem, ac pulchritudinem vitient.

3. Sint insuper ædificia cum ambitu loci vniuerso sepe, ac vallo circumdata, ita vt per solum ostium pateat ingressus, vnde egredi sinè licentia Superioris nemo possit. Et positâ in Eremitis clausura sinè licentia Capituli Generalis, augendo, vel minuendo nefas erit alterari.

4. Cellæ insuper non simul iunctæ, sed triginta, plus, minusve pedibus inuicem, si locus patriatur separatæ consistant, tantundem ab Ecclesia, & officinis semotæ.

5. Atque vt vera sit solitudo, omnis non necessaria hominum secularium familiaritas ab Eremitis nostris (charitate saluâ) arceatur. Adeò vt neq; vicini habitatores quocunq; prætextu in commune Commer-
cium

cium admittendi sint: ac præcipè cauendum, ne eis vnquam ad nos accedendi causa tribuatur. Ideò sæcularium negotijs, etiam consanguineorum nè se nostri immisceant, quod stricte prohibetur, nisi aliter faciendum iustis de causis, superior iudicauerit.

6. Minus etiam liceat Eremitis sæcularium Ecclesias frequentare, nec funeralibus, alijsq; officijs celebrandis interesse, sicq; animarum curam exercere illis penitus est interdictum. Præterea ubiq; locorum foris, & intra Eremum, atq; etiam in propria Cella, non solum corporales, sed etiam mentales diuagationes effugiant, quæ & solitudinis propositum, & omne Spirituale ædificium destruere solent. Quapropter Superiores valdè cauere debent, nè faciles sint in dimittendis subditis suis, sed necessitate cessante, intra Clausuram in iugi obseruantia eos retineant. Quin & ipsi nunquam foras, nisi coactè egrediantur.

7. Et ad maiorem solitudinis obseruantiam, nemini permillum censetur in alterius Cellam, officinam uè, nisi annuente Prælato intrare, sed ne caput quidem intus immittere, quæ prohibitio etiam ad hospites tum religiosos, tum sæculares extenditur, exceptis casibus incendijs, infirmitatis, confessionis vel vrgentis cuiusq; necessitatis, quæ verisimiliter superioris animus ad talem concessionem movere potuisset.

8. Ille vero, qui obtento consensu, vel alias fratrem allocuturus ad alterius Cellam accedit, pulsans, non aperiens, Deo gratias altiusculè proferat, responsionem fratris illic immorantis patienter expectans, qui tamen

finè mora audita voce illico accurrere, & pari tenore respondere debet, & in ipsa anteriori parte Cellæ cum eo colloqui. In cubiculum autem, in quo dormitur nemini permittimur intrare, nisi in casibus supradictis. Qui autem præter hos casus introierit, vel qui alium intrare, permiserit, dicat culpam suam in Capitulo, & ieiunet semel in pane, & aqua, pro vnaquaq; transgressione. Qui verò in officinam ingressus fuerit, pitantiâ priuetur.

9. Et quia solitudo maximè fauet Castitati, ideò præcipitur nè nostris Eremis mulieres vnquam propinquare, nedum intrare ipsas possint; vnde ne ignorantia sit causa erroris, figantur Cruces ligneæ magnæ longè à lanua, quas mulieres sinè excommunicatione latæ sententiæ pertransire nequeunt, prout habetur ex priuilegio Pauli III. & Innocentij XI.

10. At Capitulum Generale ad populorum instantiam, iuxta d. Priuilegium cuncedere potest vt semel, bis, aut ad summum ter in anno, iuxta d. Capituli nominationem, deuotionis causa possint mulieres solum Ecclesiam ingredi, Eremum autem nullo modo, neq; Sacram, eiusq; vestibulum, vbi per portas Eremitarum Cellulæ conspiciuntur, poterunt tamen ea hospitalia ingredi, quibus introduci consueuere. Alias autem talis prohibitio inuiolabiliter perseueret. At si pertinacia populi aliter pernicaciter prætendat, cui refuti honestè non possit, locum potius deserere, ac longius abire consulant Patres.

11. Strictè insuper prohibetur, ne nostri Eremitæ mulier-

mulierculas regendas, confitendas, custodiendasuè suscipiant. Imò nè illas quidem alloqui sine socio astante possint; quare si aliquis nostrum mulieres intrà Cruces venire permiserit, aut in hospitij, & domibus nostrarum Grangiarum introduxerit, aut intrare permiserit, ubi solent Eremitæ habitare, aut earum confessiones exceperint. casu necessitatis excepto, circulari disciplina mulctetur. Monialium Ecclesias ne frequentent, nec in earum Ecclesijs sine debita licentia audeant celebrare.

Sequitur Regula.



Eindè secundum genus est Anachoretarum, idest Eremitarum, horum qui non conuersionis feruore, initio, sed Monasterij probatione diuturna, didicerunt contra Diabolum, multorum solatio iam docti, pugnare; & benè instructi fraterna ex acie ad singularem pugnam Eremitæ, securi iam sine consolatione alterius, sola manu, vel brachio contra vitia carnis, vel cogitationum Deo auxiliante, pugnare sufficiunt.

Tertium vero Monachorum teterrimum genus est Sarabattarum, qui nulla Regula approbati, experientia magistra, sicut aurum fornacis, sed plumbi natura molliti, adhuc operibus seruantes seculo fidem, mentiri Deo per tonsuram noscuntur, qui bini, aut terni, aut certè singuli sine Pastore, non Dominicis, sed suis inclusi sunt ouilibus, & pro lege eis est desideriorum voluptas, cum quicquid putauerint,

rint, vel elegerint, hoc dicunt Sanctum, & quod noluerint hoc putant non licere.

Quartum verò genus est Monachorum, quod nominatur Gyrovagum, qui tota vita sua per diversas Provincias ternis, aut quaternis diebus per diversorum Cellas hospitantur, semper vagi, & nunquam stabiles, & proprijs voluptatibus, & gulæ illecebris seruientes, & per omnia deteriores Sarabaitis. De quorum omnium miserrima conversatione, melius est silere, quàm loqui. His ergo omissis, ad Cenobitarum fortissimum genus disponendum, adiuvante Deo veniamus.

Constitutio.

I.



Lium viuendi modum. Anachoretis consimilem diuinitus S. Pr. ROMUALDUS excogitauit, eorum scilicet, qui diuinâ inspiratione, maioriq; silentij, ac perfectionis desiderio, ad culmen veræ solitudinis pervenire anhelant. Hos autem, qui hanc vitæ austeritatem arripiunt, iam ab initio inclusos Patres nostri vocauerunt, eò quia voluntariè intra vnius Cellulæ, hortuliq; parietes, omni hominum consortio priuati, contineantur: Iuxta quod institutum hucusq; obseruatum, præcipitur, ut Eremitis professis, qui instantèr talem petunt reclusionem, post quinquennium à professione emissâ, concedi ad tempus, vel perpetuo possit, dummodo concedenti, & morum probitas, moresq;

resq; religiosi innotescant, scilicet regularis obseruantia, silentium, orationis feruor, aliæq; consimiles virtutes petentis.

2. Auctoritas concedendi, si perpetua fuerit, vel ad plures annos Capitulo Generali reservatur. Nec ad longum tempus concedenda est, nisi ijs, qui pluries, aut saltem per annum eam experti fuerint: poterit tamen loci Prior alicui ex sua Familia per annum ad summum concedere. At Prælati Nouitiorum, Magistro, Sacristæ, ac Cellerario, in eorum Prælatura, & officijs persistentibus, penitus interdicatur.

3. Illæ Cellæ reputabuntur Reclusis, quæ remotiores sunt ab alijs, quæ habeant oratorium cum suis ornamentis, ac paramentis ad celebrandum necessarijs, quarum hortuli parietibus sint præcincti: cum hac tamen lege, quod Eremitæ reclusi, non secus ac alij suorum superiorum obedientiæ subiaceant, A quo voluntario carcere, nunquam exire debeant, sed superioribus, qui reclusionem concesserunt. Licitum semper erit illos ab ea penitus eximere siue perpetua, siue fuerit temporalis.

4. Sciant autem reclusi perpetuum sibi, inuiolabileq; silentium esse indictum, unde illos quæpiam alloqui, nec alloquentem audire valeant, sine expressa licentia scripta, & obsignata sui superioris, exceptis diebus D. Martini, ac Dominicæ Quinquagesimæ, in quibus recreationis, ac charitatis causa Cœremitarum semel tantum colloquia excipere, indulgetur.

5. Litteras ad Eremitas, aliosuè mittere, vel accipe-

re nisi sciente Priore. illicitum prorsus erit. Si quis autem secus fecerit, tam mittens, quàm recipiens, semel in pane, & aqua ieiunet.

6. Canonicas horas intrà oratorium suum persoluent, non ad beneplacitum, sed signum Campanæ communis, tam in diurnis, quàm in nocturnis laudibus obseruabunt, cum omnibus solitis cæremonijs & obseruantijs, quæ in istis constitutionibus, Breuarij; Rubricis continentur. In oratorio semper pallium gestent, & in ingressu semper se aquâ benedicta aspergant, ab ipsismet singulis Dominicis diebus, benedicenda, vel ab Ecclesia deferenda. Nequè prætermittant Indulgentias nostræ Congregationis, & si quæ alię in suis oratorijs sint, lucrari. Feriâ quinta hebdomadę Sanctæ, exeuntes, ad communem Ecclesiam accedant simul cum alijs communicaturi, refectiõni, ac mandato præsentis futuri. Feriâ autem sexta, & Sabbato ad Nonam venientes, rem sacram cum ceteris audiant: reliquum omne tempus in reclusorio agentes, si inclusi Sacerdotes non fuerint, Sacerdotum inclusorum Missas audire, eisq; sacrificantibus deferuire, atq; ibi (permittente Prælati) communionem sumere poterunt.

8. Et quia Sanctum illud orium, sanctas desiderat occupationes, idèò singulis diebus, vltra ordinatum officium quinquaginta Psalmos Dauidicos recenscant, & lectionem quotidianam ante completorium numquam omitant; vltra quam, & alias lectiones, Eremitis apertis communes vnius horæ alicuius spiritualis libri lectionem persoluent. Eodem modo solitam
vni.


vnus horæ in mane, & serò diuisam, reclusi cum feruore Spiritus vtroq; tempore duplicabunt.

9. Demum, & victus rationem in hoc saltem ab alijs coerceant, vt præter solitas abstinentias, toto tempore Regularis ieiunij, sine alia licentia, singulis hebdomadis duplicare valeant. Quod si strictius, Deo fauente, viuere cupiunt, superioris assensum humiliter petant.

10. Ad placitū eorum calopodio, siue socculo aperto uti poterunt, ac pedibus nudis incedere, nec non Cili-
cium ad carnem mortificandam deferre. Qui ad tempus includuntur, actiuam vocem in Capitulo non habent; perpetui verò neq; actiuam, neq; passiuam.

Qualis debeat esse Abbas

Cap. II.



Abbas, qui præesse dignus est in monasterijs, semper meminisse debet, quod dicitur, *Et nomen Maioris implere: Christi enim agere vices in Monasterio creditur, quando ipsius vocatur pronomine, dicente Apostolo, Accipitis Spiritum adoptionis filiorum, in quo clamamus Abba Pater.* Idcirco Abbas, nihil extra præceptum Domini (quod al sit) debet docere, aut constituere, aut iubere, sed iussu eius, vel doctrina feruenter anime iuliane in Discipulorum mentibus conspergatur. Memor sit pater Abbas, quia doctrinæ suæ, vel discipulorum obediencie curus, rei in tremendo Iudicio facienda erit assignatio: seu quæ Abbas, culpe Patris incumbere, quicquid in suis Pater familiaris utilitatis minus poterit inuenire. Tantum iterum liber

erit, ut si inquieto, vel inobedienti Gregi Pastoris fuerit omnis diligentia attributa; & morbidis earum actibus, vniuersa fuerit cura exhibita, Pastor earum in Iudicio Domini absolutus, dicat cum Propheta Domino. Iustitiam tuam non abscondi in corde meo, veritatem tuam, & salutare tuum dixi. Ipsi autem contemnentes spreuerunt me. Et tunc demum inobedientibus curæ suæ ovibus pœna fit, eis prævalens ipsa mors. Cum ergò aliquis suscipit nomen Abbatis, duplici debet doctrina suis præesse discipulis, idest omnia bona, & Sancta, factis amplius quàm verbis ostendere, ut capacibus discipulis mandata Domini verbis proponat, duris verò cordæ, & simplicioribus, factis diuina præcepta demonstret, Omnia verò, quæ discipulis docuerit esse contraria, in suis factis iudicet non agenda, ne alijs prædicans, ipse reprobis inueniatur, ne quando illi dicat Deus peccanti. Quare tu enarras Iustitias meas, & assumis testamentum meum per os tuum? Tu verò odisti disciplinam, & proiecisti sermones meos post te, & qui in fratris tui oculo festucam videbas; in tuo trabem non vidisti. Non ab eo persona in Monasterio discernatur. Non vnus plus ametur, quàm alius, nisi quem in bonis actibus, aut obedientia inuenerit meliorem. Non præponatur ingenuus ex seruitio conuertenti, nisi aliqua rationabilis causa existat. Quod si ita (iustitiâ actante) ad hanc visum fuerit, de cuiuslibet ordine id faciat; sine alia propria teneant loca. Quia siue seruus, siue liber, omnes in Christo vnum sumus, & sub vno Domino æqualem seruitutis militiam batulamur. Quia non est apud Deum per sonarum acceptio. Solùmmodo in hac parte apud ipsum discernimur, si meliores alijs in operibus bonis, & humiles inueniamur.

Er-

Ergo æqualis sit omnibus ab eo charitas, una præbeatur omnibus secundum merita disciplina. In doctrina namq̃ sua Abbas Apostolicam debet illam semper formam seruare, quã dicit. Argue, obsecra, increpa, idest miscens temporibus tēpora, terroribus blandimenta, durum magistri, pium Patris ostendat affectum. Idest indisciplinatos & inquietos debet durius arguere; obediētes autem, & mites, & patientes, ut in melius proficiant obsecrare. Negligentes autem, & contemnentes, ut increpet, & corripiat, admonemus; neque dissimulet peccata delinquentium, sed mox, ut caperint oriri, radicitus ea, ut praualet) amputet, memor periculi Helij Sacerdotis de Silo: & honestiores quidem, atq̃ intelligibiles animos prima, vel secunda admonitione verbis corripiat. Improbos autem, & duros, ac superbos, uel inobediētes, verborum, uel corporis castigatione in ipso initio peccati coerceat, sciens scriptum. Stultus verbis non corrigitur, & iterum. Percute filium virgã, & liberabis animam eius à morte. Meminisse debet semper Abbas, quod est, meminisse quod dicitur: & scire quia, cui plus committitur, plus ab eo exigitur; sciatq̃ quã difficilem, & arduam rem suscepit regere animas, & multorum seruire moribus, & alium quidem blandimentis, alium vero increpationibus, alium iussionibus, & secundum vniuscuiusque qualitatem, & intelligentiam ita se omnibus conformet, & aptet, ut non solum detrimenta gregis sibi commissi non patiantur; verum & in augmentatione boni gregis gaudeat. Antè omnia nē dissimulans, aut parvipendens salutem animarum sibi commissarum, plus gerat sollicitudinem de rebus transitorijs, & caducis, sed semper cogitet, quia animas suscepit regendas, de quibus & rationem redditurus est: Et nē censeatur do

minori fortè substantia meminerit scriptum, Primum quærite Regnum Dei, & Iustitiam eius, & hæc omnia adijciuntur vobis; Et iterum, nihil deest timentibus Deum; Sciatq; quia qui suscipit animas regendas, præparet se ad rationem reddendam. Et quantum sub cura tua fratrum se habere sciuerit numerum, agnoscat pro certo, quia in die Iudicii ipsarum omnium animarum, est redditurus Domino rationem, sine dubio, addita, & suæ animæ, & ita timens semper futuram discussionem Pastoris de creditis sibi ouibus, cum de alienis rationibus cauet, redditur de suis sollicitus, & cum de admonitionibus suis emendationem alijs subministrat, ipse efficitur à vitijs emendatus.

Constitutio.


1. **I**N Congregatione Eremitarum Camaldulensium Montis Coronæ nec nomen, nec dignitas Abbatis vsui vnquam fuit; ideo loci nostræ Congregationis, non Abbatix, nec Monasteria, sed Eremiti, & superiores non Abbates, sed Priores appellantur, atq; adeo supremus totius Congregationis Prælatus, Maioris sibi nomen vsurpauit, nec aliter vsui fuisse apud Eremitas, Camaldulenses dignoscitur, quamvis parum, aut nihil releuet quo Prælati nomine noncupetur, dummodo talis, qualis à S. Patris verbis circumscribitur, existat.

2. Sciant igitur Prælati ipsis traditam esse præsentem Sancti Patris doctrinam, quam, & si observare neglexerint, in tremèdo Dei Iudicio stricta fiet discussio. Quicunq; ergo alijs præfigitur, duplici doctrinâ, verbi

bi scilicet, & exempli, suos discipulos pro viribus instruere conetur, memor Apostolici dicti. *In omnibus te ipsum præbe exemplum bonorum operum.*

De adhibendis ad Concilium fratribus:

CAP: III.



*Q*uoties aliqua præcipua agenda sunt in Monasterio, conuocet Abbas omnem Congregationem, & dicat ipse unde agitur, & audiens consilium Fratrum, tractet apud se prudenter, & quod utilius iudicauerit, faciat. Ideo autem omnes ad consilium vocari diximus, quia sepe Iuniori Dominus reuelat, quod melius est. Sic autem dent fratres consilium cum omni humilitatis subiectione; ut non præsumant procaciter ascendere, quod eis visum fuerit, sed magis in Abbatis pendeat arbitrio, & quod salubrius esse iudicauerit, ei cuncti obediant. sed sicut discipulis conuenit obedire Magistro, ita & ipsum prouideat, & iuste concedet cuncta disponere. In omnibus igitur omnes Magistrum sequantur regulam, neq. ab ea temere declinetur a quoquam. Nullus in Monasterio proprii sequatur cordis voluntatem, neq. præsumat quisquam cum Abbate suo proteruè intra, aut extra Monasterium contendere. Quod si præsumpserit, regulari discipline subiaceat. Ipse tamen Abbas cum timore Dei, & obseruatione Regulæ omnia faciat, sciens se procul dubio de omnibus Iudicijs suis æquissimo Iudici Deo rationem redditurum. Si qua verò minora agenda sunt in Monasterij utilitatibus, seniorum tantum utatur consilio, sicut scriptum est. Omnia fac cum consilio, & post factum non pœnitebit.

Constitutio.

I. **H**æc conuocatio Congregationis, siuè Consilium vetustissima Religionis consuetudo obtinuit, ut Capitulum vocetur, & Congregationis hoc loco, vnus Monasterij, aut Religiosæ Domus Conuentus intelligitur. Capitulum autem, aut generale est, aut Conuentuale, aut certè (vt vocant) culparum, quorum vnum quodq; suum tractatum desiderat, cum singulorum diuersa sit congregandi causa, celebrândiq; modus. Hic solum de Capitulo conuentuali sermo est.

a. Quoties ergò aliqua percipua tractanda sunt in Eremo, Prior ad sonum Campanulæ, vt moris est, quod signum ad spatium vnus Miserere protrahitur cum decem ictibus in fine, omnes vocales, qui Sacerdotes, & Clerici professi vnus anni eiusdem loci, ac familiæ tantum intelliguntur, nec non & Visitatores, ubi præsentés reperiantur, conuocet. Quibus convocatis, omnes genuflexi secretò dicant: *Pater noster*, & Prior dicat, *Et ne nos, & Emitte Spiritum tuum. &c. & Domine exaudi &c. Dominus vobiscum &c.* cum suis responsorijs, & Orationem *Actiones nostras*. Prior postea rem, de qua deliberandum est (nisi maior præsens fuerit, ad quem suo Iure spectat,) distinctè proponat. Deindè matura cum consideratione, auditis singulorum votis per secreta suffragia, negotium terminetur. Omnes, seclusa omni prorsus passione, modestè, ac mansuetè loquantur, prohibita omni practica sub pana priuationis vocis adiuæ, & passiuæ ad sex mentes: Et quod
ama-

à maiori parte approbatum fuerit, definitum, ac ratum habeatur, ac totum in libro actuum Capitularium registretur.

3. Nomine autem rerum præcipuarum, intelliguntur receptiones Nouitiorum, tam ad probationem Quadenariam, quam ad habitus susceptionem ac professionem, incisionem lignorum intra Eremi ambitum faciendam, Conseruatoris, ac Medici electionem, Procuratorisq; sæcularis, & Aduocati, acceptare hæreditates, donationes, ac legata, quæ tamen renunciari minimè possunt, sine consensu Capituli Generalis: Quod si dictum Capitulum expectari non possit infra annum cum assensu Patrum Maioris, ac Visitatoris, aut Dietæ, renunciari licitè poterunt. Locationes etiam possessionum ultra annum, & quascunq; species alienationum, circa quas alienationes hæc omnia infra scripta, omnino obseruentur; scilicet, proponantur primo in Capitulo Conuentuali, & à maiori parte decretum, ad Capitulum Generale posita deferatur, aut ad Dietam, aut infra annum, ad P. Maiorem & Visitatores, à quibus approbatum, & confirmatum, ad S: Sedem Romanam pro licentia recurratur, nec alienationis Instrumentum conficiatur antè assensum Apostolicum, vel si cum reservatione d. Beneplaciti Apostolici fiat, non tradatur possessio antè dictum consensum.

Quod si quis quidpiam ex gestis in Capitulo, unde odium, aut scandalum oriri possit, reuelauerit, disciplinâ circulari plectatur; si autem leue fuerit reuelatum, arbitrio Prioris puniatur.

Quæ-

Quænam sint Instrumenta bonorum operum.

CAP. IV.

~~XXXX~~ **I** Nprimis Dominum Deum diligere ex toto corde, totâ
~~XXXX~~ **I** anima, totâ virtute, deinde proximum, tanquam se
~~XXXX~~ ipsum. Deinde non occidere, non adulterari, non
 facere furtum, non concupiscere, non falsum Testimonium dice-
 re, honorare omnes homines, & quod sibi fieri quis non vult
 alijs ne faciat, abnegare semetipsum sibi, ut sequatur Chri-
 stum, Corpus castigare, diuitias non amplecti, ieiunium ama-
 re, pauperes recreare, nedum vestire, Infirmum visitare,
 moriuum sepelire, in tribulatione subuenire, dolentem conso-
 lari, à seculi actibus alienum se facere, nihil amoris Christi
 præponere, iram non perficere, iracundie tempus non reser-
 uare, dolum in corde non tenere, pacem falsam non dare,
 charitatem non derelinquere, non iurare omnino, ne fortè per
 iures, veritatem ex corde, & ore proferre, malum pro ma-
 lo non reddere, Iniuriam non facere, sed factam patienter suf-
 ferre, Inimicos diligere, maledicentes nolle maledicere, sed
 magis benedicere, persecutionem propter Iustitiam sustinere,
 non esse superbum, non violentum, non multum edacem, non
 somnulentum, non pigrum, non murmursum, non detractorem,
 spem suam Deo committere, bonum aliquod in se cum viderit,
 Deo applicet, non sibi, malum verò semper à se factum sciat
 & sibi reputet, Iuicium timere, Gehennam expandere, vi-
 tam æternam omni concupiscentia spiritali desiderare, mor-
 tem quotidie antè oculos aspectam habere, actus vite suæ omni
 hora custodire, in omni loco Deum se respicere pro certo scire,
 cogi-

cogitationes malas cordi suo aduenientes, mox ad Christum allidere, & saniori Spirituali, os suum à malo, & prauo eloquio custodire, multum loqui non amare, verba vana, aut risui apta non loqui, risum multum, aut excessum non amare, lectiones Sanctas libenter audire, orationi frequenter incumbere, mala præterita cum lachrymis, vel gemitu quotidie in oratione Deo confiteri, de ipsis malis de cætero emendare, desideria Carnis non perficere, voluntatem propriam odisse, præceptis Abbatis in omnibus obedire, & si ipse quod absit, aliter agat, memor illius Dominici præcepti, quæ dicunt facite, quæ autem faciunt, facere nolite. Non velle dici Sanctum, antequam sit, sed prius esse, quo verius dicatur, præcepta Dei factis quotidie adimplere, castitatem amare, nullum odisse, Zelum, & inuidiam non habere, contentionem non amare, elationem fugere, seniores venerari, Iuniores diligere in Christi amore, pro Inimicis orare, cum discordantibus antè solis occasum in pacem redire, & de Dei misericordia nunquam desperare.

Constitutio.

1. **Q**Vanquam hæc bonorum operum instrumento-
rum doctrina satis plena, ac sufficiens videatur,
duo tamen hic addenda visum est, quorum alterum est,
Sacramentum Pænitentia, aliud Sacrosanctam Eucha-
ristiam frequentare.

2. Omnes ergo nostri Eremitæ singulo quoq; octauo
die, aut nono ad summum confiteantur: Et Sacerdo-
tes, qui legitimo cessante impedimento, quotidie cele-
brare solent, secundum nostræ Congregationis mo-
rem, ad frequentius confitendum adhortamur: Et si

aliquis, seclusâ causâ rationabili, aut licentiâ superioris infrâ dictum temporis spatium, confessus minimé fuerit, priuetur omnino pitantia, quousq; confiteatur.

3. Prior eligat duos, aut tres, vel etiam plures Confessarios, secundum numerum suæ familiæ subditorum, quibus Eremitæ ad beneplacitum confiteri poterunt, absq; alia licentia dicti Prioris, cum libertate adeundi alterum ex expositis, relicto prius electo, quibus pariter nostri Eremitæ extranei confiteri valebunt. Et si aliquis ex extraneis supradictis fuerit Prælatus, vel à suo superiori expositus, suorum sociorum confessiones poterit audire, sinè superioris localis licentia. Sic pariter PP. Visitatores quocunq; loco, & tempore, ac vocales ad Capitulum Generale accessi, etiam post suorum officiorum renunciationem, munus confessarij obire poterunt.

4. Nullus primò Sacerdos ad Confessiones audiendas exponatur, nisi accedente examine Prioris, ac visitatoris in actu visitationis: & ubi deerint approbati Confessarij ad familiam sufficientes, poterit Prior ad tempus usq; visitationis, quem voluerit, approbare.

5. Novitij suo Patri Magistro confiteantur, quando verò oportunum Prior iudicauerit, alium quempiam ex nostris Zelo, ac prudentiâ præditum ad Novitiorum confessiones bis in anno excipendas deputabit.

6. Itinerantes, vel ad nostra hospitia diuertentes, & ad alia nostræ Congregationis loca accedentes, confiteri poterunt cuicunq; ex nostris exposito, ac approbato à superiore, & in defectu Sacerdotis approbati,

no-

nostris etiam non approbatis valeat confiteri, vel alteri
tū Sæculari, tū regulari Sacerdoti, dummodo ne-
cessario, non autem in fraudem. fiat Confessio, tunc
enim nulla esset confessio ipsa.

7. Si Sæcularis aliquis nostris confiteri desideret,
quod nequē frequenter, neq, cum retributione fiat;
decernetur à superiori Sacerdos, qui ab Ordinario fu-
erit approbatus, quiq; casus reservatos calleat (qui-
bus si pœnitens illaqueatus fuerit) ad suum Iudicem.
Ordinarium remittet.

8. In visceribus Iesu Christi quilibet Prælatus, ac
superior deprecatur, nè piger, & supinus, sed diligens,
ac Zelans sit citra curam Animarum sibi subditarum.

9. Eandem auctoritatem absolendi à suo Priore
expositi habeant, quam ipse Prior, nisi hic aliquam
censuram, vel casum sibi expressè reservauerit, circa
quod servetur omninò decretum Clementis VIII. cir-
ca casus reservatos: at publica censura ob Clerici per-
cussionem Priori semper reservata censetur.

10. Quod dictum est de frequentia confessionis pa-
riter, & de sacra communione intelligantur, ut scilicet
omnes non Sacerdotes Eremitæ singulis Dominicis di-
ebus communicent, nisi ex aliqua propinqua festivi-
tate, aut alia rationabili causâ superior prœvenien-
dam, aut differendam Sacram Communionem iudica-
verit. Salvis semper Dominicis, Adventus, & Quadra-
gesimæ, in quibus nullo modo ab ipsa vacandum.

11. Feria 5. in Cæna Domini omnes tū Sacerdo-
tes, tū non Sacerdotes à suo superiore, qui die illa

celebrabit, communicent, & quoties simul plures ad Sacram communionem properant, bini incedentes, seruatō professionis ordine, procedant, pallio omnes tecti, & Sacerdotes addant stollam, omnes itaq; omni possibili modestiâ, deuotione, ac reuerentia incedant.

12. Qui frequentius, aut rarius communicare uoluerint, à suo superiore veniam petant; & qui contra fecerit, à suo superiore corrigatur, & puniatur.

13. Quocunque in loco Congregationis, ubi viget vsus chori, Sacrosanctum Eucharistiæ Sacramentum in Tabernaculo tectum, & obliteratum clauē, auferretur, ac semel in hebdomada commutetur.

Sciant igitur nostri Eremitæ, quod omnis doctrina hic à Sancta Regula, & Constitutionibus tradita, ad reformatum interiorem hominem inseruire, eiusq; mortificationem maximè iuuare; Parum enim corporalia exercitia profunt, nisi veræ pietati associentur. Et qualiter solitariè vixerit, comparabitur sepulchro dealbato, quod, Salvatore testante, foris quidem pulchrum apparet, intus verò plenum est ossibus, & omni spurcitia.

De Obedientia.

CAP. V.

¶ **P**rimus obedientiæ gradus est obedientia sine mora, hæc conuenit his, qui nihil sibi Christo charius existimant, propter seruitium Sanctum, quod professi sunt, seu propter malum Gehennæ, vel gloriam vitæ æternæ. Mox, ut aliquid imperatum à Maiore fuerit, ac si diuinitus imperetur, mo-

ram pati nesciunt in faciendo. De quibus Dominus dicit. In auditu auris obediuit mihi. Et idem dicit Doctores, Qui vos audit, me audit. Ergo hi tales relinquentes statim, quæ sua sunt, & voluntatem propriam deferentes, mox exoccupant manibus, & quod agebant imperfectum relinquentes, vicino obedientiæ pede iubentis vocem factis sequuntur. Et velut vno momento prædicta Magistri iussio, & perfectæ discipuli opera, in velocitate timoris Dei, ambæ res communiter citius explicantur, quibus ad vitam æternam gradiendi amor incumbit. Iacō angustam vitam arripuit, unde Dominus dicit. Angusta via est, quæ ducit ad vitam; ut non suo arbitrio viuentes, vel desiderijs suis, & voluptatibus obedientes, sed ambulantes alieno Iuicio & Imperio in Cænobijs degentes, Abbatem sibi præesse desiderent; sinè dubio hi tales illam Domini imitantur sententiam, quæ dicit. Non veni facere voluntatem meam, sed eius, qui misit me. Sed hæc ipsa obedientia tunc acceptabilis erit Deo, & dulcis hominibus, si quod iubetur non trepidè, non tardè, non tepidè, aut cum murmure, vel cum responso nolentis efficiatur; Quia obedientia, quæ Maioribus præbetur, Deo exhibetur. Ipse enim dixit. Qui vos audit me audit, & cum bono animo à Discipulis præberi oportet, quia hilarem datorem diligit Deus. Nam cum malo animo si obedit discipulus, & non solum ore, verum, & in corde si murmurauerit, & si impleat iussionem, tamen acceptum iam non erit Deo, qui cor respicit murmurantis; & pro tali facto, nullam consequitur gratiam, Imò penam murmurantium incurrit, si non cum satisfactione emendauerit.

Constitutio.

1. **Q**uia ab observantia eorum, quæ in præsentī Sanctæ Regulæ capite continentur disciplina, boniq; status conservatio pendet; Ideo nostri Eremitæ omnimodam adhibeant diligentiam in exequendis mandatis, quæ Sanctissimus Pater in perfectæ obedientiæ conditionibus describendis nobis præbet.

2. Subijciantur ergò in omnibus suo superiori, nec quisquam quidquam contra eorum voluntatem, aut mandatum agere præsumat; cum rationabile valdè sit ibi maiorem esse debere obedientiam, ubi austerior, ac perfectior viuendi viget disciplina. Sciant igitur nostri Eremitæ, nihil eis ultra communem viuendi vsum licere: nullam exerceant artem, nihil ex vna in alteram Cellam, aut à loco in locum transferant, neq; vestes, vel aliud quodpiam vestimentum scindant, aut alterent: Imò nec exercitium aliquod quantumvis spirituale, absq; sui superioris licentia aggrediantur. Abstineant etiam ab illis, quæ dicto, vel scripto illis interduntur, & ea, quæ minima sunt, quæ queis sine licentia agere licet, cum obedientiæ merito facere delectentur. Quidquid in Sacra Regula, atq; his Constitutionibus continetur, totis viribus studeant adimplere.

3. Ad maiorem præterea propriæ voluntatis abrenunciationem noverint omnes Eremitæ nostri propter obedientiæ votum omnibus Privilegijs, gratijs, Indultis seu concessionibus à Sede Apostolica iam antea in proprium cuiusq; fauorem obtētis, penitus abrenunciasse,
sue

siue eam singularitatē vitæ, seu Sacrorum ordinum promotionem, siue subiectionis exemptionem, siue tandem quocunq; modo propriæ voluntatis effectum respicere dignoscantur.

De Taciturnitate.

CAP: VI.



*F*aciamus, quod ait Propheta; Dixi, custodiam vias meas, vt non delinquam in lingua mea. Posui ori meo custodiam, obmutui, & humiliatus sum, & filii à bonis. Hic ostendit Propheta, si à bonis eloquijs interdum propter taciturnitatem debet tacere, quanto magis à malis verbis propter penam peccati debet cessare? Ergo quamvis de bonis, & Sanctis ædificationum eloquijs perfectis discipulis propter taciturnitatis grauitatem, rara loquendi concedatur licentia, quia scriptum est in multiloquio non effugies peccatum; & alibi. Mors, & vita in manibus linguæ, nam loqui, & docere Magistrum, condecet tacere, & audire, discipulo conuenit, & ideo si quæ requirēda sunt à Priore, cum omni humilitate, & subiectione, & reuerentia requirantur, ne videatur plus loqui, quàm expedit; scurilitates verò, vel verba otiosa, & risum mouentia, æterna clausura in omnibus locis damnamus, & ad tale eloquium discipulum aperire os non permittimus.

Constitutio.

- I. **T**aciturnitas Sacrosancta est, dummodo Iustitiæ metas non excedat, quæ tacendi, loquendi uè tempus docet. Ideò discreta consideratione hæc San-
cti

Et BENEDICTI doctrina secundum tempus, ac locum, secundum deniq; necessitatis, & charitatis indigentiam obseruanda est; Idcirco quandoq; in hoc superior dispensare, aliquando verò neutiquam. Declaramus itaq; indispensabiles esse omnes per annum Dominicos dies, omnes & solemnitates, ac festa Sanctorum, quæ ex præcepto Ecclesiæ, vel Constitutionum veniunt obseruanda, ambas Quadragesimas, ac Sextas festas cuiuscunq; hebdomadæ, omnes deniq; dies, in quos abstinentia transfertur. Ac insuper à Completorio cuiusq; diei, vsq; ad primam, sequentes horas quoque, quæ æstiuo tempore, orationi, vel dormitioni sunt deputatæ.

2. Eodem modo dispensatio in quibusdam locis, locum non habet, vti sunt Ecclesia, & eius vestibulum Sacrarium, Capitulum culparum, & Refectorium. Imò in diebus dispensatis non intelligitur in vijs, quæ sunt inter Cellas, ac in plateis antè Ecclesias, & antè Eremitam, in quibus silentium frangere nefas est.

3. At è contrà sic humana conditione, fraternaquæ charitate, sic exigentibus, etiam aliquando in diebus, horisvè suprà prohibitis, honesta loquendi licentia concedatur. Idè in Dominica quinquagesimæ, ac in festo S. MARTINI quia Quadragesimas ingressuri Eremitæ, simul charitatiuè reficiuntur) silentium à Prima diei vsq; ad quartam noctis hora relaxabitur. Ecclesia, Sacratio, Capitulo, ac vestibulo semper exceptis, dummodo diuinæ laudes in Choro consuetis horis, persoluantur.

4. Ob-

4. Obtinuit insuper laudabilis consuetudo, ut bis in hebdomada hyemali tempore, & ter in æstate, per superiorem post Primam in vestibulo Ecclesiæ silentium dispensetur, quæ quidem dispensatio ultra signum Completorii eiusdem diei non extenditur. Hyemem autem dicimus à festo exaltationis Sanctæ CRUCIS, usque ad Pascha, Resurrectionis. Quod verò reliquum est temporis usque ad idem festum, æstatem vocamus. Fiat itaque dispensatio in hyeme feriâ tertiâ, & quinta, sed in æstate addatur Sabbatum. In quibus diebus, vel eorum aliquo si præceptivum festum inciderit, in alium non impeditum dispensatio transferatur. Quod si tota hebdomada festiva fuerit, in minori fiat festo; Ita ut nunquam in hyeme bis, & ter in æstate silentij dispensatio prætermittatur: Caveant tamen omnes in huiusmodi colloctionibus aliquid sæculare, vanum, aut frivolum tractare.

5. Et quia silentium non solum verbis, imò magis quovis importuno tumultu, ac strepitu destruitur, ideò necesse est, dum diuina officia, aut missæ celebrantur circa Ecclesiam, dum verò oratio fit, vel somni quies capitur in Cellis, vijs, aut locis publicis, ab omni strepitu, vel strepitoso manuali exercitio penitus abstineri. Si quis autem silentij temporibus, absque superioris licentia, alterius Cellam adierit, vel pulsauerit, aut strepitum notabilem fecerit, cum officia celebrantur diuina, & Oratio, siue dormitio fit, maximeque nocturno tempore, accuset se in Capitulo, & secundum culpæ qualitatem, superioris arbitrio puniatur.


tur. Qui verò silentium simpliciter transgressus fuerit, plus temporis loquendo, quàm vt Psalmus 50. *Miserere* dici queat, fructuum portione, quæ vel illa die, vel sequenti illi debita, priuabitur; sic garrulæ Aues, vel delitiosæ, & omne animal latrabile, ludicrum, atq; inquietum ab Eremitis nostris penitus arceatur. Permittuntur solum canes ad Custodiam, quando, & vbi necessarij videbuntur.

6. Novitius cum Professis, nulla sit vnquam loquendi licentia, nisi illi à suo Patre Magistro, & isti à suo Priore facultatem acceperint. Cum hospitibus, siuè sæcularibus, siuè Religiosis affinis, vel amicis, vel operarijs, nulla sit conuersatio, nisi aliqua ex iusta causa iusserit Prælatus.

7. Meminerint tandem omnes quotidie, dum signum Primæ datur, ad Deum mente conuersi, hos versiculos orando dicere. *Pone Domine Custodiam ori meo, & ostium circumstantiæ labiis meis. Non acclines cor meum in verba malitiæ, ad excusandas excusationes in peccatis.*

De Humilitate.

CAP. VIII.

 *Lamat nobis scriptura diuina (Fratres) dicens, Omnis qui se exaltat humiliabitur, & qui se humiliat exaltabitur. Cum hac ergò dicit, ostendit nobis omnem exaltationem, genus esse superbiæ, quod se cauere propheta indicat, dicens, Domine non est exaltatum cor meum, neq; elati sunt oculi mei, neq; ambu-*

ambulavi in magnis neque in mirabilibus super me, sed quid? si non humiliter sentiebam, sed exaltaui animam meam, sicut ab lactatus super matrem suam, ita retribues in animam meam, Unde (Fratres) si summæ humilitatis culmen volumus attingere, & ad exaltationem illam caelestem, ad quam per præsentis vitæ humilitatem ascenditur, volumus velociter peruenire, actibus nostris ascendentibus, scala illa erigenda est, quæ in somno Iacob apparuit, per quam et descendentes Angeli, & ascendentes monstrabantur. Non aliud sine dubio descensus ille à nobis intelligitur, nisi exaltatione descendere, & humilitate ascendere. Scala verò ipsa erecta, nostra est vita in sæculo, quæ humiliato corde à Domino erigitur ad Cælum; latera enim eiusdem Scalæ dicimus nostrum esse corpus, & animam, in quibus diuersos gradus humilitatis, vel disciplinae vocatio diuina ascendendos inseruit. Primus itaq; gradus humilitatis est, ut si timorè Dei sibi antè oculos semper ponens, obliuionem omninò fugiat, & semper sit memor omnium, quæ præcipit Deus: & qualiter contemnentes Deum, in Gehennam pro peccatis incidunt, & vitam æternam, quæ timentibus Deum preparata est, animo suo semper reuoluat, & custodiens se omni hora à peccatis, & vitijs, id est cogitationum, linguæ, oculorum, manuum, pedum, vel voluntatis propria, sed & desideria carnis amputare festinet. Exijmet se humo de Cælis à Deo semper respici omni hora, & facta sua in omni loco ab aspectu diuinitatis videri, & ab Angelis omni hora Deo nunciari. Demonstrat nobis hoc Propheta, cum cogitationibus nostris ita Deum semper præsentem ostendit dicens. Scrutans corda, & renes Deus. Et item, Dominus nouit cogitationes hominum, quoniam vanæ sunt,

Et item dicit. Intellexisti cogitationes meas à longè, & quia cogitatio hominis confitebitur tibi; Nam ut sollicitus sit circa cogitationes suas peruersas, dicat semper humilis Frater in corde suo. Tunc ero immaculatus coram eo, si obseruauero me ab iniquitate mea, voluntatem verò propriam ita facere prohibemur, cum dicit scriptura nobis, Et à voluntatibus tuis auertere; Et item rogamus Deū in oratione, ut fiat illius voluntas in nobis. Docemur ergò meritò nostram non facere voluntatem, cum canimus illud, quod dicit scriptura: Sunt viæ quæ videntur hominibus rectæ, quarum finis vsq; ad profundum inferni demergit. Et cum canimus illud, quod de negligentibus dictum est. Corrupti sunt, & abominabiles facti sunt in voluptatibus suis. In desiderijs verò carnis, ita nobis Deum credamus semper esse præsentem, cum dicit Propheta Domino. Ante te omne desiderium meum. Cauendum ergò est ideò malum desiderium, quia mors secus introitum delectationis posita est. Undè scriptura præcipit dicens, Post concupiscentias tuas non eas. Ergò si oculi Domini speculantur bonos, & malos, & Dominus de Cælo semper respicit filios hominum, ut videat si est intelligens, aut requirens Deum, & ab Angelis deputatio nobis quotidie, die, noctuq; Domino factori nostro, opera nostra nuntiantur, cauendum est omni hora, Fratres, sicut dicit in Psalmo Propheta, ne nos declinantes in malum & inutiles factos aliqua hora aspiciat Deus, & parcendo nobis in hoc tempore, quia pius est, & expectat nos conuerti in melius, nè dicat nobis in futuro. Hæc fecisti, & tacui.

Secundus humilitatis gradus est, si propriam quis non amans voluntatem, desideria sua non delectetur implere, sed

Vocem illam Domini imitetur dicentis. Non veni facere voluntatem meam, sed eius qui misit me. Item dicit scriptura: Voluntas habet pœnam, & necessitas parit coronam.

Tertius humilitatis gradus est, ut quis pro Dei amore omni obedientia se subdat maiori, imitans Dominum, de quo dicit Apostolus, Factus obediens usq; ad mortem.

Quartus humilitatis gradus est, si in ipsa obedientia duris, & contrarijs rebus vel etiam quibuslibet irrogatis iniurijs, tacitâ conscientia, patientiam amplectatur, & sustinens non lassescat vel discedat, dicente scriptura. Qui perseverauerit usq; in finem, hic salvus erit. Item, Consortetur cor tuum, & sustine Dominum, & ostendes fidelem pro Domino, vniuersa etiam contraria sustinere debere. Dicit ex persona sufferentium. Propter te morte afficimur tota die, æstimati sumus sicut oves occisionis; Et securi de spe retributionis diuinæ, subsequuntur gaudentes & dicentes; Sed in his omnibus superamus propter eum, qui dilexit nos; Et item alio loco scriptura; probasti nos (inquit) Deus, igne nos examinasti, sicut examinatur argentum. Induxisti nos in laqueum, posuisti tribulationes in dorso nostro. Et ut ostendat sub Priore debere nos esse, subsequitur dicens. Imposuisti homines super capita nostra, sed & præceptum Domini in aduersis, & in iniurijs per patientiam adimplentes, percussi in maxilla, præbeant & aliam, auferenti tunicam, dimittant & pallium, angariati, mille passus vadant & duo miliaria, & cum Paulo Apostolo. Falsos fratres, & persecutiones sustinent, & maledicentes se benedicunt.

Quintus humilitatis gradus est, si omnes cogitationes malas cordi suo aduenientes, vel mala à se absconditè commissa, per humilem confessionem Abbati non calauerit suo. Hortatur nos de hac re scriptura, dicens, Reuela Domino viam tuam, & spera in eo, Et item dicit, Confitemini Domino quoniam bonus: quoniam in sæculum misericordiae eius, Et item Propheta. Delictum meum cognitum tibi feci, & iniustitias meas non operui. Dixi pronuntiabo aduersum me iniustitias meas Domino, & tunc remisisti impietatem cordis mei.

Sextus humilitatis gradus est, si omni vilitate, vel extremitate contentus sit Monachus, & ad omnia, quæ sibi iniunguntur, velut operarium se malum iudicet, & indignum, dicens cum Propheta. Ad nihilum reductus sum, & nesciui, vel lumentum factus sum apud te, & ego feci per tecum.

Septimus humilitatis gradus est; si omnibus se inferiorum, & viliorem non solum sua lingua pronunciet, sed etiam intimo cordis credat affectu, humilians se, & dicens cum Propheta, Ego autem sum vermis, & non homo, opprobrium hominum, & abiectio plebis. Exaltatus sum, & humiliatus, & confusus. Et item, Bonum mihi, quia humiliasti me, ut discam mandata tua.

Octauus humilitatis gradus est, si nihil agat Monachus, nisi quod communis Monasterij regula, vel Maiorum cohortantur exempla.

Nonus humilitatis gradus est, si linguam ad loquendum prohibeat Monachus, & taciturnitati habens, usq; ad interrogationem non loquatur, Monstrante scriptura, quia in multiloquio non effugietur peccatum, & quod vir linguosus non dirigetur super terram.

Decimus

Constit. Eremitice.

39

Decimus humilitatis gradus est. Si non sit facilis, & promptus in risu. Quia scriptum est. Stultus in risu exaltat vocem suam.

Undecimus humilitatis gradus est; si cum loquitur Monachus leniter, & sine risu, humiliter cum grauitate, vel pauca verba & rationabilia loquatur, & non sit clamosus in voce, sicut scriptum est. Sapiens verbis innotescit paucis.

Duodecimus humilitatis gradus est, si non solum corde Monachus, sed etiam corpore humilitatem videntibus se semper indicet. Id est in opere, in Monasterio, in Oratorio, in horto, in via, in agro, vel ubicunq; sedens, ambulans, vel stans, inclinato sit semper capite, defixis in terram aspectibus, reum se omni hora de peccatis suis existimans, iam se tremendo Iudicio Dei presentari existimet, dicens sibi semper illud, quod Publicanus ille Evangelicus fixis in terram oculis, dixit. Domine non sum dignus ego peccator leuare oculos meos ad cælum, Et iterum cum Propheta Incuruatus sum, & humiliatus sum vsquequaque. Ergo his omnibus humilitatis gradibus ascensis, Monachus ad Cbaritatem Dei perueniet illam, quæ perfecta, foras mittit timorem, per quam vniuersa quæ prius non sine formidine obseruabat, absq; ullo labore, velut naturaliter ex consuetudine incipiet custodire; non iam timore Gehennæ, sed amore Christi, & consuetudine ipsâ bonâ, & delectatione virtutum, quæ Dominus iam in op'arium suum mundum à vitijs, & peccatis, Spiritu S. dignabitur aemonstrare.

Constitutio.

TAm Sancta est, tamq; plena huius capituli tractatio; vt superfluum videatur aliud quicquam hoc in loco sta-

co statuere, tantæq; utilitatis huius lectionis series apparet, ut ex se non inuitet modò, sed etiam ad sui admirationem, & continuum studium propriâ virtute compellat.

De Officijs Diuinis in noctibus.

CAP: VIII.



Hyemis tempore, idest à Kalendis Nouembris vsq; ad Pascha, iuxta considerationem rationis, octauâ hora noctis surgendum est, ut modico amplius de media nocte pausetur, & etiam digesti surgant. Quod verò restat post vigilias, à Fratribus, qui Psalterij, vel Lectionum aliquid indigeat, meditationi inferuiatur. A Pascha autem vsq; ad supradictas Kalendas Nouembris sic temperetur hora vigiliarum agenda, ut paucissimo intervallo, quo Fratres ad necessaria natura exeant, custodito, mox matutini, qui incipiente luce, agendi sunt, subsequantur.

Constitutio.

1. **Q**uod hyemis tempore octauâ hora surgendum sit, sed iuxta noctis breuitatem, vel longitudinem hora vel protrahenda, vel retrahenda est:
2. Vnde ab Idibus Septembris, primum Matutini signû horâ septima pulsetur, tum à die septima octobris quasi per suos gradus ascendendo, horâ septima, & dimidia; sic à Kalendis Nouembris, horâ octaua dictum signum fiat. Rursus à decima Februarij sensim retrocedendo, horâ septimâ, & dimidia. A Septima verò Mar-

Martij, hora septima. A secunda die Aprilis hora sexta, & dimidia. A vigesima quinta eiusdem hora sexta, similiter à nona Maij hora quinta, & dimidia, & à die secunda Iunij hora quinta.

3. Præterea iterum crescente nocte, iterum etiam signum protenditur, vnde à decima Iulij pulsatur hora quintâ, & dimidia, & à Kalendis Augusti, hora sexta, & à vigesima eiusdem vsq; ad prædictas Idus Septembris hora sexta, & dimidia. Excipitur nox Dominicæ Natiuitatis, in qua sexta hora pulsatur.

4. Duplex erit Matutini signum, sicut & aliarum Canoniarum horarum, primum Matutini signum erit quinque *Miserere* in hyeme, sed in æstate quatuor *Miserere* tantum, cum interuallo inter primum, & secundum duorum *Miserere*. Vltimum verò signum vnus *Pater noster*, cum Angelica salutatione erit.

5. Audito ergo nocturnæ laudis signo, velociter surgentes ad tantum opus, omnes se præparent: Et statim mentem ad Deum, leuantes aliquam feruentem orationem, seu Psalmum pronuncient, aut certè aliquod Passionis, vel Diuinitatis Mysterium meditentur, ad Ecclesiam (sic modestâ grauitate seruata) properent, quo cum peruenerint, aperto in primis capite in ipso introitu aqua benedicta se aspergat, dicens, *Asperges me Domine &c.* quod quidem omnes obseruare debent, non solum intrantes, verum & exeuntes, ab Ecclesia postea dicat. *Introibo in Domum tuam, adorabo ad templum Sanctum tuum, & confitebor nomini tuo Domine.* Et ante Altare genuflexus postquam aliquantulum ora-

F

verit,

verit, completo primo matutini signo, surgat, & chorum ingrediens in suo loco genuflectat, expectans superioris signum officij incipiendi. Reliquis autem horis, & temporibus, quoties intranda est Ecclesia, aperto capite ingrediatur, etiam si frigus maxime vigeat; & altero genu tantum ante Altare ad terram flexo se similiter inclinet, & intret chorum.

Quot Psalmi dicendi sint in nocturnis horis.

CAP. IX.

Hic Remis tempore præmisso in primis versu, Deus in adiutorium meum intende, Domine ad adiuuandum me festina. In secundo ter dicendum est: Domine labia mea aperies, & os meum annuntiabit laudem tuam. Cui subiungendus est tertius Psalmus, & Gloria. Post hunc Psalmus nonagesimus quartus cum Antiphona, aut certè decantandus, inde sequatur Ambrosianus. Deinde sex Psalmi cum Antiphonis. Quibus dictis, & dicto versu, benedicat Abbas, & sedentibus omnibus in scamnis, legantur vicissim à Pratribus in Codice super Analogium tres lectiones, inter quas tria Responsoria cantantur, duo Responsoria sine Gloria dicantur. Post tertiam verò lectionem, qui cantat, dicat gloriam, quam cum incepit Cantor dicere, mox omnes de sedilibus surgant, ob honorem, & reuerentiam Sanctæ Trinitatis; Codices autem legantur in vigilijs, auctoritates tam veteris Testamenti, quam Noui, scilicet Expositiones earum, quæ à nominatissimis, & orthodoxis, Catholicis

omnibus Patribus facta sint. Post has verò tres lectiones cum responsorijs suis, sequantur reliqui sex Psalmi cum Alleluia canendi. Post hoc lectio Apostoli sequatur ex corde recitanda & versus, & supplicatio, Litania, idest Kyrie eleison, & sic finiantur vigilia nocturna.

Constitutio.

1. **C**VM ad amussim Breuiarii Monastici ordo, ac forma seruanda sit, satis hic modus ac Cæremonias in nocturnis Officijs celebrandis erit recensere. Cessante secundo itaq; Campanæ signo, omnibus in choro genuflexis, vt dictum est, dato ab ipso superiore Officij inchoandi signo, assurgant omnes, & profundè inclinati dicant secretò. *Pater noster, Ave Maria, & Credo*, quibus finitis, iterum superiore signante, erigantur cuncti, & Sacerdos hebdomadarius incipiat, *Deus in adiutorium meum intende*, quod cum dicitur omnes ad Altare conuersi, se signo Crucis muniant. Cum verò dicitur, *Domine labia mea aperies*, Os tantum pollice signent. Ad *Gloria Patri*, iterum vtrinque ad Chorum conuersi, profundè se inclinent. Postea stantes sequentia prosequantur.


2. Dum dicitur Psalmus *Venite exultemus*, ad Altare conuertant facies suas, quod & quando Euangelium super Altare legitur, semper obseruandum est. Item Sacerdos, quando Capitula, Antiphonas ad Magnificat, & Benedictus orationesque recitat, faciat, Et Clericus quando Responsorialia, Breuia, versiculos, & lectiones Officij parui B. V. & mortuorum.

3. Tres lectiones, quas hic Pater Sanctus vicissim in Choro legi iubet, legat ille, qui ultimus est, siue inferior Chori oppositi Hebdomadario, petita prius benedictione, nisi de homilia Euangelij desumptæ sint. Tunc quidem Sacerdotis hebdomadarij munus erit. Responsorium verò, Clericus hebdomadarius recitabit. Quando superior officium dicit, vt in solemnioribus Festiuitatibus, Homiliæ, lectiones, non ipse, sed Sacerdos hebdomadarius leget.

4. In Eremitis, in quibus sunt in Choro, præter Priorem, sex Sacerdotes, Prior ad hebdomadam faciendam non tenetur, sed solum officium in solemnioribus festiuitatibus: quod intelligitur, quando illi sex Sacerdotes, hebdomadas Sacerdotaliter faciunt. Quando verò Prior hebdomadarij munus subest, Sacerdos illi proximior homiliæ lectiones legat, atq; ita erit omninò obseruandus; non enim decet Prælatum à subdito benedici, quòd tamen in superiore nequaquam militat.

Qualiter æstatis tempore nocturna laus agatur.

CAP. X.

 Pascha autem, usq; ad Kalendas Nouembris omnis (vt supradictum est) Psalmodia quantitas tenetur, excepto, quod lectiones in Codice propter breuitates noctium minimè legantur, sed pro ipsis tribus lectionibus, vna de veteri Testamento memoriter dicatur, quam breue Responsorium subsequatur, & reliqua

qua omnia (ut supradictum est) impleantur, idest nunquam minus à duodecim Psalmorum quantitate ad vigilias nocturnas dicatur, exceptis tertio, & nonagesimo quarto Psalmo.

Qualiter Dominicis diebus Vigiliæ agantur.

CAP. XI.

Dominico die temporius surgatur ad vigilias, in quibus vigilijs teneatur hæc mensura. Idest, modulatis (ut supra disposuimus) sex Psalmis, & dicto versu, residentibus cunctis dispositè, & per ordinem in subsellijs legantur in Codice (ut supra diximus) quatuor lectiones cum responsoriis suis, ubi tantum in responsorio quarto dicatur à Cantore Gloria. Quam cum incipit, mox omnes cum reuerentia surgant. Post quas lectiones, sequantur ex ordine alij sex Psalmi cum Antiphonis, sicut anteriores, & versus, post quas iterum legantur alia quatuor lectiones, cum responsorijs suis ordine, quo supra, post quas iterum dicantur tria Cantica de Prophetis, quæ instituerit Abbas, quæ Cantica cum Alleluia psallantur. Dicto etiam versu, & benedicente Abbate, legantur alia quatuor lectiones de nouo Testamento ordine quosupra.

Constitutio.

Referentes nos ad noui Breuarij ordinem hic de lectionibus, modoq; legendi solummodo agendum est. Quilibet ergo præuideat, ac perlegat, quod sibi legendum est, suis aptando signacula locis, ne se, aliosque perturbet.

2. Primi nocturni quatuor lectiones, ille legere

F 3

tene-

tenetur, qui infimum locum in Choro tenet ex opposito Hebdomadarij, siue Nouitius, siue professus existat. Lector in ipso lectionis initio capite inclinato, benedictionem petat, qua à superiore data, sedentibus cæteris, ipse stans legat, sed quoties benedictio petitur, omnes assurgere debent, iterumq; sedere: nemo tamen ante superiorem sedere præsumat.

3. Secundi nocturni lectiones ab eo leguntur, qui in proximo supra prædictum lectorem in eadem parte Chori, loco residet. Tertij verò nocturni lectiones, quæ ferè de homilia Euangelij recitantur, semper ad Sacerdotem hebdomadarium pertineat. Omnes lectiones à supradictis lectoribus in proprijs locis recitabuntur.

4. Hebdomadarius autem Sacerdos is dicitur, qui omnibus horis diuinis, pariter, & nocturnis diuinum opus inchoat. Cuius munus erit ad omnes horas Capitula, & Antiphonas Ad *Magnificat*, & *Benedictus*, in officio Regulari. Item Antiphonas, & versiculos Commemorationum, nec non versum post Antiphonam B. MARIÆ in fine officij cum suis orationibus recitare. Ac etiam *Fretiosa* post primam cum suis pertinentibus. Psalmorum gradualium, pænitentiarumq; versiculi cum litanjs, quotiescunq; dicenda sunt, per ipsum Hebdomadarium persoluantur. Missam Conuentualem quotidie celebrare, & sequenti Dominica, ac tota hebdomada primam Missam dicere tenetur.

5. Clericus hebdomadarius, qui eiusdem Chori erit
cum

cum Sacerdote prædicto, pronuntiabit inuitatorium cum Psalmo *Venite Exultemus*, Antiphonas, versiculos, & Responsorialia lectionum officij regularis. Lectiones, & versiculos in officio B. MARIÆ, & Defunctorum, lectionem Martyrologij, & lectionem breuem post Pretiosam; lectionem in Capitulo antè Completorium, & tandem omnes Antiphonas Psalterij in ferialibus, simplicibus, & Dominicis intonabit: nam cum integræ dicuntur, ad Chorum spectant. In omnibus Dominicis per annum, ac festis duplicibus in officio Regulari, ac in Anniuersarijs Defunctorum. Clericus hebdomadarius præsens cum præterito, ambo inquam simul, Inuitatoria, & Responsorialia breuia, tam in Laudibus, quam in Vesperis in medio Chori decantabunt. Attamen in semiduplicibus, simplicibus, atq; ferijs, solus hebdomadarius in suo proprio loco, hoc munus adimplebit.

6. In festiuitatibus solemnioribus idem hebdomadarius Maiori, seu Priori celebranti deseruiet, & omnibus diebus festiuis pacem, more solito, acceptam prius, alijs præbebit. Et vbi solus vnuserit Clericus, vltimus professionis Sacerdos, munera clericalia obibit, tam in Choro, quam in Lectione, in Capitulo ante Completorium, & quæcunq; solent Clerici peragere, deficientibus ipsis Clericis. Si verò vnus solus sit Clericus, hic in solemnitatibus inseruiet Missæ, pacemq; dabit, reliquum hebdomadarius ipse perficiet.

5. Conuersus autem hebdomadarius, diligens imprimis esse debet, vt quoties opus sit, præsens in Eccle-

clesia reperiat. Is lucernas Chori ad Matutinum, accendet, & Candelas Altaris ad Laudes, ad Missam, ad Completorium, ac etiam festiuis diebus ad Vesperas, quas diuino peracto Officio diligenter extinguet. Crucem tam ad Processiones, quæ in Ecclesia sunt, quàm ad eas, quæ ad Infirmos comunicandos, vngendos, mortuosq; sepeliendos diriguntur, omnes antecedens portabit. Ad Missam insuper Conuentualem Sacerdoti deseruiet (nisi superiorem in solemnioribus celebrare contingat, cui Clericus hebdomadarius assistere debet) præueniat ergò tempus, seq; ad Sanctum opus præparet, vt incepta, hora, quæ Missam immediatè præcedit, solitum Campanæ signum pulset, & in Sacrario Sacerdotes expectet. Ac in sequenti hebdomada Missæ, quæ post Primam dicitur inseruiet, & die Dominico aquæ benedicendæ, responsa benedicenti Præsbytero daturus, assistere teneatur. Si verò quoties opus erit Ministerio suo præsto non fuerit, vel ipse legitimè impeditus, alium sui loco non suffecerit, suam dicat culpam in Capitulo, & à vino abstineat.

8. Quoties aliquis ex his Sacerdos, vel Clericus iustè impeditus personaliter his officiis adesse nequit, qui ei in eodem Choro proximè officio successurus est, is Socij munus adimplebit. Laico verò hebdomadario, qui professione ei interior est, succedet. Atq; adeò Sacerdotes nouiter professi, completo professionis anno atq; à Nouitiatu egressi Sacerdotis hebdomadarij munus incipient.

9. He-

9. Hebdomadarij à vesperis Sabbati incipient, vsq; ad nonam sequentis Sabbati inclusiue, qui nona expleta, se in medio Chori prosternent, pro erroribus, & defectibus in officio per totam hebdomadam commissis.

Sequitur Sancta Regula.

Post quartum verò Responsorium, incipiat Abbas Hymnum Te Deum laudamus, quo dicto legat Abbas lectionem de Euangelio cum honore, & tremore, stantibus omnibus. Quà perlecta, respondeant omnes Amen, & subsequatur mox Abbas Hymnū Te decet laus, & data benedictione incipiat Matutinos, Qui ordo vigiliarum omni tempore tam æstatis, quàm hyemis, æqualiter in die Dominico teneatur, nisi fortè (quod absit) tardius surgatur, quia tunc aliquid de lectionibus breuiandum est, aut Responsorijs, quod tamen omninò caueatur, ne proueniat. Quod si contigerit, dignè indè satisfaciat in oratorio, per cuius euenerit neglectum.

Constitutio.

1. **I**lle qui Choro præsidet, & absolutiones, quæ lectionibus præmittuntur, faciat, atq; Lectoribus benedictionem petentibus more solito impendat, ac deindè Te Deum incipiat, & Euangelium cum stola ad humeros super pallium, in medio maioris Altaris, stantibus omnibus, illucq; respicientibus, luminibusque in eodem Altari accensis, alta & intelligibili voce decantet. Quo finito Te decet cum oratione currentis

officijs dicat, & antequam ab Altari discedat, immediate laudes incipiat, dicens *Deus in adiutorium meum.*

2. Quocunq; in nostræ Congregationis loco præfens in Choro fuerit Pater Maior, prædicta omnia ipse perficiet. Quæ etiam in omnibus solemnitatibus primæ Classis, ac in festo Sanctissimæ Trinitatis, ac Circumcisionis Domini, nec non Purificationis, Annunciationis, & Natiuitatis B. MARIE diuinum Officium in primis, & secundis Vesperis, in Matutino, & Laudibus, ac Tertia, Officium, ac tandem Missam Conuentualem dicet. Eandem Missam celebrabit, quoties benedictio aliqua Candelarum, vel Cinerum, & Oliuarum, & quodocunq; Nouitius induendus est, profiteri uè debet. Item Sabbato Sancto, & vigilia Pentecostes, iuxta Missale Romanum.

Quomodo Matutinorum solemnitas agatur.

CAP. XII.

IN Matutinis die Dominico in primis dicatur sexagesimus sextus Psalmus sine Antiphona in directum; postquem dicatur quinquagesimus Psalmus cum Alleluia; postquem dicatur centesimus decimus septimus, & sexagesimus secundus; deinde Benedictiones, & Laudes, Lectio de Apocalypsi una ex corde, & responsum, & Ambrosianum, & versus, & canticum in Euangelio, Litania, & completum est.

Con-

Constitutio.

1. **H**Æc diuini officij pars, præ alijs omnibus solemniter, idest maioris vocis sono, morositateq; peragenda est. Illuminatoq; semper Altari. Sed quia festorum dies, non pari modo, nec æqualiter recoluntur, idè in illuminando Altari, varius quoq; erit modus.

2. In omnibus primæ Classis solemnitatibus, & alijs quibus secundæ, in quibus superior celebrare, ac officium dicere solet (vt supra dictum est) sex candelæ vnciarum quatuor ponderis pro qualibet, accendantur. In festis secundæ Classis, quatuor eiusdem ponderis, at in duplicibus tertię Classis, & Dominicis etiam quatuor, sed trium vnciarum. In officio verò semiduplici, aut de die infra octauam, ac de B. MARIA in Sabbato, duæ tantum trium vnciarum. Quæ candelæ, dum *Te Deum* cantatur à Conuerso hebdomadario sunt accedendæ, & vsq; ad finem officij lucebunt. Ardebunt etiam ad Missam Conuentualem ac vespersas. verum in ferialibus diebus, atq; in simplicibus festis, ad laudes, & vespersas, vnà sola candela duarum vnciarum antè Altare lucere consuevit; idemque ad completorium seruatur.

Qualiter priuatis diebus Matutini agantur.

CAP. XIII.

In diebus autem priuatis, Matutinarum solemnitas ita agatur; idest serageimus Psalmus dicatur sine antiphona in

na. in directum subtrahendo modicè sicut Dominica, ut omnes occurrant ad quinquagesimum, qui cum Antiphona dicatur: Post quem alij duo Psalmi dicantur (Secundum consuetudinem, idest secundâ feria, Psalmus quintus, & trigesimus quintus. Tertiâ feria quadragesimus secundus, & quinquagesimus sextus. Quartâ feria, sexagesimus tertius, & sexagesimus quartus. Quintâ feria, octuagesimus septimus, & octuagesimus nonus. Sabbato autem centesimus quadragesimus secundus, & Canticum Deuteronomij, quod diuidatur in duas glorias. Nam ceteris diebus Canticum unumquodq; die suo ex Prophetis (sicut psallit Ecclesia Romana) dicatur. Post hæc sequantur laudes, deinde lectio una Apostoli, memoriter recitanda, Responsorium, Ambrosianum, versus, Canticum de Euangelio, Litanæ, & completum est. Planè agenda matutina, vel Vespertina non transeant aliquando, nisi in ultimo per ordinem Oratio Dominica omnibus audientibus dicatur à Priore, propter scandalorum spinas, quæ oriri solent; ut conuenti per ipsius orationis sponsionem, qua dicunt. Dimitte nobis debita nostra, sicut & nos dimittimus debitoribus nostris, purgent se ab huiusmodi vitio. Ceteris verò agendis, ultima pars eius orationis dicatur, ut ab omnibus respondeatur. Sed libera nos à malo.

Constitutio.

1. **C**onsuetus Congregationis modus in Psalmis intonandus est, ut scilicet alternati per vices suas vtriusque Chori superiores, Psalmos, & cantica intonent. Hymnos verò incipiat, qui primus est à parte Hebdomadarii: sed Cantica Evangelica, idest Magnificat, & Benedictus. in Regulari officio Chori superior
into-

Constit: Eremiticæ.

53

intonabit, nisi ipse superior officium faciat, seu deducat, quia tunc Antiphonam dicturus, non potest vtrūque cum decore peragere. Idem qui post eum Choro præest, dicta cantica intonabit.

2. Eiusdem superioris onus erit in laudibus, & Vesperis, Dominicam orationem post *Kyrie eleison* alta, & intelligibili voce pronunciare. *Kyrie eleison* autem semper à parte Prioris incipiet, etiamsi ipse à Choro absit, præterquam in Psalmis gradualibus, quando *Gloria Patri* à parte dicti Prioris completur.

3. Incipiet quoque superior Antiphonas Beatissimæ Virginis in fine Horarum, idest *Salve Regina* & *Alma Redemptoris*, &c.

In Natalitijs Sanctorum qualiter
vigiliæ agantur.

C A P. XIV.

IN Sanctorum verò festiuitatibus, vel omnibus solemnitatibus (sicut diximus die Dominico agendum) ita agatur, excepto, quod Psalmi, aut Antiphonæ, vel lectiones ad ipsum diem pertinentes dicantur, modus autem supradictus teneatur.

Quibus temporibus dicatur Alleluia.

C A P. XV.

SANCTO Paschæ, usque ad Pentecosten, sine intermissione dicatur Alleluia, tam in Psalmis, quam in Responsorijs. A Pentecoste autem, usque ad caput quaraagesimæ omnibus noctibus, cum sex posterioribus Psalmis, tantum ad

G 3

noctur-

nocturnos dicatur. Omni verò Dominica extra quadragesimam Cantica, Matutini, Prima, Tertia, Sexta, Nonag, cum Alleluia dicantur, vesperæ autem cum Antiphonis, Responsoria nunquam dicantur cum Alleluia, nisi à Pascha, vsq, ad Pêtecosten.

Qualiter diuina opera per diem agantur.

C A P. XVI.

Septies in die, ait Propheta, laudem dixi tibi, qui septenarius numerus à nobis sic implebitur, si matutinis primæ, tertiæ, Sextæ, Nonæ, Vesperæ, Completorioq, tempore, nostræ seruitutis officia persoluamus, quia de his horis dixit Propheta, septies in die laudem dixi tibi; Nam de Nocturnis vigilijs, idem ipse Propheta ait, Media nocte surgebam ad confitendum tibi; ergo his temporibus referamus laudes creatori nostro, super Iudicia Iustitiæ suæ, idest matutinis, Primâ, tertiâ, Sextâ, nonâ, Vesperâ completorio, sed nocte surgamus ad confitendum ei.

Constitutio.

1. **Q**uamvis Conuersi ad diuinum officium recitandum minimè teneantur, tamen cum & ipsi Religiosi sint, nullatenus à Deo septies in die laudando excusabiles sunt, ac media surgentes nocte, ipsi confiteri. Ideò ex antiqua consuetudine vice dicti officij, ad infra scriptas quotidianas preces recitandas tenentur.

2. Quotidie igitur recitabunt octoginta duas orationes dominicas, ac totidem Angelicas salutationes, ipsas in hunc modum partientes, vt scilicet Matutinis
qua-

quadraginta, Laudibus decem, Vesperis septem, Primæ, tertiæ, sextæ, nonæ, ac Completorio ipsarum cuilibet horarum quinas tribuant, idq; maxima deuotione, attentione, & reuerentia persoluant.

3. Debent insuper singulis noctibus pulsante Campana ad Ecclesiam accedere, nocturnisq; laudibus personaliter assistere, nec inde, donec officium persolutum fuerit, recedere. In die verò propter eorum crebras occupationes, si feria sit, aut dies non festiuus, ad Primam, & Completorium tantum, in solemnitatibus, & festiuitatibus præceptiuis etiam vespers interfint.

Quot Psalmi per easdem horas dicendi sunt.

C A P. XVII.

Am de Nocturnis, vel Matutinis digessimus ordinem
I *Psalmodie Nunc de sequentibus horis videamus. Pri-*
ma hora, dicantur Psalmi tres sigillatim, & non sub
una Gloria. Hymnus eiusdem horæ post versum. Deus in
adiutorium meum intende, Domine ad adiuuandum
me festina, antequam Psalmi incipiantur. Post expletionem
verò trium Psalmorum, recitetur lectio una, versus, Kyrie
eleison. & Missæ sint.

Constitutio.

1. **Q**uia magni interest, sic hæc Prima diei hora suo tempore absoluator, vt cætera, quæ domi agenda sunt iusto ordine succedant. Ideo primus huius horæ

horæ signum, à tertia decima Septembris, vsq; ad Calendas Nouembris, & à decima Februarij, vsq; ad secundam Aprilis, paulo antè solis ortu pulsandum est. Item ab iisdem Calendis Nouembris, vsq; ad decimam Februarij, eius signum in Aurora dabitur. A secunda autem Aprilis, vsq; ad tertiam decimam Septembris orto iam sole. Primum signum ad spatium duorum. *Miserere* protrahatur, ac interuallum totidem, ultimum verò trium.

2. Prima completa, Conuersus, qui primæ Missæ inseruire debet, dictam Missam Campanæ signo significabit, quam Sacerdos hebdomadarius hebdomadæ præteritæ dicere tenetur. Quæ quidem Missa nunquam prætermittenda est, ut omnes *EREMITÆ* ei possint assistere. Vnde ex nostris nemo omnino sit, qui quotidie non celebret, aut Sacrum non audiat, quod si quispiam diebus priuatis Missam audire non poterit. Prioris venia, omittat.

3. Frequentare autem celebrationes nitantur Sacerdotes, cum nullum sit Deo charius holocaustum, quàm ipsum dignissimum Eucharistiæ Sacrificium, in quo tamen nec minus prolixi, nec multu celeres sint, sed potius inter vtrumq; extremum, medium tenentes, deuotè in tanto ministerio se gerant.

4. Post primam igitur, vsque ad tertiam curent omnes Sacerdotes celebrare in comuni Ecclesia, sed si nec locus, nec tempus datur. Tunc cum Prioris licentia in priuatis Cellarum Oratorijs faciant. Et qui antè tertiam non poterit, postea celebret, dummodo
non

non sit tempus orationis, vel Missæ Conuentialis sinè expressa licentia.

5. Curet hebdomadarius, vt Tertia finitâ vel Nona, antè Altare præparatus inueniatur. Missam conuentualẽ celebraturus. Qui etiam die Dominico aquâ benediçta, omnes quot sunt in Choro, & Ecclesia, asperget, vt in Missali habetur, ad quam asperisionem omnes in Choro stare debent, nulloq; modo genuflectere. In fine autem Missæ, fratres more solito, communicabit, & Sanctissimi Sacramenti formas in Tabernaculo reseruatas mutabit, seu renouabit.

6. Nunquam apud nos Missam cantare fas fuit, sed in simplicitate EREMITICA, deuotè, voce suauì, & cum debitis cæremonijs, excepto Sabbato Sancto, & vigilia Pentecostes.

7. Decretum est, illis tantum indumentis, Sacerdotibus, seu ornamentis vtendum esse, quæ ad celebrandum sunt omninò necessaria, idest sinè pluuiali, Tunnicella, alijs Pontificalibus ornamentis. Atq; in Missis quantumvis solemnibus vltra vnum Ministrum adhiberi nefas erit, qui Minister in maioribus solemnitatibus, in quibus Maior, aut Prior celebrat, Clericus erit. In alijs omnibus sufficit Conuersus, qui Clericum, vt suprâ iuuabit in thure Ministrâdo, ac in Sacrario Sacerdoti, dum se induit, ac exuit, inseruiet.

8. In solemnitatibus primæ Classis, in quibus superior celebrat, & in Comuni Refectorio omnes reficiuntur, ac in tribus Missis Natiuitatis Domini, nec non in triduo hebdomadæ Sanctæ, in Missa Conuentiali

incensatur Altare, in qua turificatione modus, & Ordo Missalis Romani seruandus est: Euangelium pariter sine aliqua particulari cæremonia in prædictis festis dicitur, præter incensum.

9. Quando sit dicendus hymnus *Gloria in excelsis Deo* Rubricæ missalis Monastici monent.

10. Pax omnibus Dominicis totius anni, omnibusq; diebus festiuis de præcepto; Clericus enim hebdomadarius pacem osculandam celebranti porriget, mox adfistentibus Cunctis, incipiendo à Prælato, vel seniori vsq; ad vltimum, dicens vnicuiq; *Pax tecum* & altero respondente, *Et cum Spiritu tuo*.

11. Omnibus Dominicis ab illo Sacerdote, qui primam Missam celebrabit, benedicenda est aqua, deposita prius planeta, & manipulo, sed cum stola, idq; in Sacratio: In alijs autem occasionibus, in quibus stola adhibenda est, sicut in Reliquiarum ostensione, & similibus, assumet Sacerdos suum palium, seu superpellicium, stola superposita. In ministrandis autem Infirmis Sacramentis Eucharistiæ, vel vñctionis extremæ. Rituale Romanum obseruabitur.

12. Quando priuatæ Missæ in maiori Altari Ecclesiæ celebrandæ erunt festiuis diebus, antequam Sacerdos, ad Altare accedat, signum detur vnus saltem *Aue Maria* cum quinq; ictibus in fine; sed ad primam Missam, & Conuentualem signum alterum dabitur vnus *Pater noster*, & *Aue Maria* cum quinq; pariter ictibus in fine, antequam Sacerdos sacris induatur vestibus.

13. Cum in Missa dicitur Sanctus, & ad eleuationem Corporis.

Corporis Christi, si Missa priuata fuerit, cum tintinabulo ad hoc parato; si Conuentualis, cum magna Campana signum, fiet spatio vnus *Aue Maria*, pro qualibet vice. Quo audito omnes vbicunq; fuerint genuflectant, & capite aperto Deum in tanto Sacramento humiliter adorent. At quando in præcipuis festiuitatibus Maiorem, aut Priorem celebrare contingit, tunc prædicta signa fiant cum magna, & parua simul campana, quod pariter ad *Gloria in Excelsis*, obseruandum est.

14. Sacerdotes qui non præsto sunt, quando debent in Sacrario quinque; ictibus magnæ Campanæ vocentur, Ministri verò tribus. Qui omnes solliciti ad hæc esse debent, ac se inuicem præuenire præcipuè seruientes.

15. Sed quia Missarum celebrationi lumina adesse debent ad Conuentualem in duplicibus, & semiduplicibus festiuitatibus, Dominicis, ac infra octauas iidem Cerei, qui laudibus inseruierunt, inseruient. In simplicibus, ac ferialibus diebus duæ Candelæ duarum vnciarum ponderis ardeant, sicut in omnibus priuatis Missis, excepta Dominica palmarum, & vigilia Pentecostes, in quibus quatuor Cereoli, quatuor vnciarum ardebunt.

16. Rursus semper antè Altare maius duo Cerei in magnis Candelabris esse consueuerunt, qui in Missis Conuentualibus ad eleuationem Sanctissimi Sacramenti accendantur, nec donec Sacerdos communicauerit, extinguendi sunt. Quod pariter in minoribus Altaribus fiet, vnico tamen cereo.

Sequitur Regula.



Tertia verò, Sexta, Nona, eodem ordine celebretur idest versus, Hymni earundem horarum terni Psalmi, Lectio, & versus Kyrie eleison, & Missæ sint. Si maior Congregatio fuerit cum Antiphonis, si verò minor in directum psallantur. Vespertina autem Synaxis quatuor Psalmis cum antiphonis terminetur, post quos Psalmos lectio recitanda est; inde responsum, Ambrosianum, versus, Canticum de Euangelio Litania, & oratio Dominica, & fiant Missæ. Completorium autem trium Psalmorum dictione terminetur, qui Psalmi directanei sine antiphona dicendi sunt, post quos hymnos eiusdem horæ lectio una, versus, Kyrie eleison, & benedictio, & Missæ fiant.

Constitutio.

1. **S**ignum Tertix, ab Idibus Septēbris vsq; ad Pascha, mediâ hora post primam Missam dandum est; & si fortè post Primam non celebretur, ad vnus horæ spatium signum tendatur. A Pascha autē, vsq; ad tertiam decimā Septembris, quando non ieiunatur, post horā ac dimidiam, post primam missam, pulsabitur; si verò ieiunatur, semihora tardius.

2. Primum signum tertix erit vnus Miserere, interuallum duorum, secundum signum Item duorum. In die verò Natiuitatis Domini, & Sancti ROMUALDI tria dantur signa eiusdem mensuræ.

3. Signum Sextæ, quod vnicum est, erit spatij vnus Pa-

us *Pater noster*, & vnus *Aue Maria*, quæ in quadragesima consecutiue post tertiam dicitur, ac in vigilia Pentecostes, & quoties deficit Missa ordinaria Tertiæ. In duplicibus, Dominicis, semiduplicibus, simplicibus, & Ferijs, post dictam Missam ordinariam Tertia Sexta semper dicitur.

4. Nona per totum annum ea hora nunciabitur (vt ipsa, quando sola dicitur) finita, & cum Missa, ac Vesperæ subsequuntur, ipsis absolutis adsit merities, sed in Ieiunio Regulari per mediam horam anticipari poterit. Excipiuntur hinc etiam omnes Dominicæ à Kalendis Nouembris vsq; ad Pascha, nec non dies, in quibus tempore æstiuo fit dormitiò antè Nonam. In quibus Nona, in ipso meridie signatur. Primum ergò signum, quando dormitur antè nonam, erit duorum *Miserere*, quando verò non dormitur, vnus tantum, sed interuallum, & secundū signū, erit duorum *Miserere*.

5. Vesperæ ab Idibus Septembris vsq; ad Pascha, horâ vigesima prima signandæ sunt, exceptis Dominicis quadragesimæ Magnæ, in quibus, & toto tempore à Pascha vsq; ad festum S. CRUCIS Septembris, horâ vigesima significandæ sunt. Primum, & secundum signum erunt duorum *Miserere*, tantundem interuallum erit, at in diebus Ieiunij quadragesimæ vnicum signum vnus *Miserere* sufficit. In festis autem duplicibus ipsa signa longiora esse debent, & in festiuitatibus Natiuitatis Domini ac S. ROMUALDI tria fiant signa eiusdem mensuræ.

6. Completory tandem signum datur circà vigesi-

nam tertiam horam, sed adstat Sacrista, dum id agit, maximè in æstate, ut post Completorium vsq; *Aue Maria* signum, solitæ orationis tempus superfit. In hyeme autem Completorio finito, statim *Aue Maria* pulsatur, idest à Kalendis Nouembris vsq; ad decimam. Februarij. Eadem consideratione vti oportet, cum officium Defunctorum dicendum est, ut eo finito, dicatur *Aue Maria*. Signum Completorij ad tres, aut quatuor ad summum miserere protrahatur. Quando autem Eremitæ omnes in Ecclesia esse noscuntur, breuiari potest diuini officij signum, verum vel vno absente ad iustam mensuram protrahatur.

7. Signum Campanulæ post lectionem Completorij non omittatur, quod vnus *Pater noster*, & *Aue Maria* erit. Venerabile tandem signum Salutationis Angelicæ dicto Completorio post solis occasum pulsabitur. In nocte verò in fine laudum Regularis officij. At in meridie post Nonam, aut Vesperas pro temporis qualitate.

8. Signa tribus vicibus dabuntur, vnus cuiusq; signi spatium erit vnus *Aue Maria* cum suis debitis interualis. Quo audito genuflectant omnes, & aperto capite dicant *Aue Maria*. Sed toto tempore Paschali, & diebus Dominicis à primis Vesperis non genuflectitur.

Quo ordine Psalmi dicendi sint.

C A P - XVIII.

✠✠✠✠✠ N primis semper diurnis horis dicatur versus. Deus
✠✠✠ I ✠✠✠ in adiutorium meum intende, Domine ad ad-
✠✠✠ iuuan-

iuvandum me festina. Et Gloria. Inde hymnus uniuscuiusque horæ; deinde Primâ hora Dominica dicenda quatuor Capitula, Psalmi, centesimi decimi octavi; Reliquis uerò horis, id est Tertia, Sexta, & Nona, terna Capitula supradiçti Psalmi centesimi decimi octavi dicantur. Ad Primam autem secundæ feriæ, dicantur tres Psalmi, id est primus, secundus & sextus & ita per singulos dies ad primam usque ad Dominicam, dicantur per ordinem terni Psalmi usque ad decimum nonum Psalmum, ita sanè, ut nonus Psalmus, & decimus septimus partiantur in binas glorias, & sic fiat, ut ad vigilias Dominicæ, semper à vigesimo incipiatur. Ad Tertiam verò, Sextam, & Nonam secundæ feriæ nouem Capitula, quæ residua sunt de centesimo decimo octauo, ipsa terna Capitula per easdem horas dicantur. Expensò ergò Psalmo centesimo decimo octauo, duobus diebus id est Dominico, & Secunda feriæ, Tertiâ feriæ iam ad Tertiam sextam, & nonam, Psallantur terni Psalmi, à centesimo decimo nono, usque ad centesimū vigesimum septimum, id est Psalmi nouem. Qui Psalmi semper usque ad Dominicam per easdem horas itidem repetantur. Hymnorum nihilominus, lectionum, vel versuum dispositione uniformi cunctis diebus seruata. & ita scilicet, ut semper à Dominica centesimo decimo octauo incipiatur. Vespera autem quotidie quatuor Psalmorum modulatione canatur. Qui psalmi incipiantur à centesimo nono, usque ad centesimum quadragessimū septimum, exceptis his, qui diuersis horis ex eis sequuntur, id est à centesimo decimo septimo, usque ad centesimum vigesimum septimum, & centesimo trigesimo tertio, & centesimo quadragesimo secundo. Reliqui omnes in vespera dicendi sunt, qui in numero supradiçto fortiores inueniuntur, id est centesimus trigessimus octauus & centesimus quadragesi-

mus sextus, quia parvus est, cum centesimo decimo quinto coniungatur. Digesto ergo ordine Psalmorum Vespertinorum, reliqua idest lectiones, responsoria, Hymni, versus, vel Cantica (sicut supra taxauimus) impleantur. Ad Completorium vero quotidie ydem Psalmi repetantur, idest quartus, nonagesimus, & centesimus trigesimus tertius. Disposito ordine Psalmodie diuinae, reliqui omnes Psalmi, qui supersunt, equaliter diuidantur in septem noctium vigilias, partiendo scilicet, qui inter eos prolixiores sunt psalmi, & duodecim per vnamquamq; constituentur noctem. Hoc praecipue commonentes vt si cui forte, haec distributio Psalmorum displicuerit, ordinet, si melius aliter iudicauerit, dummodo omnibus modis id attendatur, vt omni hebdomada Psalterium ex integro numero centum quinquaginta Psalmorum psallatur, & Dominico die semper à capite repetatur ad vigilias. Quia nimis iners deuotionis suae scrutium ostendunt Monachi, qui minus Psalterio cum Canticis consuetudinarijs per septimanæ circulum psallunt: cum legamus Sanctos Patres nostros vno die, hoc strenue impleuisse, quod nos tepide utinam septimana integra persoluamus.

Constitutio.

1. **A**D integram perfectamq; regulæ satisfactionem, cum non semper fiat officium de feria; quilibet tunc Sacerdos, tunc Clericus qualibet hebdomada totum David Psalterium siue ore, siue memoriter priuatim recitabit.

De disciplina psallendi.

C. A. P. XIX.

✠✠✠✠✠ Bis credimus diuinam esse presentiam, & oculos Domini in omni loco speculari bonos & malos. Maxime tamen

tamen hoc sine aliqua dubitatione credimus, cum ad opus diuinum assistimus; Ideo semper memores simus, quod ait Prophe-
ta, Seruite Domino in timore, & iterum, Psallite sapi-
enter, & in conspectu Angelorum Psallam tibi. Ergo
consideremus qualiter oporteat nos in conspectu Diuinitatis, &
Angelorum esse, & sic stemus ad Psallendum, ut mens nostra
concordet voci nostræ.

Constitutio.

I. IN omnibus nostræ Congregationis locis, omnes
Sacerdotes, ac Clerici tam Professi, quam Nouitij,
auditò officij signo, quotidie ad singulas horas, tam
diurnas, quam nocturnas, ad Ecclesiam properent,
ibiq; ante Ss. SACRAMENTUM deuotè, & reueren-
ter officium persoluant. Quod ità strictè obseruan-
dum est, ut si fortè pauci, Imo si duo, vel vnus tantum
in EREMIO præsens fuerit, illi duo vel vnus id per se
in Ecclesia implere teneantur, sinè cantu tamen, se-
cundum antiquum Stylum, morem, ac consuetudi-
nem Religionis, distinctis verbis, voce clara, concor-
di, ac sonora, simul incipientes ac pariter desinentes
cum debitis pausis, seu punctis, monastico more;
Ideò omnes ad quos spectat Psalmos incipere, respon-
soria, versus, & alia intonare, diligenter aduertant, ut
cum voce mediocri, alia, ac sonora id faciant. Qui
autem lectiones legunt, semper in eodem tono Chori
incipiant, ac finiant, ut alij cōmodius eundem tonum
sequantur, & præcipuè cum duo simul inuitatorium,
aut Responsorium concinunt,

2. Et ne decor diuini cultus perturbetur, omnes perseverantes usq; in finem officij, maneant in Choro, nisi necessitas naturæ indè exire cogat. Neque Prælati pro aliquo quamvis magno negotio, dum diuinis laudibus cum alijs vacat, interpellatur, neq; ipse interpellatus foras egrediatur.

3. Officium paruum Beatissimæ Virginis *MARIÆ* quotidie recitabitur, at quando in Choro non dicitur, Magister Nouitiorum cum suis Notitijs in Capitulo, vel Sacratio honestâ mora persoluat. Cæteri vero priuatim, vbi voluerint recitabunt.

4. In Choro semper recitabitur; exceptis duplicibus, Dominicis, triduo ante hebdomadæ Sanctæ infra octauas B. Virginis, vigiliæ Natiuitatis, & Epiphaniæ Pentecostes, & Assumptionis, & in semiduplicibus, solum excipies Matutinum, quod item obseruandum in loco Capituli Generalis, quando suo debito, & ordinario tempore, celebratur, durante ipso Capitulo propter noctium breuitatem.

5. Defunctorum officium in Choro semel in hebdomada recitandum, exceptâ hebdomada Sancta, Paschatis, Pêrecostes, & infra octauam Epiphaniæ, applicata tamen semper missa, etiam si omittatur officium, quo officio Rubricæ Breuiarij præcipientis talem officij recitationem prima quoq; die mensis non impedita, fit satis. Declarantes propter Anniuersaria, quæ fiunt, per annum, tolli obligationem talis Defunctorum officij prima mensis non impedita, & cuiuslibet hebdomadæ in quadragesimis.

6. Et quia modestia, & reuerentia interior, non parum internam deuotionem iuuat, ideo quilibet pro virili cæremonias, maxime quæ in Choro fiunt cantari solent, seruare studeat. Illicitum quippè imò turpe reputatur, si stantes in Choro ad aliquam sedilium partem dorsum, latusuè reclinent, aut cubitis innitantur, nisi Senectus, vel infirmitas defectum excuset, quod tamen omni modestiâ, grauitateq; fiat, nè scandalo, aut admirationi Nouitijs, ac Iuniorib9 sint. Tandem quando omnes genuflexi manent, Chorus, Chorum alterum respiciat.

7. Verum superior, cum post Cantica *Magnificat*, & *Benedictus* altâ voce totum recitat *Pater noster*, stabit versâ facie ad Altare. Stabit item, quando dat benedictiones, stat etiam Hebdomadarius, quando recitat orationes.

8. Capitis profundæ inclinationes, semper fiunt, & *Gloria Patri*, in Hymnorum vltimis versibus ad *Sanctus*, *Sanctus* &c. *Fiat misericordia tua Domine* &c. *Te Deum laudamus*. Ad *Te decet laus* &c. post lectum Euangelium in Matutino: ad Primam in secundo Hymni versu. *Deum precemur supplices* &c. Ad tertiam cum dicitur. *Nunc Sancte nobis* &c. & *Veniat super nos misericordia* &c. Ad Vesperas, quando dicitur. *Sit nomen Domini benedictum*. quando dicitur ò *Gloriosa Domina*, & *Maria Mater gratiæ* &c. ac tandem quoties nominatur *Iesus*, & *MARIA* inclinetur caput.

9 Cum in hymno *Pange lingua* &c. dicitur *Tantum ergò quæsumus* &c. & in festiuitatibus Beatæ Virginis

primæ aut secundæ Classis, quando intonatur *Aue Mariæ stella &c.* ac in Pentecoste ad *Veni Creator Spiritus &c.* genuflectendum ad primos quatuor versus versusque hymni, sicut in hymno Crucis in versibus, *O Crux auespes unica &c.* ad primos duos versus tantum quod pariter toto passionis tempore obseruandum erit, & semper in Psalmo *Venite exultemus*, ad verba, *Venite adoremus, & procidamus ante Deum &c.*

10. Ad omnes lectiones, & Responsorialia, exceptis officij parui B. MARIÆ, & in initio Euangelij, quod antè lectiones homiliæ recitatur, sedebunt.

11. Dum Psalmi canuntur, ac Cantica veteris Testamenti, & lectiones in officio regulari leguntur, ac mortuorum, operto capite manebunt, exceptis lectoribus, qui nudum, aut seminudum pro temporis qualitate habebunt, & sic in hyeme in Choro inter vtrumque signum omnes operto, in æstate aperto capite erunt.

12. In omnibus alijs, quæ ad cultum diuinum pertinent, aut suis Cæremonijs, & obseruantijs, tam in Ecclesia, & Choro, quàm extra, ab Idibus Septembris usque ad Pascha Resurrectionis, dimidium capitis detegitur, & à Paschate usque ad Idus prædictas, totum operitum tenetur. Excipe tamen toto anni tempore principium diuini officij, quousque psalmi cantari incipiant, quando legitur Euangelium, aut eleuatur Ss. SACRAMENTUM, quousque Sacerdos (aut alij si qui sint) communicauerit, quando datur signum salutationis Angelicæ, quando dicitur *Salve Regina*, aut alia similis Antiphona, in quibus totum caput aperiendum.

13. Ad

13. Ad hanc autem obseruantiam non adstringuntur infirmi, nisi in quantum ipsis videbitur, & placuerit, dummodo omnia faciant sciente, & consentiente superiore, qui poterit, & post Pascha & ante Idus Septembris, si fortè nimirum frigescet, dispensare, vt quisque saltem dimidium caput operire valeat, sicut in hyeme.

14. In Cæremonijs cum decore faciendis, multum iuuat vna omnium conformitas, vt scilicet omnes simul, & semel æqualiter caput aperiant, & operiant. Si item in erigendo se, & inclinando, incipiēdo aliquid, & finiēdo, genuflectendo, & assurgendo, & tandem in omnibus, idem tempus, eundem domum, formam deniq; ac mensuram eandem obseruent.

15. Finito verò officio nemò exurgat, nisi superior erectus incipiat abire, aut signum dederit discedendi, ipso in Choro remanente. Studeant insuper, non solum in Cæremonijs conformes per omnia esse, sed etiam in vestitu, incessu, & cæteris omnibus.

16. Intrent in Ecclesiam cum modestia, habitu cōposito, solitisq; vestibus, & signanter cum pallio, sinè quo nullus (etiam si hospes fuerit) chorum aut Refectorium intrare præsumat: Et si quis hospes sæcularis, aut Regularis illuc ingressus fuerit, per Sacristam blandè prius admonitus extrahatur, nisi à Priore, vel de eius licentia introductus fuerit.

17. Processiones, quæ licet apud nos non sint in usu sicut in sæcularium Ecclesijs, fieri tamen debent, quando præcipiuntur à summo Pontifice ad conse-

quendas Indulgentias, quæque à Missali præscribuntur, in quibus Ritualis Romani ordo omninò seruandus est.

18. In Processionibus Feriarum Quintæ, & Sextæ maioris Hebdomadæ, singuli EREMITÆ, singulas candelas duarū vnciarum accensas gestabunt, quod ad honorē Ss. SACRAMENTI inconcussæ obseruabitur, quod item faciendum, cum ad tumulum deferūtur Defuncti. Duarum pariter vnciarum erunt Candelæ, quæ in triangulo dicta Sacra hebdomada ad Matutinum accenduntur; illæ verò quæ in Altari ad Crucis adorationem accenduntur, trium vnciarum erunt: eiusdē item ponderis debent esse tres illæ, quæ nouo igne primæ in arundine accenduntur Sabbato Sancto, & tales erunt illæ, quæ in die Purificationis EREMITIS distribuuntur; priuatis in cellulis conseruandis.

19. Cereus autem Paschalis sex librarum circiter erit, qui à die Sabbathi Sancti, vsq; ad Ascensionem Domini, completo Euangelio dicti Festi in Missis conuentualibus, Vesperis, ac Laudibus perpetuò ardebit.

20. Cera, quæ in nostris Ecclesijs consumitur debet esse alba exceptis illis cereis, quæ in triduo Maioris hebdomadæ in officijs, & Missa feriæ sextæ infumuntur, & in Anniuersario omnium Defunctorum, quæ erunt ceræ communis.

21. Ad Crucem feriâ Sexta in Parasceue adorandam, Celebrans depositis solum creptis alij verò EREMITÆ pedibus nudis, singillatim peragant, secundum eorum gradum, quod pariter ad mandatum in die

Cz.

Cœnz Dñi obseruabunt. Prophetiæ Sabbathi Sancti, ac Vigiliæ Pentecostes, inter Clericos, & Sacerdotes distribuuntur, secundum superioris ordinem, semper verò à Junioribus, ac vltimis sumatur initium.

De reuerentia Orationis,

C A P. X X.

I cum hominibus potentibus volumus aliqua suggere. S re, non præsumimus, nisi cum humilitate, & reuerentia, quanto magis Domino Deo vniuersorum cum omni humilitate, & puritatis deuotione supplicandum est, & non in multiloquio, sed in puritate cordis, & compunctione lachrymarum nos exauari sciamus? & ideo brevis debet esse, & pura oratio, nisi forte ex affectu inspirationis diuinæ gratiæ protendatur. In Conuentu tamen omninò breuiter, & facto signo à Priore, omnes pariter surgant.

Constitutio.

1. **Q**Vamvis EREMITICA vita continua debeat esse oratio, illa tamen cōmunis quam hic Sancta præcipit Regula brevis erit, vnius scilicet horæ spatij bipartiti bifariâ, mediæ scilicet horæ de mane, & mediæ pariter de sero post cōpletorium. Oratio tēpore æstiuo, à Pascha videlicet Resurrectionis, vsq; tertiam decimam Septēbris, propter noctiū breuitatem, post nonā erit, nisi ieiunetur, si verò Ieiunatur, post Sextæ. Hyemis verò tempore post Matutinas Laudes fiet.

2. Signum verò tam primum, quàm secundum Orationis, erit Campanulæ, ad spatium vnius *Aue Mariae*, cum quinque ictibus in fine, quod semper omnique

tem-

tempore obseruabitur, etiam si oratione completa, pulsetur signum *Aue Maria*, quæ oratio in communi fiat, idest statim completo Matutino in hyeme, ac statim finitâ Nona, aut Sexta in æstate, ac illico finito completorio toto anni cursu, cum non debeant *EREMITÆ* à Choro, Ecclesia, aut Cappellis discedere, nisi oratione completa, exceptâ urgente aliqua necessitate, ac veniâ à superiore accepta, & conuersi qui non adsunt, accedant ad Ecclesiam anticipatè, ita vt ad signum orationis sint ibi præsentés: Officium Beatissimæ Virginis immediatè post, à Nouitijs recitabitur.

3. Solliciti sint nostri *EREMITÆ* lucrari Indulgentiam vulgo dictam. Exaudiat, speciaiter nostræ Congregationi ab *VRBANO VIII.* concessam. Illas *PAULI V.* & alias si quæ sint Meminerint etiam omnes præter hanc præscriptam, orandi tempora, formamq; per breues aspirationes ardenti desiderio frequenter iaculas, orationi incubere, sic enim adimplebitur, quod scriptum est; oportet semper orare & non deficere, & illud *Orate sine intermissione.* Hic siquidem *VITÆ EREMITICÆ* finis est.

De Decanis Monasterij.

C A P. XXI.

¶ I maior fuerit Congregatio, eliguntur de ipsis fratres *S* boni Testimonij, & Sanctæ Conuersationis, & Constituantur Decani, qui sollicitudinem gerant super Decanas suas in omnibus secundum mandata Dei & præcepta Abbatris sui. Qui Decani tales eligantur, in quibus securus Abbas par-

Constitutio.

1. **H**ic de culpis grauioribus agitur, quæ sunt, quando EREMITA deliberato animo id agere non dubitat, quod à superiore, vel publicè, vel sibi priuatim vetitum, vel è contra noluerit agere, quod imposuitur est.

2. Grauiores etiam culpæ sunt, contumacia videlicet, rebellio, iniuriæ illatio, percussio, blasphemia, contemptio Regulæ & Constitutionum, sed multò magis mandatorum DEI & Ecclesiæ, quæ quidem absque peccato mortali operari non possunt, & hæc pauca pro exemplo posita sufficiant.

3. Attamen nè hic superiores temerè, nimis citò murinatoribus credentes, extrà ordinem aliquando procedant, quoties ista corrigenda sunt, superior, ad quem pertinet, præmissa diligenti inquisitione, nisi reus crimen confiteatur, & duorum saltem testium assertionem ad castigationem iustis considerationibus personæ, & delicti, adhibitis, cum timore, & charitate procedat, quæ quidem in scriptis redigenda sunt, vt Capitulo Generali, aut Dietæ constet, superiores, contra delinquentes iuridice processisse.

4. Pœnæ quidem pro his grauioribus delictis infligendæ, & si ad arbitrium superiorum relinquuntur, aliquæ hic ad exemplum enarrantur, vt panis, & aqua in Communi Refectorio in terra refici, toties quoties Prælato videbitur expedire, disciplinam circularem publicè in Capitulo culparum suscipere, vel à se ipso
semel,

semel, vel pluries facere. aut ante ostium Ecclesiæ, seu Chori iacere, super quem omnes transire, ac etiã discretè calcare debeant, consortio fratrum eum penitus priuare, in propria Cella sequestrare, delinquentem degradare, idest infra omnes sui Ordinis ponere, eum voce actiua, & passiuâ priuare, & si fuerit Prælatus, eum deponere: carceri mancipare, ibiq; ieiunijs, abstinentijs, flagris, manicis, ac compedibus ferreis, affligere, ac grauare, & similibus pænis mulctare. Declarando Corporis pænam infamiam non asserre, nec priuationem, aut ad officia inhabilitatem, nisi delictum, propter quod datur carcer, de sui natura, inhabilitatem, aut infamiam asserat.

5. Et si quispiam contra Castitatem, quod Deus auertat, deliquerit, carceretur, ibiq; abstinentijs, disciplinis mulctetur; Etsi peccatum etiam sæcularibus innotuerit, ijsdem alijsque ad Patrum Maioris, & Visitorum arbitrium, pænis puniatur. Quod si delinquens fuerit Prælatus, deponatur, & alijs pænis ad Patrum superiorum, vt supra, arbitrium mulctetur.

6. Sed nè iustitiæ prætextu scandala, oriantur: præcipitur, vt semper leuibus culpis, secretæ dentur pæniteniæ.

De his qui sinè iussione Abbatis iunguntur excommunicatis.

C A P. XXVI.

I quis præsumpserit sinè iussione Abbatis, fratri excommunicato, quolibet modo se iungere, aut loqui cum eo, vel

post fratrum refectiōem solus accipiat, mensura, vel hora, qua praeuiderit Abbas ei competere, ut si verbi gratia fratres reficiat sexta hora, ille frater nona, si fratres nona, ille vespertina, usq; dum satisfactione congruā veniam consequatur.

Constitutio.

1. **S**ciebat utiq; Sanctus Pater scriptum esse, pro mensura peccati erit, & plagarum modus: Ideò ne à recto Iustitiæ tramite declinemus, culparum qualitates nosse, aliæ enim leues, aliæ graues, grauiores, aliæ gravissimæ.

2. Declaratur itaq; leues culpas esse intelligendas, errores, seu transgressiones illas Regulæ, & Constitutionum, quæ parui momenti esse noscuntur, veluti sunt defectus, qui circa cæremonias admittuntur, puta non genuflectere, non operire, vel operire caput debito tempore, vel hora, tardè ad Chorum, seu Ecclesiam venire, silentium paucis verbis violare, vas aliquod, vel aliud incautè frangere, & huiusmodi innumera. Animaduertendum tamen est, has culpas de sui natura leues, malitiâ, seu deprauatâ intentione, & ex consuetudine, graues fieri posse. Æquum igitur erit leuius culpas mitioribus pœnis deleri, quæ licet arbitrariæ sint, poterit tamen delinquens verborum secretâ admonitione primò, deindè si opus est publicâ reprehensione corripì: max aliquâ leui pœnitentiâ, puta Psalmum dicere quinquagesimum, aut Coronâ Domini, abstinere à fructibus, vino, vel pitantia, ac protestationem coram omnibus facere, terram osculari, & simile.

3. Graues autem culpæ sunt, si frater cum fratre intra, vel extra EREMUM lites, contentionesuè habuerit, si quis alicui fratri opprobrium dixerit, si quis mendacium de Industria dixisse deprehensus fuerit, si quis silentium violare in consuetudinem duxerit, si quis silentium in Ecclesia, Sacratio, aut Capitulo sinè necessitate procaciter fregerit. Si quis ieiunia regularia sinè causa, & licentia non seruauerit, & similibus; Pæna autem graui culpæ debita, erit, vt deliquens culpam suam dicat in Capitulo, & ieiunet in pane, & aqua semel, vel pluries ad arbitrium Prioris, fratrum pedes deotculetur, dicat semel, vel pluries septem Psalmos pænitentiales, & cætera huiusmodi. Declarâtes, quod ubi in Constitutionibus dicitur, quempiam grauiter esse puniendum, aut corrigendum sinè addito, intelligendum de similibus pænis hic supradictis.

De grauioribus culpis.

C A P. . XXV.

I autem frater, qui grauioris culpa noxa tenetur, suspendatur à mensa simul, & ab oratorio: nullus ei fratri in ullo iungatur consortio, neq; in colloquio; solus sit ad opus sibi iniunctum persistens in pænitentie luctu, sciens illam terribilem Apostoli sententiam, dicentis. Traditum huiusmodi hominem Sathanæ in interitum carnis, vt Spiritus saluus sit in die Domini. Cibi autem refectionem solus percipiat, mensura, vel hora, quæ præuiderit ei Abbas competere, nec à quoquam benedicatur transeunte, nec cibus, qui ei datur.

Con.

cliterio, ac lintheaminibus penitus, & in perpetuum denegatis.

3. Opertoria omnibus vniformia dentur, nempe stragula Dalmatina, vulgò sclauinæ, villosa, & aspera, numquam meliora, ac lanea permittantur, cui verò vnum opertorium non sufficit, addatur secundum, & non vltra.

4. Pro ceruicali, sacculus paleis similiter plenus singulis lectis adaptetur, plumeum namq; aut laneum **EREMITAM** habere strictè prohibetur.

5. Verùm quæ de austeritate lectisternij dicta sunt ad infirmos, & debiles, senioq; confectos non extenduntur, cum quibus superior arbitrio suo charitatiuè poterit dispensare.

6. In hospitio forèsum, ac Peregrinorum eiusdem formæ, & ornatus, lectuli parentur.

De Excommunicatione Culparum.

C A P. XXIII.

Siquis frater contumax, aut inobediens, aut superbus, aut murmurans, vel in aliquo contrarius existens **SANCTÆ** Regulæ, & præceptis Seniorum suorum contemptor repertus fuerit. Hic secunda Domini nostri præceptum admoneatur semel, & secundo a Senioribus suis; si non emendauerit, obiurgetur publicè coram omnibus, si verò neq; sic correxerit, si inteligit qualis pœna sit, excommunicationi subiaceat: si autem improbus est, vindictæ Corporali subdatur.

Constitutio.

1. **H**Oc, & alijs sequentibus Capitulis, de excommu-
 nicatione agit Sanctus Pater, pœnaq; culpis inflig-
 genda; At quia inter nos non viget excommunicatio
 regularis, & Ecclesiastica, maiorem requirit tractatio-
 nem; ideo hic solū de pœnis culpis dandis, tractabitur.

2. Multā prudentiā, sagaciq; Iudicio Superiores,
 iustā quasi trutina librent, non solum culparum quali-
 tates, earumq; circumstantias, verū etiam, & conditi-
 ones, ingeniū, naturamq; errantium considerent, aut sa-
 lubri conuenienti q; remedio vtantur; sæpè enim phar-
 macus, quod vni prodest infirmo, alteri nocet, ideoq; a-
 liter Iuuenis, sensualiter, vno modo, qui ex malitia, alio,
 qui ex fragilitate deliquit, corrigendus erit. His ac alijs
 similibus considerationibus ad culparum correctio-
 nem deueniat superior, vt humilibus parcat, super-
 bosq; deprimat.

Qualis debeat esse Excommunica- tionis modus.

C A P. XXIV.

Ecundum modum culpæ excommunicationis vel disci-
 pline debet extendi mensura. Qui culparum modus
 in Abbatis pendeat iudicio. Si quis tamen Frater in
 Leuioribus culpis inuenitur, tantum à Mensæ participatione
 priuetur. Priuatus autem à Mensæ Consortio, ista erit ratio,
 vt in Oratorio Psalmum, aut Antiphonam non imponat, neq; le-
 ctionem recitet, vsq; ad satisfactionem. Refectionem autem ubi
 post

partiat^r onera sua, & non eligantur per ordinem, sed secundum vitæ meritum, & sapientiæ doctrinam. Quod si quis ex eis aliqua fortè inflatus superbia repertus fuerit reprehensibilis, correctus semel, & iterum, & tertio, si emendare noluerit, deiciatur, & alter in loco eius, qui dignus sit, subrogetur, & de Præposito eadem constituimus.

Constitutio.

I. **Q**uamuis apud nos Decani non eligantur, magnam tamen sollicitudo, curaq; particularis, erga nouiter Professos adhibenda est; Ideoq; statuitur, vt Nouitij post emissam professionem, etiam per annum sub cura, & disciplina Patris Magistri maneant, quo anno post Professionem durante, etiam si Sacerdotes sint, vocem in Capitulo minimè habeant, culpamq; cum alijs Nouitijs dicent, post dictum tempus, loci Prior curabit, vt bis in hebdomada in suam cellam euocati, suorum Spiritualium exercitiorum exactam rationem reddant, etsi Clerici fuerint, in materia etiam SACRAMENTORUM eos erudiat, quod si Prior fuerit impeditus, alium ad hoc idoneum Sacerdotem subrogabit, alias pænæ Patrum vilitatorum arbitriæ subiaceat.

Quomodo dormiant Monachi.

C A P. XXII.



Inguli per singulos lectos dormiant. Lectiſternia pro modo conuerſationis, ſecundum diſpenſationem Abbatis ſui accipiant, ſi fieri poteſt omnes in uno loco dormiant: ſi autem multitudo non

K

finit,

sinit, deni, aut viceni cum senioribus suis, qui super eos solliciti sint, pausent. Candela iugiter in eadem Cella ardeat usq; mane. Vestiti dormiant, & cincti cingulis, aut funibus, & cul-
tellos ad latus non habeant, dum dormiunt, nè fortè per somni-
um vulnerentur dormientes. Et parati sint Monachi semper,
ut facto signo, absq; mora surgentes festinent inuicem se praeue-
nire ad opus Dei, cum omni tamen gravitate, & modestia. Adolescentiores fratres iuxta se non habeant lectos, sed per-
mixti sint cum Senioribus: surgentes verò ad opus Dei, inui-
cem se moderate cohortentur propter somnolentorum excusa-
tiones.

Constitutio.

1. **D**ormiant nostri EREMITÆ soli semper in suis Cellulis, nisi extra EREMUM, vel in itinere cum Socio dormire necessitas cogat. Induti, ac vestiti, præcinctiq; eisdem vestibus (pallio, ac tibialibus ad eorum arbitrium exceptis) quibus per diem amicti incedunt, quas neq; itineris, neq; ætus causâ exuere licet, neque vnquam fas sit sola tunica, neque solo tunicello vti; si quis secus fecerit, ter in pane, & aqua ieiunet. Omni modestâ cōpositione, ac non supini quiescant. Sint autem solliciti antè primam noctis horam cubitum ire, ultra quam sinè superioris licentia immorari non licet, & transgressor, culpam in Capitulo dicat.

2. Lectuli ex ligneis tabulis simplici schemate compositi sint, & vniformes, quibus pro culcitra, stramenta palearum apparentur, & si alicui magis placuerit storea cōcedatur, plumea verò culcitra, aut laneo ana-
cli


Constit: Eremitica, 31
vel mandatum ei dirigere, similem sortiatur excommunicatio-
nis vindictam.

Constitutio.

IVxta Sacrae Regulæ præscriptum nemo cum Carce-
ratis loquatur, neuè eis auxilium, fauorem, aut ali-
quod adiutorium præbeat, declarantes eos, qui captos
ad fugam hortati fuerint, vel consilium, siuè auxilium
quocunq; modo dederint, quin etiam si eos velle fu-
gere sciuerint, & non superioribus reuelauerint, ea-
dem Carceris pœna plectantur. Reliqui verò (exce-
pto Carceris Ministro) qui allocuti eos fuerint, graui-
ter puniantur. Quod & de sequestratis in Cella, & si-
lentio constrictis, intelligatur.

Qualiter debeat esse Abbas sollicitus circa Excommunicatos.

C A P: XXVII.

 **O**Mni sollicitudine curam gerat Abbas circa de-
linquentes Fratres, quia non est opus sanis Medi-
co, sed malè habentibus, & ideo vti debet omni
modo, vt Sapiens Medicus immittere quasi oc-
cultos Consolutores senipetas, idest Seniores sapi-
entes Fratres, qui quasi secretè consolentur Fratrem fluctuan-
tem, & prouocent eum ad humilitatis satisfactionem & conso-
lentur eum, nè abundantiori tristitiâ absorbèatur, sed (sicut ait
Apostolus) confirmetur in eo charitas, & oretur pro eo ab omni-
bus Magnoperè enim debet sollicitudinem gerere Abbas, &
omni sagacitate, & Industriâ curare, ne aliquam de ouibus si-

bi creditis perdat. Nouerit se infirmarum curam animarum non super sanas tyrannidem exercere; & metuat Prophetæ comminationem, per quem dicit Deus. Quod Crassum videbatis, assumebatis, & quod debile erat proieciatis, & Pastoris boni pium imitetur exemplum, qui relictis nonaginta nouem ouibus in Montibus, abiit vnā ouem, quæ perierat querere. Cuius infirmitati in tantum compassus est, ut eam sacris humeris suis dignaretur imponere, & sic reportare ad gregem.

Constitutio.

SEquantur Sanctæ Regulæ doctrinam omnes, qui alij præsunt. Discant inquam errantem ouem querere, inuentam humeris suis imponere, ac tandem ad gregem reducere. O quàm peruersè agunt Pastores illi, quin etiam contagiosos hircos blanditijs demulgent, mansuetas autem oues, atq; sætosas ubiq; percutiunt, & irritant: sed vix illis, ac animabus illorum, qui strictam rationem de animabus illorum reddent, qui culpâ, & negligentia eorum perierunt.

De his qui sæpius correcti non emendauerint.

CAP: XXVIII.

I quis Frater frequenter correptus pro qualibet culpa, si etiam excommunicatus non emendauerit, acrior ei accedat correptio, idest verberum vindicta in eum procedat, quod si nec ita correxerit, aut fortè (quod absit) in superbiam elatus, etiam defendere voluerit opera sua, tunc Abbas faci-

faciat, quod sapiens Medicus, si exhibuit somenta, si unguenta adhortationum, si medicamina scripturarum diuinarum, si ad ultimum ultionem excommunicationis vel plagas virgarum, & si viderit nihil suam praualeare industriam, adhibeat etiam (quod maius est) suae, & omnium Fratrum pro eo orationem, ut Dominus, qui omnia potest, operetur salutem circa infirmum Fratrem. Quod si nec isto modo sanatus fuerit, tunc iam utatur Abbas ferro abscissionis (ut ait Apostolus) Auferte malum ex nobis, & iterum. Infidelis si discedit, discedat ne vna ovis morbida totam gregem contamine.

Constitutio.

1. **H**ic iam de atrocissimis criminibus agitur, quorum prima incorrigibilitas est, circa quam **VRBANI VIII.** decreta de Apostatis, & eiectis omnino obseruentur. Grauiissimæ item culpæ sunt, aliquem ad mortem vulnerare, suum Prælatum percutere, plures à Religione discedere, & eo magis si cum scandalo, ac Religionis infamiâ fecerit, ex quibus alia similia delicta facile dignoscuntur.

2 Si quis igitur de supradictis, aut similibus criminibus, vel culpis, vel earum aliquâ conuictus fuerit, pænis, & afflictationibus carceris, flagrorum, seu Ergastuli. Et si delicti grauitas (quod **D E U S** auertat) postulat, perpetuo poterit carceri mancipari, & hæc vltima Iudicia expoliandi, eiiciendi, aut ad ergastula, aut perpetuo carceri condemnandi solum Capitulo Generali, aut Dietæ referuantur, aut infra annum Patri maiori, & omnibus visitoribus; in quibus Iudicijs

Peritorum consilio vtantur: in ferenda sententia, in expoliatione, & electione, obseruetur decretum V. R. BANI VIII. de Apostatis & electis.

3. Debent nostri Superiores locales, contra huiusmodi delinquentes procedere, culpabilesq; repertos carcerare, eorum tamen causas iudicare nullatenus possunt, sed quam primum supradictos certiorare.

4. In similibus grauissimarum culparum causis quoad fieri potest, Iuris ordo seruandus circa Iudicij substantialia, omissis solemnitatibus, & Apicibus Iuris; at si Prælatus fuerit in causa, non ad ipsum inquisitio pertinebit, ac Iudicium, sed ad duos Seniores Patres de mandato eiusdem Prioris; postea verò completo processu, Deoq; datis defensionibus, clausoq; sigilloq; benè munito, ad competentes Iudices transmittatur, nempe ad Capitulum Generale, aut Dietam, aut infra annum ad Patres, Maiorem, & visitatores: quem ordinem si quis Prior obseruare noluerit, à Capitulo Generali, aut Dieta, aut à Visitoribus in actu visitationis grauitè pro culpæ qualitate puniatur: sed contra illos, qui propria delicta fatentur, pœnitentiamq; acceptant, defensionibusq; renunciantes, præsentibus duobus testibus, qui propria manu sicut Reus, se subscribant, processus neuiquam fiat.

5. At nè sub prætextu Iustitiæ Diabolo ansa præbeatur malignandi, statuitur, vt si accusator ille fratris sui delatum crimen non probauerit, aut ex malitia illum accusare, conuictus fuerit grauitè, secundum delicti grauitatem puniatur, talionisq; pœnæ subiaceat,

Si ita expedire iudicabitur, vnde in visitationibus, Fratres omnes suas depositiones subscribant, ac denunciationes, quod pariter Piores obseruabunt. Qui autem scribere nesciunt, signo Crucis signent.

Si debeant recipi Fratres egressi de Monasterio.

C A P. X X I X.

Rater, qui proprio vitio egreditur, aut proycitur de Monasterio, si reuerti uoluerit, spondeat prius omnem emendationem vitij, pro quo egressus est, & sic in ultimo gradu recipiatur, ut ex hoc eius humilitas comprobetur: Quod si denuo exierit, usq; tertio, ita recipiatur. Iam vero postea sciat omnem sibi reuersionis aditum, denegari.

Constitutio.

I. **S**i quis Apostatauerit, aut fugæ se dederit, non segnes, negligentesue sint superiores in perquirendo, procurandoue eius regressu, & reuersus infra hebdomadam, circulari disciplina mulctetur, & ad mensum carceris custodia puniatur, & reuertens infra mensem, ultra pænas prædictas professionis loco, voceq; actiua, & passiuæ per biennium priuetur; sed si post dictum tempus ad aliquam ex nostris EREMIS reuertatur, recipiendus à superiore, & si habitum depotuerit, ab excommunicatione incurfa absoluatur iuxta formam Ritualis, nunciando Patri maiori, ac Visitatoribus, qui vel in loco à quo, vel in quo est, culpam coram omnibus in Capitulo dicere ordinabunt,

ac

ac disciplina. circulari mulctetur: tum solito longo scapulari spoliatur, & alio mutilato usque ad cingulum curto induatur, quod distinctum portabit, & in hac pœnitentia erit. Nouitijs sub omnibus alijs vno anno, si semel aufugerit, si autem bis, biennio, si autem ter, triennio, dictumq; pœnitentiæ tempus incipiat à die traditionis Scapularis supradicti breuis, ac mutilati, quo tempore durante, carebit uoce actiuâ, & passiuâ, diesq; fugæ eius solito in libro adnotetur.

2. Huius nouitiatus tempore completo, nouo Scapulari vestiatur, & ut prius cingatur, & ab eo, die suæ professionis tempus incipiet, absq; vlla spe ascendendi amplius ad gradum pristinum, nec eligendi in Prælatum, nisi post annos octo, à duobus Capitulis Generalibus, dispensetur.

3. Quod si antè discessum, flagitium aliquod patrauerit, vel postquam recessit, habitum EREMITICUM deposuerit, aut irreligiosè vixerit, vltra supradictas pœnas, coniiciatur etiam in Carcerem, ac pane, & aqua, disciplinisque ad superioris arbitrium plectatur.

4. Si quis Romam iuerit, finè superiorum debitâ licentia immediatè carceri mancipetur, statimq; Superiores certiores reddantur, qui quid agendum erit, ordinabunt, vltra pœnam à CLEMENTE VIII. statutam, priuationis actiuæ, & passiuæ pro Clericis, Mensisque vnus Carceris, pro Laicis, quæ pœna à solo Summo Pontifice relaxari poterit. Qui absq; licentia ab aliquo ex nostris locis discesserit, & ad alte-

rum

rum iuerit, ad mensẽ pœna Carceris, alijsq; pœnitentijs Superiorum arbitrio puniatur.

s. Sed si quispiam ad Patrem maiorem finẽ eius licentia pro recurſu iuerit, pari pœnâ puniatur, nisi causam ſui recurſus probauerit, à D. P. Maiore iudicanda.

De Pueris minori ætate qualiter corripiantur.

C A P. X X X.

Minis ætas, vel intellectus, proprias debet habere mēsuras; Ideoq; quoties Pueri, vel Adolescentes ætate, aut qui minus intelligere possunt, quanta pœna sit excommunicationis. Hi tales cum deliquerint, ieiunijs nimis affligantur, aut acerbis verberibus coerceantur, vt sanentur.

Constitutio.

Cum in nostra Congregatione adultâ Nouitij recipiantur ætate, nihil de pueris, aut Iunioribus, de quibus in hoc Regulæ Capite fit mentio, ad nos pertinebit. Non enim illis robur naturæ inest ad Eremiticos labores perferendos, neq; mentis discretio ad tentationum fluctus superandos.

Qualis debeat esse Cellerarius Monasterij.

C A P. X X X I.

Cellerarius Monasterij eligatur de Congregatione Sapientis, maturus moribus, non multum edax, non elatus.

tus non turbulentus, non iniuriosus, non tardus, non prodigus, sed timens Deum. Qui omni Congregationi sit sicut Pater. Curam gerat de omnibus, sine inssione Abbatis nihil faciat, quæ inbentur custodiat, Fratrem non contristet. Si quis autem Frater ab eo aliqua fortè irrationabiliter postulat, non spernendo eum contristet, sed rationabiliter cum humilitate malè petenti, deneget. Animam suam custodiat, memor semper illius Apostolici præcepti. Quia qui benè ministrauerit gradum bonum sibi acquirit. Infirmorum Infantium hospitum, pauperumq; cum omni sollicitudine curam gerat, sciens sine dubio, quia pro his omnibus in die Iudicij rationem redditurus est. Omnia vasa Monasterij, Cunctamq; substantiam ac si Altaris vasa sacrata conspiciat, nihil ducat negligendum, neq; auaritiæ studeat neq; prodigus sit, aut extirpator substantiæ Monasterij, sed omnia mensuratè faciat, & secundum iussionem Abbatis sui. Humilitatem antè omnia habeat, & cui substantia non est, quæ tribuatur, sermo responsionis porrigatur bonus, quia scriptum est, Sermo bonus super datum optimum. Omnia, quæ ei iunxerit Abbas, ipse habeat sub cura sua, à quibus cum prohibuerit, non præsumat. Fratribus constitutam Annonam sine aliquo typo, vel mora offerat, ut non scandalizentur, memor diuini eloquij, quid mereatur, qui scandalizauerit unum de pusillis. Si Congregatio maior fuerit, solatia ei dentur, à quibus adiutus & ipse æquo animo impleat officium sibi commissum. Horis competentibus dentur, quæ danda sunt, & petantur, quæ petenda sunt, ut nemo perturbetur, neq; contristetur in Domo Dei.

Con-

Constitutio.

1 **Q**ualitates, & onera Cellerarij tam exactè depinxit hic Sanctus Pater, vt omnes nostrorum locorum Cellerarij, hoc Regulę Sanctę Caput, non solum legant attentè, ac sæpè, sed etiam omnia in eo contenta strenuè adimplere nitantur.

2 **E**ligatur itaque Cellerarius à Capitulo Conuentuali, qui saltem Professionis suę quinque annos habeat, exceptis Cellerario, ac Censuario Abbatie Montis Coronę, qui à Capitulo Generali eliguntur, quod Cellerarium loci Prior proponet, qui si non probetur à Capitulo, alterum proponet, & si etiam hic improbetur, denunciatur superioribus, qui opportunè prouidebunt, & si infra annū necesse sit, de Cellerario prouidere possit Prior, de consensu superiorum.

3. Sit talis Cellerarius, qui si non omnes, saltem præcipuas condiciones in Sancta regula requisitas habeat, & quemadmodum illi omnium rerum (cum superioris tamen autoritate) cura, & administratio committitur, ita ipse codicem rationum conficere teneatur, in quo data, & accepta ab eo fideliter notata, distinctè appareant intus in scriptura, foris verò per Abacum. Item alium habeat Codicem, in quo debita, & credita, statusq; domus pariter appareat, quibus adde, & Libellū diurnū, seu diuturnalem nuncupatū, in quo breuiter quidem, sed exactè cuiuslibet diei expensas, & exactiones describet.

4. Ad eius ergò curam pertinebunt omnia Eremitica bona, mobilia, & Immobilia, redditus & prouen-

tus, siuè in pecunijs, siuè in fructibus consistant. Eius item erit credita exigere, debitaq; iusto tempore ac si-
nè mora Cřditoribus soluere, caueat nè cum paupe-
ribus, qui non sunt soluendo, durè, rigidèuè procedat.
Lites, ac controuersias fugiat, temporaliũ rerum, sed
quando necesse sit de aliquo interesse tractare, modis
debitis, omnia media, ac remedia concordiz prius
tententur. Ad ipsum parum spectabit necessaria eme-
re, superflua, quę superabundant, Domi vendere. An-
nonam insuper, & quęcunq; ad Eremitarum victum
pertinent, diligenterq; ac prudenter colligere, ac pro-
uidere, & in locis aptis collocata sapienter conseruare.

5 Ea verò, quę ad fratrum indigentias spectant, si-
uè vestimentorum, siuè suppellectilium Cellarum, siuè
alimoniorum, diligenter parare debet, non singulatim,
minutimque eas indies emendo, sed in notabili summa,
vel quantitate, temporibus, locisq; opportunis, se-
mel, vel bis in anno, dando prius superiori schedulas
rerum emendarum, & secundum suum placitum o-
mnia operentur.

6 Curet autem, vt vasa omnia, tam quę mensę de-
seruiunt, quam quę in cella communia, vel priuata,
& precipuè sciphi, seu crateres, quibus bibimus, o-
mnia Lutea, vel fictilia sint, aut certè lignea, nec vn-
quā vitrea, seu alterius cuiuscunq; rei in vsum dedu-
ci queant. Idque etiam in hospitum hospitij seruand-
um erit. sicut prouidus Paterfamilias ea curet eme-
re, nec propter rerum inopiam, iusta petentibus, nega-
re cogatur.

Super

7. Super omnia sataget Cellerarius debito tempore Luna crescente ligna incidere, & intrà menses Septembris ad sūmum, vnicuique iustā quantitatem tribuerè. Animaduertat tamen, nè in cedendis lignis, syluę extirpentur, sed potius conseruentur; & circa vias publicas ad ornatum, & vmbra illarum, aliquę arbores relinquantur. è conuerso caueant Eremitę, nè huiusmodi lignorum abundantia malè superflueq; abutantur, ne, & ipsi propter hoc & Purgatorii ignes diutius experiantur.

8. Et sicut Cellerarius omnia cum consensu sui superioris facerè tenetur, Ità, & singulis mensibus eisdem, aut cui ipse voluerit, administrationis suę rationem reddet.

Ac si Cellerarius propria voluntate, non autem superiori obediendo, se gerat, tunc superior cum duobus senioribus Domus, illum amouere possit, quamuis à Capitulo Generali electus fuerit.

9. At quia Cellerarius solus rei domesticę administrandę pondus portare nequit, frater Conuersus pro Dispensatore ei adiungatur, qui, & ipse Idoneus sit ad huiusmodi munus exercendu. Ei ergò omnia, quę ad vsum Domus, & Eremitarum tam in victu, quam in vestitu sunt necessaria, committuntur, vnde magnam debet adhibere diligentiam, vt cuncta munda, beneq; disposita suis singula in locis collocentur, & cautè custodiantur, cautiusq; distribuuntur.

10. Eidem etiam addatur Cellę vinarie custos, qui eam benè custodiat, vinū per singulas Cellas, oportu-

no tempore deferat. Poma item, & agrumina distribu-
at iuxta superioris ordinationem, curans nè com-
munis eorum aceruus marcescat.

De ferramentarijs Monasterij

Cap. XXXII.

~~Substantie~~ ~~Monastery~~ in ferramentis, vel vestibus, seu
S quibuslibet rebus, provideat Abbas fratres, de quo-
~~rum~~ ~~vita~~ ~~vel~~ ~~moribus~~ securus sit, & eis singula (ut
utile iudicauerit) consignet custodienda, atque recolligenda,
ex quibus Abbas breuem teneat, ut, cum sibi in ipsa assignata
fratres vicissim succedunt, sciat quid dat, aut quid recipit. si
quis autem sordide, aut negligenter res Monastery tractauerit,
corripiatur, si non emendauerit, discipline subiaceat.

Constitutio.

I Sub nomine substantie hoc loco Pater Sanctus
ferè omnia mobilia, cuiuscunq; speciei exi-
stant planè comprehendere videtur. Quapropter non
ab vno, sed à pluribus Ministris custodienda sunt. Qui
omnes quotannis à Conuentuali Capitulo in singulis
Locis, statim post ingressum noui Prioris eligendi sunt.
Quorum primus erit Sacrista, cui vasa sacra, vestes, &
omnia ornamenta Altaris, & Sacrarij custodienda, tra-
ctanda, atq; dispensanda committuntur. Ideoq; cum
Inuentarij confectione eadem recipere, & omni tem-
pore finito, omnium rationem reddere tenetur, quod
si non fecerit à superiore corripiatur. Quæ ornamen-
ta & sacrarij suppellectilia secularibus, eorumq; Ec-
clesijs sinè assensu Capituli Conuentualis, com-
dam

dari non licebit,

2. Sacristę etiam officium erit horologium temperare, singulasq; horas canonicas tam diurni, quàm nocturni officij pulsu campanę, congruis temporibus, debitisq; interpositis spatijs, & alia quęcunque simili egent sono, significare, qua in re quoties horam pulsandi præterire, sinè præuenire contigerit, à Priore corrigatur, Item Ecclesiam, Sacrarium, atq; Capitulum, vasa sacra, sacrasq; vestes, Altariumq; ornamenta, vniuersalem, denique Ecclesię sacrarij; suppellectilem, munda, beneque composita, suisque in Locis constituta summa cum diligentia custodire, Lampades, tam antè Tabernaculum S. S. Sacramenti, quam alibi ardere solitas, expolitas tenere, & accensas continuo seruare, simili & modo Lucernas in Choro (nisi adsint Nouitijs) & ipsas mundas, suis aptando locis singulis noctibus paramenta Altarium, secundum officij qualitatem mutabit, ac tandem quidquid ad bonum, fidelemq; Ecclesię ac Sacrarij Custodes pertinet, exactè peraget, idq; auxiliantibus Nouitijs, & si opus sit, socius addatur.

3. Specialiter, & super omnia sacras Reliquias expositas, atq; authenticas custodiat, de quibus nemini quidquam auferre, aut asportare licebit, sub pœna disciplinę circularis, neq; reus absolutionis beneficio nisi prius facta restitutione gaudebit.

4. Secundus inter rerum domesticarum Custodes, erit Bibliothecarius, qui communis Bibliothecę curā gerat, perpolitam tenens ac ab humiditate, alijsq; ne-

cessarijs diligētis, custodiat, libros ōnes, cōpetēti ordine, & secundum eorū materias distinctos, in eo locabit, quo facilius ille, qui quæritur, inueniatur. Caueat nē in illa Codex aliquis contra bonos mores, aut Lasciuus, aut tractans, vt dicitur, de Cauallaria, & similes multoq; plus Libri prohibiti, aut suspensi, nisi legendi & retinendi adsit licentia.

5. Super omnia autem caueat, nē aliquis Codex sua incuria pereat, quod vt melius adimplere possit, Catalogum, seu Indicem conficiat, in quo omnes libros, tam eos qui in communi Bibliotheca, quàm eos, qui ad Eremitarum vsum in priuatis cellulis continentur, de quibus Indicem particularem conscribet, cūq; aliquis ab Eremo discedit, omnes libros, quos in Cella inuenerit ad Bibliothecam asportabit.

6. Adsit quoq; ferramentarius, qui ferramenta, seu Instrumenta manualis operis, in aliqua ad hoc deputata officina custodiat, claue obserrata; vndē quoties opus erit, proferat, tradatq; operarijs volentibus, opere tamen consumato, eadem in ipsam officinam restituere curabit, vt benē tractentur, curabit etiam, vt necessaria fiant, si desint, & con fracta reficiantur.


7. Multum interest nostrarum Eremorum sylvas immunes conseruari, ideoq; illarum custos luenis robustusq; esse debet, qui singulis quibusq; diebus semel, vel etiam bis, si oportuerit, nemora circuire, vicinorumq; animalia ab ipsis arcere, damnaq; omnia declinare. Quare sylvarum Custos, ex oblatis semper erit (vel quod honestius est) merē Laicus mercede condu-

conductus, qui habitum regularem omnino non deferat.

8. Nec solum supradicti officiales, verum etiam omnes, quicumque ad suam cuiuscunque generis obedientiam, aliqua habuerint Instrumenta, eadem bene tractare, reficere, & custodire non negligent, quia res omnes Monasterij sacras reputandas, ac de earum administratione negligenti, Deo rationem esse reddendam certum est; si quis autem infra mensem, post acceptam obedientiam, ac officium, Inventarium non conficiet omnium, quae sub custodia habet, ac in fine anni rationem non reddet, à Superiore puniatur.

Si quid debeant Monachi proprium habere.

C A P. XXXIII.



Recipere hoc vitium radicitus amputetur de Monasterio, ne quis praesumat aliquid dare, aut accipere sine iussione Abbatis, neque aliquid habere proprium, nullam omnino rem, neque codicem, neque tabulas, neque graphium, sed nihil omnino, quippe quibus nec corpora sua, nec voluntates licet habere in propria potestate, omnia vero necessaria à Patre Monasterij sperare, neque quicquam liceat habere, quod Abbas non dederit, aut permiserit, omniaque omnibus sint communia, ut (sicut scriptum est) nec quisquam suum esse aliquid dicat, vel praesumat. Quod si quisquam huic nequissimo vitio deprehensus fuerit deletari, admonetur semel, & iterum, si non emendauerit, correctioni subiaceat.

Consti-

Constitutio.

1. **G**eneralis prohibitio huius Capituli omnē prorsus proprietatem à vero Religioso arcere dignoscitur. Quamobrem præceptū istud strictè ab omnibus, & singulis Eremitis nostris obseruandum est: Ita certè, vt nullus onino Eremita (præter cellerariū, seu in eius defectu ipsū loci Priorem pecuniā, vel in minima quantitate, neq; in Cella sua, neq; extra eam, neq; per se. neq; per alium, non nomine depositi, vel dati, aut quouis alio titulo, seu colore retinere possit. Qui autem secus fecerit, carceri mancipetur, & ibi pane, & aquā, & disciplinis secundum qualitatem culpæ, superioris plectatur arbitrio.

2. Si quisquam, (quod Deus auertat) aliquo modo proprietarius deprehendatur, ultra pœnitentiam in hac sacra Regula, & constitutione, pœnæ etiam Ecclesiasticæ priuationis vocis actiux, ac passiuæ, per biennium positæ in sacro Concilio Tridentino sess. 25^a cap. 2. subiaceat.

3. Quod si Cellerarius in sua administratione aliquā fraudem in damnum loci, seu proximi commiserit, officio priuetur, & simili pœnæ subiaceat. Prælatus verò tali vitio infectus à Visitatoribus puniatur, & Visitator, ac Maior à Capitulo Generali.

4. Quin, & res ipsæ, quæ singulis ad proprium, ac necessariū vsū ab ipsis Prælati, tam ad victū, & vestitū quàm ad alias necessitates concessæ sunt, singulæ ad nutum Prælati illis permissæ consentur: Caueant autem

Item Priores nè superflua, curiosa, ac pretiosa aliquo modo fratribus vsum permittant, vt ornamenta Reliquiarum aut Agnus Dei aurati argentati, margaritis, aut gemmis per texti Horologia item, quæ tum iustibus, tum signis horas prænunciant. Item picturæ oleo factæ, exceptis Oratorijs, prohibeantur.

5. Et ne hoc vitium inualescere queat, frequenter aut saltem bis in anno Prior cum Cellerario, aut ex senioribus aliquo Eremitarum cellas visitet, ac diligenter scrutetur, atq; indè quidquid superfluum inuenerit, illico extrahat, quod si pretiosum aliquid, quod malitiosè absconditum, ac reſeruatum fuerit, inuenerit, pro prima vice semel in pane, & aqua delinquens ieiunet, secundâ vice circulari disciplina plectatur, tertio carceribus vt suprà puniatur.

6. Quamobrem quò semper cellarum omnium Priori ingressus pateat, vnius formæ sera erit, ita vt vna clavis cunctas cellas aperire, & claudere valeat, exceptis officinis, sacrario, Superioris, Visitatoris, & Cellarij Cellis.

7. Sciant autem Eremitæ illis non licere in die, siuè intus, siuè foris existant, ostium cellæ, obserrare, nisi eremo ingressi illa die non sint reuersuri, quo casu clavis tum cellæ, tum officinæ per ipsos forsan administrata, Priori tradenda est.

8. Non tamen putent nostri Eremitæ rerum necessarum primam benedictionem, perpetuam esse; sed necessarium est, singulis annis in ingressu noui Prioris (etiam si idem sit) nouam de omnibus, quæ

ad vsum habent, humiliter petere; licebit autem Priori omnia confirmare, vel minuire, prout melius iudicauerit.

9. Studeant nihilominus ipsi Prælati semper, & in omnibus pauperiores suis subditis esse, vt discipuli vidētes Magistri opera, glorificent Deum, possunt autē sibi assumere, quæ alijs iustè permittuntur.

10. Dum Eremicolæ de loco ad locum in familiam proficiscuntur, illa solum, quibus induti sunt vestimenta deferant, & aliquem Codicem deuotum Prioris arbitrio, qui verò indumenta aliudue sinē Prioris licentia deferet, secundum culpæ qualitatem corripiatur, ac totus ad locum, vnde discessit, remittatur. Discedens autem teneat Indicem rerum omnium, quas secum fert, Priori exhibere, & per eundem, visis tamen prius omnibus, subscriptionem recipere, quod si Priores negligant, à visitatoribus puniantur: quod & de transitu de cella in cellam strictè obseruabunt.

11. Itinerantes verò, pecunias pro viatico acceptas non nisi ad necessaria itineris expendant, si quis aliquid aliud emerit, eo priuetur, & superioris arbitrio puniatur.

12. Qui ad alium Religionis locum destinantur, statim ac ad locum peruenerint, quique ad externa loca negotiorum causā mittuntur, vt ad proprium Locum reuersi fuerint, pecunias, quæ ex viatico supersunt, Cellerario, aut eo absente, Priori, nihil penitus sibi retinentes consignent.

Si omnes æqualiter debeant necessaria accipere :

CAP. XXXIV.

¶ Icut scriptum est, diuidebatur singulis, prout cui-
¶ **S**què opus erat, ubi non dicimus, ut personarum (quod
¶ **absit**) acceptio sit, sed infirmitatum consideratio, ubi
 qui minus indiget, agat Deo gratias, & non contristetur qui
 verò plus indiget, humilietur pro infirmitate, & non extolla-
 tur pro misericordia, & ita omnia membra erunt in pace, ante
 omnia nè murmuraciones malum pro qualicunq; causa, in aliquo
 qualicunq; verbo, vel significatione appareat. Quod si depre-
 hensus fuerit quis, districtiori disciplinæ subdatur.

Constitutio.

1. **S**uper hæc æqualitatis verba, non solum Præla-
 tis, sed etiam Ministris omnibus præcipitur,
 quatenus omnibus petentibus, atq; indigentibus, faci-
 les, benignosq; se præbeant, numquam, quod præsta-
 re possunt, negâtes, atq; omnib; æqualiter secundu cuiusq;
 necessitatem tribuentes. Quibus autem satisfieri ne-
 quit, blandè saltem, ac consolatoriè loquantur.

2. Quicunq; ergò partialis erga aliquem deprehen-
 sus fuerit, Superior, aut Cellerarius sit, aut Dispensa-
 tor, aut quicunq; ex Ministris aliquis, qui non indi-
 genti tribuat, & deneget indigenti, quod licitè dare
 potest, aut duris respondeat verbis, à Visitatoribus in
 actu visitationis, aut à Capitulo Generali, aut à Dieta
 puniantur.

De Septimanarijs coquinæ.

C A P. XXXV.

Ratres sic sibi inuicem seruiant, ut nullus excusetur
 à coquinæ officio, nisi aut ægritudine, aut in causa
 gravis utilitatis quis occupatus fuerit, quia exinde
 maior merces acquiritur. Imbecillis autem procurentur so-
 latia, ut non cum tristitia hoc faciant, sed habeant omnes so-
 latia secundum modum congregationis, aut positionem loci. Si
 maior congregatio fuerit, Cellerarius excusetur à Coquina,
 vel si qui (ut diximus) in maioribus utilitatibus occupan-
 tur. Ceteri verò sibi sub charitatē inuicem seruiant. Egressurus
 de septimana, Sabbatho munditias faciat, linteamina, cum
 quibus ipsi fratres manus, ac pedes terunt, lauet, pedes ve-
 rò, tum ipse qui egreditur, tum ille, qui intraturus est omnibus
 lauet, vasa ministerij sui munda, & sana, Cellerario confi-
 gnet, qui Cellerarius item intranti consignet. ut sciât quid
 dat, aut quid recipit. Septimanarij autem ante vnâ horam
 refectionis accipiant super statutam Annonâ, singulos biberes,
 & panē, ut horâ refectionis sinè murmuratione, & graui la-
 bore seruiant fratribus suis. In diebus tamen solennibus, vsq̃
 ad missas sustineant. Intrantes autem, & exeuntes hebdoma-
 darij in Oratorio mox matutinis finitis, Dominica omnium
 genibus prouoluantur, postulantes pro se orari. Egrediens au-
 tem de septimana, dicat hunc versum. Benedictus es Do-
 mine Deus, qui adiuuisti me, & consolatus es me. Quo
 dicto tertio, accipiat benedictionem egrediens, subsequatur in-
 grediens, & dicat Deus in Adiutorium meum intende,
 Domine ad adiuuandum me festina, & hoc idem tertio
 repetatur ab omnibus, & acceptâ benedictione ingrediatur.

Con-

Constitutio.

1. **Q**uia Eremitica institutio, quæ commune Re-
fectorium non nouit, minimè patitur per heb-
domadarios, seu varios coquinæ Ministros, tale mini-
sterium adimpleri. Idcirco semel electus Coquus per
annum in sua obedientia perseueret.

2. Cuius partes erunt Cibos pro Eremitis, ac hospi-
tibus parare, ac coquere, præueniendo tempus, vt ho-
ris competentibus, sinè mora ad singulas Eremitarum
Cellas (vt moris est) cuiq; ciborum portiunculam,
quæ illi contingit, deferat; Ad quem etiam spectat sin-
gulis Cellis oleum, sal, & acetum, quoties opus est
ministrare.

3. Erit insuper continuus temporum, dierumue
observator, vt secundum eorum diuersitatem, ciborū
qualitatem mutare possit, secundum nostrum Eremiti-
cum morem. Præcipua tamen eius curâ erit, vt om-
nes æqualia recipiant: Infirmis, senibus, ac debilibus
exceptis, quibus (Priore sciente, & annuente) chari-
tate comite indulgere, ac inservire non omitant. In-
super vasa, quæ ab Eremitis sibi nitida restituenda sūt,
vnoquoque mane è cellulis in coquinam asportabit.

4. Statis quoque temporibus sollicitè à cellerario
sibi non solum comestibilia, verum etiam vasa, Lintea-
mina, aliaq; ad suum officium necessaria petere, atq;
recipere debet.

5. Vbi maior est fratrum numerus, illi socius (sicut
regula iubet) adiungatur, omneque aliud opportu-
num auxilium præstetur. Semper autem in corde suo

retineat Coquus, se non hominibus, sed Christo ministrare, qui dixit, Qui mihi ministrauerit, honorabit illum Pater meus.

De Infirmis fratribus.

CAP. XXXVI.

Infirmorum cura super omnia adhibenda est, ut sicut reuera Christo, ita eis seruiatur; quia ipse dixit, infirmus fui, & visitastis me, & quod fecistis vni de his minimis meis, mihi fecistis, sed ipsi infirmi considerent, in honorem Dei sibi seruire, & non superfluitate sua contristent fratres suos seruientes sibi. Qui tamen patienter portandi sunt, quia de talibus copiosior merces acquiritur. Ergo cura maxima sit Abbati, ne aliquam negligentiam patiantur. Quibus fratribus infirmis, sit cella per se deputata, & seruitor timens Deum, & diligens, ac sollicitus. Balneorum usus infirmis quoties expedit offeratur: sanis autem, & maxime Iuuenibus tardius concedatur. Sed & carniū esus infirmis, omninoq; debilibus, pro reparatione concedatur, ut ubi meliorati fuerint, à carnibus more solito omnes abstineant. Curam autem maximam habeat Abbas, ne à Cellarijs, aut seruatoribus negligantur Infirmi: quia ad ipsum respicit, quicquid à discipulis delinquitur.

Constitutio.

I. Cella, quam piissimus noster Pater infirmis præcipit, deputari pro communi valetudinario intelligitur, in quo non vna tantum, sed plures Cellulæ existant, quæ pluribus existentibus infirmis, singulis singulæ consignentur Cameræ, ne alter alteri impedimento esse queat.

2. Hoc

2. Hoc valetudinarium, quàmprimum in vnaquaq; nostra Eremita fiat, in loco salubri, & à concursu domesticorum semoto. Adsit ibi Sacellũ ad celebrandũ sit & officinula, in qua diuersa Pharmaca, puta vnguẽta, olei conditi varia genera, herbarum distillationes, succi, & fasciculi, nec non saccarum, & confectiones, aliaq; huiusmodi pro Infirmorum vsu asseruentur. Adsit quoque Coquina, pro cibis infirmorum decoquẽdis. Omnis quippè Camerula suum habeat Caminũ cum lectulo sine lintheaminibus tamen, Eremitico more, quamuis grauescente morbo cervical etiam plumeum, & anaclyterium laneum concedi possit.

3. Qui uerò ad Infirmorum curam præficitur, non solum perpetua diligentia, magnaque charitate illis seruire debet, verum etiam in præparandis rebus necessarijs viriliter insudabit. Super omnia autem morbo laborantibus, peritorum Medicorum visitatio non desit, aut saltem infirmitate accedente, ad eos plena informatio, cum qualitatibus tum infirmi, quàm morbi, mittatur, & omnia secundum eorum consilium (nulla expensarum ratione habita) fiant.

4. At sicut Superiores, & infirmorum Præfetti solliciti esse debent in medicis consulendis, & accersẽdis, ita nemini licebit Medicum adire, eumq; de sua infirmitate informare, sinè Superiorum licentia, imò in vnaquaque Eremita Medicus à Capitulo Conuentuali eligatur, qui toti loci familiarẽ medeatur, nec aliquo alio medico vti valeat, nisi in grauium infirmitatũ consultationibus.

5. Hoc

5. Hoc etiā strictē prohibetur, ne quis Eremitarum in sæcularium domibus, etiam Consanguineorū, nec in publicis Xenodochijs, imò nec nostris in Hospitijs curetur. Qui verò secus fecerit, & superior permittēs grauiter à Visitatoribus puniatur.

6. Sit Prior frequens infirmorum visitator, & Ministrorum sollicitator, & cum opus fuerit Infirmario Socium, qui diu, noctuq; infirmorum lectulis assistat, secundum indigentiam, dare non negligat.

7. Pro solamine insuper infirmorum, charitatisq; causā, cuilibet quoties in die libuerit (prohibitis temporibus exceptis) eos inuisere, ibiq; seruata tamen omnimoda modestia, silentium frangere licebit, ad subleuandum quoad melius potuerit animum Infirmi. Caueant autem Eremitæ, nè tali benignā charitatiua indulgentia abutantur, finem immutando, quod utiq; fieret, si quispiam, (quod absit) valetudinarium, non ex principali charitatis obiectu, frequentaret, sed ad violandum procaciter silentium, vana, curiosa, & quod peius esset murmuratoria colloquia, immiscendo, ad quod præcauendum, vltra Infirmarium, non poterūt nisi duo simul eodem tempore in Infirmi cellula commorari, quiq; tertius aderit, panis aquæuè pænitentia plectatur, suamq; in Capitulo culpam dicat. Si quis autem diutius, vltra discretionis terminos immoretur, frequentiusq; ibidem reperiatur, ita vt reliqui excludantur. Inuigilet in hoc summopere superior, eiq; valetudinarij ingressum, quousq; sibi placuerit, prohibeat, nè alterius indiscretio tale charitatis opus non impedi-

pediat: Nemo tamen infirmos reclusos sine facultate superioris, nec eos, qui in proprijs Cellis, ubi valetudinaris adest, inuisere, aut visitare permittitur.

8. Balneorum usus raro, vel nunquam, (si fieri potest) concedatur, quod si vrgens necessitas cogat, trium medicorum, aut certe duorum consilio fiat, de consensu tamen Capituli generalis, aut Dietæ, aut infra annum, Maioris, ac Visitatorum (nisi Domi balneatio fiat) quisque aliter fecerit, & superior, qui hoc permiserit, ambo a Visitatoribus puniantur. Balneandis nihilominus, sufficiens pecuniarum prouisio, cum prudente, maturoque socio, detur.

9. Carnium esus medicorum suasu morbo laborantibus intra valetudinarium, ubi aderit, & commodè fieri poterit, concedatur, & ubi non adest valetudinarium, aut plenum fuerit propria in Cellula, aut alibi prout expedire superiori videbitur, concedatur.

10. Qui tamen carnibus vescuntur, ab omnibus Cibis ægrotis vetari solitis penitus abstineant, ideoque carnibus indigentes, ad instructionem, & medicorum consilium regantur, circa qualitatem, & quantitatem, nec tempore, quo carnibus vescuntur, aliud illis concedatur, nisi quod medicus præscripserit, & in hoc Prior inuigilet, qui non concedet, ut quis eodem tempore pisces, & carnes edat, aut quidpiam infirmo insalubre, & noxium, & super hoc inquirent visitatores ad plectendos delinquentes. Insinuatur tamen Prioribus charitas, & ut secundum infirmitatis qualitatem, gravitatem morbi compatiantur. Postremo summo opere caueant su-

periores, nedum conualescentibus, senibus, ac debilibus rationaliter indulgent, sanis offendiculum pateat.

11. Ante omnia sagaciter attendat Prior, nè anima ipsius infirmi, suis solatijs priuetur, suauiter illi suadēs atq; adeò (si ita res postulat) iubens quatenus peccata sua confiteatur, sacramq; sumat communionem. Vbi verò mortis periculum imminet, sacro eum inungat oleo. Et tandem, sicut in Ecclesiæ Rituali continetur, quantum fieri poterit, ad felicem exitum adhortetur.

12. Profectò si infirmis, dum viuūt, cura quam diximus) adhibenda est, multò magis eisdem defunctis exequiarum charitas, ac suffragiorum impendenda. Defuncto igitur Infirmo, signum Angelicæ salutationis (vt omnibus notum sit, quod pro eo orare incipiant) statim pulsandum erit. Fiunt etiam tria signa per ictus, cum eadem Campana, singula per quatuor *Miserere* protracta. Primum statim post *Aue Maria*. Secundum cum defertur ad Ecclesiam: tertium donec sepultus sit perdurabit.

13. Deinde (si ita expedit) sequenti mane, sin minus eadem die processionaliter ad Ecclesiam cum feretro corpus prædefuncti deferatur, omnibus Eremitis præsentibus, ac binis, concomitantibus, ibiq; piè, ac deuotè funeralia persoluantur, secundum Rubricas in fine Breuiarij positas; quod si manè fiat, missa præfenti cadauere celebretur, quâ expleta, deposita casula, ac manipulo, reliquum exequiarum explebit.

14. Præterea, & pro defunctis quatuor Anniversaria singulis annis celebrentur. Quorum primum illud est,

est, quod iubet Ecclesia Kalendis Nouēbris; secundum feriā seruanda post festum Ss. MARTINI pro Eremitis, ac Congregationis Benefactoribus. Tertium feriā secunda post primam Dominicam Quadragesimæ pro Genitoribus Eremitarum. Quartum in vno quocūque loco post octauam Epiphaniæ, pro animabus Eremitarum eo anno defunctorum, quod si præscripti dies à festis duplicibus impediuntur, in alios oportunos dies transferantur. In quibus Anniuersarijs, quotiescūq; fiunt, quilibet Sacerdos quamprimum poterit vnum Sacrum faciet pro salute earum animarum, pro quibus Sacrum celebratur, & satis erit pro eis applicari. In diebus festis pro vno quocūq; Anniuersario.

debitum persoluit, pro eo totum defunctorum officium, idest vespervas cum tribus nocturnis, inuitatorio, ac Laudibus, & hoc circum circa feretrum antiquæ sepulturæ demandetur, cum oratione in fine *Absolve quæsumus Dñe &c.* recitabūt, eo quo à Breuario ordine disponitur, ac pro eiusdem anima vnum trentesimum.

17. Insuper omnes tenentur intrà duorum Mensium spatium, à die habitæ notitiæ alicuius mortis computandum, Sacerdotes pro anima defuncti priuati, tres Missas celebrare; Clerici tria Psalteria, concludendo singulos Psalmos cum versu *Requiem æternam*, Conuersi, & oblati ducentos *Pater noster*, & *Ave Maria*. Si erat Prælati, quatuor, & tria.

* & missæ

Clerici

regulae auctoritas eis prospiciat. Consideretur semper in ijs imbecillitas, & nullatenus eis districtio Regulae teneatur in alimentis, sed in eis pia consideratio, & praeueniant horas Canonicas.

Constitutio. ?

Quoniam ipsa senectus morbus perpetuus est, ratio ipsa postulat senio confectos, quasi Infirmos, ac debiles esse tractandos: unde senes, qui sexagesimum annum expleuerant, non tenentur ad ieiunium panis, & aquae. Propterea in visceribus Iesu Christi omnes admonentur, ut cuncti ad quos eorum cura spectat. Praelati semper misericordes, & compati-
enter
con-

150. Règula &
nisi solius legentis ibi audiat. Quæ verò necessaria sunt co-
medentibus, & bibentibus, sic sibi inuicem ministrent fratres,
ut nullus indigeat petere aliquid. Si quid tamen opus fuerit,
sonitu cuiuscunq; signi potius petatur, quam voce, nec presumat
ibi aliquis de ipsa lectione, aut aliud eo quidquam requirere, ne
detur occasio maligno, nisi fortè Prior pro edificatione voluerit
aliquid breuiter dicere; frater autem Hebdomadarius accipiat
mixtum prius, quàm incipiat legere propter Cõunionem San-
ctam, & ne fortè graue sit ei ieiunium sustinere. Postea autem
cum Coquina Hebdomadarius, & seruatoribus reficiat. Fra-
tres autem non per ordinem legant; aut cantent. Qui ædifi-
cent uadientes.

Ecclesiæ, nec non durante Capitulo Generali in loco, vbi celebratur. In quibus diebus Clericus, qui in Choro est hebdomadarius, communis mensæ lectioni incumbit, qui absolute à superiore benedictione petita, & accepta, legere incipiet. In secunda verò mensa, erit Lector hebdomadæ præteritæ Clericus.

3. Signa autem duo danda sunt tam prandij, quàm cænæ, quando communiter fratres reficiuntur, quæ singula viginti ictus Campanulæ rari, quorum intervalla duorum *Miserere* erunt. Secundæ verò Mensæ vnicum erit eiusdem Mensuræ, & si dies erit Ieiunii pro collatione serotina, ad Cellas vinum cum aliquibus fructibus deferatur, quod semper observabitur, excepto loco, vbi celebratur Generale Capitulum.

4. Reliquis verò totius anni diebus horâ prandij, vel cænæ, acceptâ ciborum portione sibi à ministris tradita, Eremita more solito Mensam benedicat, quâ finita benedictione, aliquantulum ex Biblia, aut alio Spirituali libro legat, & deinde cibum ad Dei gloriam sumat, non tamen omitat, cum corpus reficit, mentem ad Deum levare, & quasi Christum continuò ante se habens, Spiritum, meditando, recreare. Postea paulisper legat deindè gratias agat.

5. Cæterum quoties dies abstinentiæ panis, & aquæ occurrerit, non super mēsam, sed in terra sedens, tabula supposita, pedibus nudis aut seminudis) sinè vilo apparatu panem tanquam cinerem cum gemitu, & humilitate manducet, & aquam velut potum lachrymarum, verâ contritione bibat.

6. Ab

6. Ab hac obseruatione, ac reficiendi modo eximuntur duæ solemnitates, scilicet Ss. MARTINI, & Dominicæ quinquagesima, in quibus propter ingressum Quadragesimarum, quadam piâ, ac charitatis plenâ libertate alacrius, lautiusque bis in die reficiuntur Fratres, & quamvis simul, atq; in eadem Mensa, non tamen in Refectorio, sed in alio quodam ad hoc præparato seorsum loco. Quæ nihilominus recreatio, cum religiosa modestia, omni prorsus profano, sæculari uè luxu expulso, imò expressè prohibito fieri debet; ideò non licebit à sæcularibus instrumenta ad sonum sumere.

7. At quia per consuetudinem solet Priori præcedenti hebdomada fratres suos, bipartitos tamen, non vna die, omnes foras ad aliquod loci membrum, seruata ibidem eadem, quâ in Eremo modestia, ad comedendum mittere, eadem quidem die sub vesperam reuersuros, ibique in prædicto recreationis loco simul Cœnatorios.

8. Caueant autem in sæcularium, aut Regularium domibus comedere, quod si quis secus fecerit, grauer puniatur, sicut illi, qui post Prioris recessum, in loco recreationis permaneant, & qui in talibus recreationibus quidquam fecerit, aut fieri permiserit, nostro statui repugnans.

9. Vbi non erit membrum Eremitæ, ad fratres pro diæa recreatione mittendos, debent Priores domi concedere. Consuevit item singulis annis tempore vindemiæ, vnâ die Eremitas recreationis causâ mittere.

De

Constit: Eremitica,
De mensura ciborum.

113

C A P. XXXIX.

¶ Vfficere credimus ad refectiōem quotidianam, tām sextæ, quām Nonæ omnibus mensis cocta duo pulmentaria, propter diuersorum infirmitates, ut fortè, qui ex uno non potuerit edere, ex alio reficiatur, ergo duo pulmentaria cocta fratribus sufficiant, & si fuerint inde poma, aut nascentia leguminum addatur, & tertium.

Constitutio.

r. **Q**uia Eremitica austeritas maiorem victus austeritatem requirit; ideò in cibis ministrandis infra scriptus seruandus erit. A Pascha Resurrectionis, vsq; ad exaltationem S. CRUCIS (exceptis feriâ quarta, & sexta, in quibus ieiunatur, singulis diebus in mane vnicum pulmentum ministrabitur, sed si festum duplex primæ, vel secundæ Clasis celebratur, pitantia addatur. Ad Cænam etiam pitantia dabitur, & insuper quando superiori videbitur dari poterit pulmentum ex herbis decoctis, quod intelligitur in dominicis tempore hyemali.

2. Acetarium ex herbulis condire nemini prohibetur in cæna, quod etiam de mane in diebus Ieiuniorum, extrà quadragesimas, & abstinentias, & quando in Ieiunijs vnum tantum ferculum defertur, permittitur. At qui nemini licebit acetarium à Ministro delatum, & quod quis sibi fortè parauerat manducare, quia tunc vnum relinquere omninò debet.

3. Si quis extrà dies ieiuniorum semel tantum, qua-

P

si ie-

si ieiunaturus, vellet refectionem accipere, mane hora refectionis solita tribuatur, quicquid alijs tam mane, quam serò alijs dandum erit

4. Ieiunium quartæ feriæ in æstate, si officium feriale occurrit, cum vno pulmento quadragesimali, ac acetario fiat; at si de festo etiam simplici agi contingat, aut de die infra octauâ, aut vbi Capitulum Generale celebratur, tunc duo pulmenta crassa ministranda erunt, intellige minestram, & pitantiam: idem in Rogationum militabit, etiam si de simplici sola fieret commemoratio, quibus diebus ieiunium, vt in quarta feria dictum est supra, seruandum erit.

5. Feriâ verò sexta æstiuo tempore in pane, & aqua ieiunetur additis fructibus, seu agruminibus, vel herbulis cum sale sinè aliquo condimento. Sed si in feria sexta aliquod duplex festû inciderit, abstinētia transfertur, & duo pulmenta quadragesimalia deferantur, idest minestra, ac pitantia, quod in omnibus sextis ferijs per annum obseruetur: abstinētia verò in alium diem ieiunij, qui duplici careat, transferatur. Quod si omnes dies sint duplices, feriâ sexta etiam duplici fiat abstinētia, & hoc strictissimè obseruandum, vt nulla decurrat per annum hebdomada sinè aliqua panis, atque abstinētia.

6. Qui tamen in sexta feria abstinere voluerit (nisi in communi reficiatur) abstineat in Domino. Declarando quando abstinētia ex pœnitentia fit, extrâ quadragesimas fieri cum fructibus.

7. Ab Idibus Septembris vsq; ad Pascha (vt Pater San-

Sanctissimus præcepit) perpetuum indicitur Ieiunium, exceptis Dominicis diebus, in quibus Ieiunium ad cuiuscunq; arbitrium relinquatur. Quamobrem in mane pulmentum cum ferculo simul datur, ut qui unâ refectioe uti voluerit, liberè possit, sed ei, qui de sero cænare voluerit tunc pitantia de sero detur, & de mane pulmentum, si ita placuerit.

8. Ab eadem die festo S. CRUCIS, usq; ad festum S. MARTINI, & à Natiuitate Domini, usq; ad quinquagesimam, ter in hebdomada nempe Dominica, feriâ tertia, & quinta, cum pulmento pitantia ex ovis ministratur, quod in omnibus festis duplicibus intra eadem tempora obseruatur: Et quando Anniversaria cum tribus nocturnis celebrantur; Atqui feria secunda, & Sabbatho pulmētum crassum cum insalatitio deferitur. Feria verò sextâ abstinetur, ut supra.

9. Postremò in utraq; quadragesima singulis Dominicis, & feriâ quinta cum festis duplicibus, duo fercula macra quisq; habere debet; feriâ tertia, & Sabbatho, vnum simili condimento pulmētum cum acetario, feriâ vero secunda, quarta, & sexta in pane, aqua ac sale, addita etiam herbula cocta vnus tantum speciei, & volenti, panis coctus in aqua, & sale concedatur. In quibus feriis, vel earum aliqua, si festum duplex incidit, abstinentia relaxatur, dummodo in hebdomada semel fiat, ut supradictum est, & in abstinentiæ diebus conuersis per continuum laborem, vinum cum fructibus, quos in Cellulis habent, conceduntur.

10. At Vigilia Natiuitatis Domini (nisi venerit in

die abſtinentiæ) & Sabbatho Sancto Ieiunium cum vino, fruſtibus, ſoloq; pulmento ſeruabitur.

11. Præter Quadrageſimas, & alia ieiunia ab Eccleſia indiſta, & ſpeciali Religionis noſtræ deuotione ieiunetur, in Vigilia Epiphaniæ, Purificationis, Natiuitatis B. MARIE, ac S. Patris noſtri ROMUALDI ſeptima februarij, quæ habet octauâ, ſed non in feſto altero de mēſe Iunij, in quibus vigilijs ieiunatur, cibus quadrageſimalibus, cum ſerculis, quæ alias illa die danda ſorent.

12. Quoties autem in ſexta feria Natiuitatis Domini aut S. ROMUALDI feſtiuitas occurrerit, ouorum & caſei pulmentaria comedantur, Ieiunium verò minimè ſoluitur. Intra ſepta Eremiti nunquam licet feriæ ſextæ Ieiunium violare, neque quoad ciborum qualitatem, exceptis ſupradictis, ſed neque hoſpitibus, neq; operarijs, aut ſeruientibus in ferijs ſextis oua, ſeu lacticiuia miniſtrare licet, niſi infirmitate, aut debilitate laborent, aut perſonæ valde nobiles, multumq; delicatæ fuerint, aut alia ex cauſa ſuperiori benè uifâ noſtri omninò tam intrâ, quàm extrâ Eremos oua, aut quodcunq; craſſum ſtrictiſſimè pròhibentur edere.

13. Si deniquè ea die feſtum S. MARTINI contingerit celebrari ſolita, illius diei recreatio, præcedenti die, fieri conſueuit.

14. Quorum pitantia, duo oua, piſcium recentium, ſex vncias Sallamentorum benè expurgatorum, quatuor ponderis vncias non excedat in pulmentis condendis, ſingulis Eremitis ouum vnum, & caſei quantum neceſſe eſt tribuatur.

15. Et

15. Et quia hic pulmenta crassi, & macri appellatione disponuntur, declaratur illud Macrum dici, quod sine ouis, aut lacticiinijs fit, crassum illud quod ouorum casei, butyri, lactisue mixtione cōditur, macrum quippe pro crasso, & non crassum pro macro fas est ministrare.

16. Strictè quoq; prohibetur, ne quis in priuata Cella aliquid, quod pulmenti speciem sapiat, coquat, præter fructus, vt sunt poma, & crumina, & qui contra fecerit semel in aqua; & pane mulctetur.

17. Præter comestibilia, quæ è coquina Eremitis deportantur, per singulas Cellas saltem semel in hebdomada, vel bis, si cōmodè poterit, vel pluries in ætate, iusta fructuum portio deferatur. Dari quoq; aliquando solent, secundum temporum qualitatem, acrumina, radices, vel aliud huiusmodi. Nulla tandè hebdomada trāseat sine aliqua prædictorum portiuncula.

18. Casei quoq; pitantia sex vnciarum ponderis erit, quæ die Dominico tantum singulis datur, cuiusq; discretionem in totam hebdomadam compartienda.

19. Omnia ergo quæcunq; Eremitis ministratur ex decoctis Epulis, si cuiquam supersit, quod scilicet non manducauerit, in crastinum sibi reservare omninò nequit, sed eadem die foras deponat, sic & vasa, quibus usus est, munda in Armarium à Coquo asportanda.

20. Vetatur etiam cunctis ex Cellarum, seu communibus horulis acrumina, fructus, sellaros finiculos, seu quid simile, sine licentia superioris, colligere, & carpere, omnes tamen poterunt ex proprijs, aut com-

munibus hortulis, herbulas sibi ad proprium vsum sumere; solus autem Coquus vndecunq; pro Coquinæ vfu colligere poterit.

21. Collatio serotina fit cum fructibus, vel pane, benedictione præmissa, & gratiarum actione subsequente: sed in quadragesimis, in diebus abstinentiæ pro collatione, panis tantum adhibeatur.

Sequitur Regula.

Panis libra una pro mensa sufficiat in dies, siue una sit refectio, siue prandij, & cene. Quod si cenaturi sunt, de eadem libra tertia pars à Cellerario reseruetur, reddenda cenaturis. Quod si labor fortè factus fuerit maior, in arbitrio, & potestate Abbatis erit, (si expediat) aliquid augere, remotâ præ omnibus crapula, ut numquam subrepat Monacho indigeries, quia nihil sic contrarium est omni Christiano quomodo Crapula, sicut ait Dominus noster. Videte ne grauentur corda vestra crapula, & ebrietate. Pueris verò minori ætate non eadem seruetur quantitas, sed minor, quàm maioribus, seruata in omnibus parcitate.

Constitutio.

Quia complexionibus hominum varix existunt, nulla certa panis mensura nobis à maioribus nostris, constituta inuenitur. Quin potius secundum antiquorum ritum, tanta panis quantitas, quoties recens coquitur, cuiq; à ministro in Cellam defertur, quanta rationabiliter ei sufficere possit, quousque recens iterum deporetur: verum pane deficiente mittat foras in armario-
lo buc-

lo buccellum pro signo, & statim supplementum ab eodem ministro recipiat. Panis tandem cibarius, seu communis, bonus, beneq; conditionatus, & non nimis delicatus, aut exquisitus erit.

Sequitur Regula.

Carnium verò quadrupedum omninò ab omnibus abstinetur comestio præter omninò debiles, & ægrotos.

Constitutio.

I. **Q**uadrupedum appellatione hoc loco, & bipedum carnes comprehendendi minimè ambigitur, ac proinde esus omnium carnum Quadrupedum, & bipedum, ac volatilium, Eremitis prohibitus censetur, imò verò, & etiam omnium rerum, quæ per commixtionem carnis sapore, vel gustum contraxerunt, nec non earum quæ iusculo, seu adipe conditæ sunt. Quæ prohibitio semper, & ubiq; tam in Eremito, quàm extrà in itinere, ac omni tandem loco indispensabilis omninò maneat, nisi morbi necessitas aliter requirat: Et tunc superiores, medici consilio si haberi potest, facilliter concedant, modo supra expresso.


2. Atque per hanc prohibitionem, nec sæcularibus quidem cuiuscunq; status, aut conditionis fuerint, intra Cruces Eremitæ, carnes concedi nequeunt, quod & in oblatis, atque famulis observabitur.

3. Transgressores verò, qui vel manducaverint vel manducare permiserint, disciplinâ circulari plectantur, ac tribus diebus in pane, & aqua ieiunent; Et si delinquens

quens fuerit Prælati, à visitatoribus, si autem visitator, aut maior, à Capitulo Generali, aut dicta eadem pœnitentia puniatur, & qui manducari à sæcularibus permiserint, ter in pane, & aqua ieiunent.

De Mensura potus.

C A P. XL.

 Nusquisque proprium habet donum ex Deo, alius sic, alius verò sic, & ideo cum aliqua scrupolositate à nobis mensura victus aliorum constituitur. Tamen infirmorum contuentes imbecillitatē credimus, heminam vini per singulos sufficere per diem. Quibus autem donat Deus tolerationem abstinentiæ, propriam se habituros mercedē sciant. Quod si aut loci necessitas, vel labor, aut ardor æstatis amplius poposcerit, in arbitrio Prioris consitat, considerando in omnibus ne subrepat satietas, aut ebrietas, licet legamus vinum omnino monachorum non esse, sed quia nostris temporibus id Monachis persuaderi non potest, saltem vel hoc consentiamus, ut non usq; ad satietatem bibamus, sed parcius, quia vinum apostatare facit etiam sapientes: ubi autem necessitas loci expostit, ut nec superscripta mensura inueniri possit, sed multo minus aut ex toto nihil, benedicant Deum, qui ibi habitant, & non murmurent. Hoc autem antè omnia admonemus, ut absq; murmurationibus sint.

Constitutio.

- I. Quia inter Eremitas nostros magna est citrà vini potum diuersitas, ideò vasculum, quod quisq; de consensu Prioris in Cella habet, singulis diebus non prohibitis Minister impleat.
2. Sed

2. Sed diligenter aduertant Prælati, nè vāscula modestiam, sobrietatemq; Eremiticam excedant, magis autem aduertant subditi, vt semper Religiosam parsi-
moniam constanter retineant, nec vnquam vñrum, nisi aqua dilutum, bibant, & dum bibunt (secundum Eremitarum antiquam consuetudinem) sedeant, ambabus manibus craterem tenentes.

Quibus horis oporteat reficere fratres.

C A P. XLI.

Sancto Pascha, vsq; ad Pentecostem ad Sextam refici-
ant fratres, & ad scram cænent. A Pentecoste autem
tota æstate, si labores agrorum non habent Monachi,
aut nimietas æstatis non perturbat, quartâ, & sexta feria ieiun-
nent vsq; ad nonam, reliquis verò diebus ad sextam tardent.
Quæ scilicet prandij, si opera in agris habuerint, aut æstatis fer-
uor nimis fuerit, continuanda erit, & in Abbatis sit prouiden-
tia, & sic omnia temperet, atq; disponat, qualiter animæ saluen-
tur, & quod faciunt fratres, absq; vlla murmuratione faciant.
Ab Idibus autem Septembris, vsq; ad caput quadragesime, ad
nonam semper reficiant fratres. In quadragesima autem vsq;
ad Pascha, ad Vesperam reficiunt. Ipsi tamen Vespera sic aga-
tur, vt lumine lucerne, non indigeant reficientes, sed luce ad-
huc diuina consumuntur, sed & omni tempore, siue Cæne,
siue refectiois hora, sic temperentur, vt cum luce dici fiant
omnia.

Constitutio.

1. **I**n Stivo tempore cum non ieiunatur, hora pran-
dij erit post sextam, hora verò cænæ, post
vesperas antè tamen Completorium. Q 2. In

2. In hyeme qui diebus Dominicis cœnare de se-
ro voluerit, propter dierum breuitatem ad sanita-
tem tuendam, post completorium licebit, post ora-
tionem et ita etiam de collatione serotina in alijs die-
bus intelligi) sed inter prandium, & cœnam quid-
quam potus, aut cibi sumere non licet.

3. In Ieiuniorum diebus post nonam reficiant fra-
tres, sed in Quadragesima post Vesperas.

4. Hæc est nostræ Congregationis vitæ forma,
quam omnes Professi, ac Nouitij obseruare tenen-
tur, nec sine Superioris licentia, nec in totum, nec
in partem quidquam addere, vel relaxare possunt.

5. Si autem aliquis Spiritu Sancto inflammatus,
maiori austeritate vti desiderat, cum Prioris benedi-
ctione agat, dummodo sua singularitate alijs admi-
rationem, Ministrisq; molestiam non inferat.

6. Superiores veró relaxandi, perinde ac restrin-
gendi, sibi ipsis, sicut cæteris, discretionē magistrā
auctoritatem habent, & specialiter cum oblati, qui
non sicut professi ad tantam obseruantiam non te-
nentur.

Vt post completorium nemo loquatur.

C A P. XLII.

Mni tempore silentio studere debent Monachi, maxime
Ostamen nocturnis horis, & ideo omni tempore siue Iei-
unij, siue prandij, si tempus fuerit prandij, mox, vt sur-
rexerint à Cœna, sedeant omnes in vnum, & legat vnus collati-
ones,

ones, vel vitas Patrum, aut certè aliquid, quod edificet audientes, non autem Eptaticum, aut Regum; quia infirmis intellectibus non erit vile illa hora hanc scripturam audire: alijs vero horis legantur; si autem ieiunij dies fuerit, dicta Vespera pauco interuallo, mox accedant ad lectionem collationum, ut diximus, & lectis quatuor, aut quinq; folijs, vel quantum hora permittit, omnibus in vnum concurrentibus per hanc horam lectionis. Si quis fortè in assignato sibi commissio, fuerit occupatus, occurrat. omnes ergò in vnũ positi compleant, & exeuntes à Completorio nulla sit licètia denuo cuiquam loqui aliquid. Quod si inuentus fuerit quisquam præuaricari hanc taciturnitatis regulam, grautori vindicta subiaceat, excepto si necessitas hospitum superuenerit, aut fortè Abbas alicui aliquid iusserit. Quod tamen, & ipsum cum summa grauitate, & moderatione honestissime fiat.

Constitutio.

1. **V**espertinæ lectionis, quam hic fieri præcipit Pater Sanctus, in nostra Societate, hic fuit, & erit semper præscriptus modus. Pulsante completorij signo, omnes Fratres ad Ecclesiam decore seruato, concurrent, vbi ante Sacramentum flexis genibus manebunt, signo postea completo, cunctis aulam Capituli ingressis, & attentè audientibus, ibi Clericus hebdomadarius, ad quartam horæ partem, vel donec per Superiorem, signum datum, more solito fecerit, librum collationum, siuè alium vulgarem similem, vt & Laici intelligant, alta, & intelligibili voce perleget.

2. Vnde surgentes, ad Ecclesiam reuersi comple-

torium persoluent, & usque ad horam primam finitam sequentis diei, in perpetuo, inuiolabilique silentio permanebunt.

3. Si verò aliquis ad hanc lectionem non venerit, dicat suam culpam, & corripiatur à Superiore.

De his, qui ad opus Dei, vel ad mensam tardè occurrunt.

CAP. XLIII.

AD horam Diuini officij mox, ut auditum fuerit signum, relictis omnibus quæcunq; fuerint in manibus, summâ cum festinatione curratur, cum grauitate tamen, ut scûrilas non inueniat semitem. Ergò nihil operi Dei præponatur. Quod si quis ad nocturnas vigilias post gloriâ psalmi nonagesimi quarti (quæ propter hoc omnino protrahendo, & morosè volumus dici) occurrerit, non stet in ordine suo in Choro, sed ultimus omnium, aut in loco, quem talibus negligentibus, seorsum constituerit Abbas, ut videatur ab ipso, vel ab omnibus, usq; dum completo opere Dei publica satisfactione peniteat. Idco autem eos in ultimo, aut seorsum indicauimus debere stare, ut visi ab omnibus, vel pro ipsa verecundia sua emendentur. Nam si extra craterium remaneant, erit forte talis, qui se, aut collocet, aut dormiat, ut certè sedeat foris, vel fabulis vacet, & detur occasio maligno, sed ingrediatur intro, ut nec totum perdat, & de reliquo emendetur. Diurnis autem horis, qui ad opus Dei post versum, & gloriam primi psalmi, qui post versum dicitur, occurrerit, lege quam suprà diximus, in ultimo stet, nec presumat sociari choro psal.

psallentium, vsq; ad satisfactionem, nisi fortè Abbas licentiam dederit permissione sua, ita tamen, ut satisfaciat reus ex hoc.

Constitutio.

1. **M**odus à regula præscriptus, sic à nobis hodie vsui est, aut quodocunque aliquis Sacerdos, vel Clericus in Choro, seu etiam Laicus extra eum, excepto Matutini, vel primæ officio, abesse deprehenditur, statim hebdomadarius frater eundem vocabit, in alijs verò horis diei, Sacrista, cui officij signandi cura est, pigros quoque accersendi curam habebit. Vigilabit nihilominus Prior, aliquo à Choro deficiente (ut moris est) signum statim dare festinet, & vocetur.

2. Ipse verò rarditatis amator, post scilicet completo Venite exultemus in Matutino, & in alijs horis incepto primo psalmo accedens, extra Chorum, in ea parte, in qua ipse residet ad terram profundè humiliatus tamdiu maneat, donec illi Superior signum præbuerit, ut assurgat, quo facto in suam sedem ascendet. Quod & Conuersi obseruabunt in horis, in quibus in Ecclesiâ sistere debent, atque ideò quando tardè venerint, vel inde recesserint, durante officio, in Chori porta veniam petere, ibique Superioris signum expectare.

3. Si quis propter negligentiam ad matutinum non venerit, ieiunet semel in pane, & aqua.

Régula &
Sequitur Regula.

¶ **A**d horam verò refectionis, qui antè versum non occurrerit, ut simul omnes dicant versum, & orent & sub uno omnes accedant ad mensam. Qui per negligentiam suam, aut vitium non occurrerit, usque ad secundam vicem pro hoc corripatur, si denuò non emendauerit, non permittatur ad mensam communis participationem, sed sequestratus à consortio omnium, reficiat solus, sublatâ ei portione sua vini, usq; ad satisfactionem, & emendationem. Similiter autem patiatur, qui, & ad illum versum non fuerit præsens, qui post cibum dicitur. Nec quisquam præsumat antè statutam horam, vel postea quidquam cibi, vel potus percipere; sed etsi cui offertur aliquid à Priore, & accipere renuerit, hora, qua desiderauerit hoc, quod prius recusauit, aut aliud omninò non percipiat, usq; ad emendationem congruam.

Constitutio.

Quod Pater Sanctus de tardè ad mensam venientibus disponit, idem in nostris Refectorijs (licet rarius accidat) strictius obseruetur.

De his, qui excommunicantur quomodo satisfaciant.

CAP. XLIV.

¶ **V**i pro grauioribus culpis ab oratorio, & à mensa excommunicantur, horâ qua opus Dei in oratorio percelebratur, antè fores oratorij prostratus pronus omnium de oratorio exeuntium pedibus se projiciat, & hoc tamdiu faciat, usque dum Abbas iudicauerit satisfactum esse. Qui cum ius-

iussus ab Abbate venerit, prouoluat se ipsius Abbatis pedibus, deinde omnium vestigijs fratrum, ut orent pro eo, & tunc si iusserit Abbas, recipiatur in Choro, vel in ordine, quo Abbas decreuerit, ita sanè, ut psalmum, aut lectionem, vel aliud quid, non præsumat in oratorio imponere, nisi iterum Abbas iusserit, & omnibus horis, dum completur opus Dei, proijciat se in terram in loco, in quo stat, & sic satisfaciat, usque dum ei iubeat iterum Abbas, ut quiescat iam ab hac satisfactione. Qui verò pro leuibus culpis excommunicantur, tantum à mensa, & oratorio, satisfaciant usq; ad iussionem Abbatis, & hoc semper faciant, usq; dum benedicat, & dicat sufficit.

Constitutio.

1. **E**Remita, qui quomodolibet in foro exteriori excommunicatus declaratus fuerit iuxta nostrorum priuilegiorum facultatem, debitâ præmissa satisfactione absoluitur, seruata omninò forma super hoc Ritualis Romani, quæ nunquam omittatur.

2. Insuper casibus, omnibus, qui accidere possunt, consulendo, statuitur, ut quinquies in anno, quilibet Prior in sua Eremo, suos subditos generaliter absoluat, at ubi Pater maior fuerit, suum id munus erit, quæ absolutiò tradenda est in Capitulo culparum de sero antè Completorium, in Vigilijs Natiuitatis Domini, Paschæ, Resurrectionis, Pentecostes, Assumptionis B. M. V. & Capitulo Generali absoluto, lectâ tabula. Sic autem fiat, omnes Eremitæ congregati, ac genuflexi; sacerdos primus recitabit *Confiteor Deo &c.* & postea adhibita super pallio stola superior stans dicat *Miseretur*

tur G. & Indulgentiam &c. postea absolutionem secundum sequentem formam, recitabit.

3. Si tenemini aliquibus vinculis, siue sententijs communis maioris, vel minoris, suspensionis, vel Interdicti, siue pœnis quibuscunq; tam à Iure, quàm ab homine latis, vel alias quotiescunq; , & quomodolibet incurfis, auctoritate Apostolica mihi commissa, & vobis concessa, in quantum se extendunt gratiæ, & privilegia nostra. Ego absoluo vos omnes Iurisdictioni meæ subiectos tam præsentis, quàm absentes ab omnibus vinculis, censuris, & pœnis prædictis, & restituo vos Sacrosanctæ Ecclesiæ gremio, ac vnitati fidelium, & dispenso vobiscum super omni irregularitate, siue irregularitatibus si quas, vel si quas contraxistis, & absoluo vos ab omnibus defectibus, & negligentijs commissis in administratione ordinum, & Sacramentorum & officiorum vestrorum, & à transgressionibus Regulæ, & Constitutionum, admonitionumq; maiorum vestrorum, & earum pœnitentijs incurfis, non tamen sub huiusmodi absolutionis prætextu, vel expectatione commissis, vel dimissis: Aboleoq; à vobis omnem infamiæ & inhabilitatis maculam, vndeunq; contractam, & restituo, ac habilito vos ad status, famam, & executionem ordinum, & officiorum vestrorum, nec non ad omnes gradus dignitatum, & honorum, ad participationem quoq; privilegiorum omnium; & beneficiorum Ecclesiasticorum, in quantum possum, & indigetis, In nomine Patris, & Filij, & Spiritus Sancti Amen. Injungat postea omnibus vnum *Pater* & vnum *Ave Maria*.

De

De his, qui falluntur in oratorio.

CAP. XLV.

SI quis dum pronunciat psalmum, responsum, aut antiphonā, vel lectionē, fallitur, nisi cū per satisfactionem, ibi coram omnibus humiliatus fuerit, maiori vindictæ subiaceat, quippe qui noluit humilitate corrigere, quod negligentia deliquit. Infantes verò pro tali culpa vapulent.

Constitutio.

1. **C**irca emendationē errorū, qui in Choro occurrere solēt, consuetudo antiqua nostræ Cōgregationis tenuit, ut qui versiculum, Responsum, Antiphonam, Capitulum, orationem, lectionem uē dicendo peruerterit, & qui alium errare facit, Chorum uē perturbat; finito officio in medium Chori exiens, ibi prostratus super terram, signum superioris, vel pænitentiam immobilis expectet. At qui in verbis tantum, seu ceremonijs naturali defectu labitur, secundum qualitatem erroris, vel genuflectit statim, vel certè in proprio loco caput profundè inclinatur; Quòd si enim tremore, negligentia uē sopitus, facere recusatur, iussu Prioris, finito officio, foras exire, & condignam pænitentiam suscipere cogitur.

2. Et si aliquis in illis rebus, quæ fieri, aut dici debent in Choro, vel alibi, si ille qui iuxta errantem manet, tacitè signo, alio uē modo defectui mederi potest, cum submissa voce moneatur, attamen cum alta, si uē manifesta correctio desideratur, tunc quoad professos

R

corri-

corrigendos, solius Prioris officium est. Nouitios verò ipsorum Magister instruat, atq; corrigeat. Non tamen Priori prohibitum est, & Nouitios in choro, & vbiq; corrigere, & reprehendere, tandem nulli priuato licet superioribus præsentibus aliquem errantem reprehendere, seu emendare, nisi Prælati negligentibus, siuè non aduertentibus, talis error scandalum, absurdum uè esset allaturus, eo enim casu, non erit indecens, sed oportuna talis correctio.

3. Animaduertant tamen omnes, vt correctiones homini in diuinis officijs, nutu potius, signouè faciant, quàm ore aperto, nè perturbatio sequatur. Vndè consultius erit in his, quæ pauci momenti sunt, dissimulare, quàm pro nihilo officium interrompere, vel alios in admirationem ducere.

De his, qui in aliquibus rebus leuibus delinquant.

CAP. XLVI.

SI quis dum in labore quouis in Coquina, in Cellario, in Monasterio, in pistrino, in horto, in arte aliqua dum laborat, vel in quocunq; loco aliquid deliquerit, aut fregit quidpiam, aut perdiderit aut aliud quid excesserit; ubi, & non veniens continuò antè Abbatem, vel Congregationem, ipse vltro satisfecerit, & prodiderit delictum suum, cum per alium cognitum fuerit, maiori subiaceat emendationi: Si anima peccate causa latens fuerit, tantum Abbati, aut Spiritualibus senioribus patefaciat, qui sciant curare sua, & aliena vulnera, non detegere, ac publicare.

Con.

Constitutio.

1. **D**iscretissime Sanctus Pater (sicut sagacissimus animarum Medicus) sanciuit debere vnum quęquę ægrotum suam detegere infirmitatem, latens enim morbus curari non potest, Idcirco Eremitę nostri omnes Constitutionum transgressiones, defectusq; manifestos in Capitulo culparum, coram omnibus dicant, quatenus superior vniciq; vulneri congruentia adhibeat medicamenta.

2. Oblati quoq; in Capitulo culpam dicere tenentur, vti faciunt professi, sed antę omnes etiam nouitios, quę dicta omnes simul discedant.

De significanda hora operis Dei.

C A P. XLVII.

Nuncianda hora operis Dei, die, noctuq; sit cura Abbatum, ut aut ipse, nunciare aut tali sollicito fratri iniungat hanc curā, ut omnia horis cōpetentibus cōpleantur, Psalmos autem, vel Antiphonas post Abbatem ordine suo, quibus iussū fuerit imponant. Cantare autem, & legere non præsumat, nisi qui potest ipsum officium implere, ut aſſicientur audientes, quia cum humilitate, & grauitate, & timore fiat, & cui iusserit Abbas.

Constitutio.

1. **I**acet vsuprā Capitulo trigesimo secundo dictum est, diuinum officium Campanę signo nunciare, manus esse sacratas; Iung. labit tamen superior, ut id opportunis, congruisq; horis peragatur; & ut hoc, ut decet, exequatur; statuitur, ut in omnibus nostris Ere-

mis vnica sit campana magna ad canonicas pulsandas horas, duæ verò minores, ad alias domus obedientias significandas.

2. Horologium quoque necessarium est, atque idè vbi non fuerit, quamprimum, fiat, vt domus seruitia ordinatim currant, Sacristæ autem si necesse sit, à Capitulo Conuentuali, aut, à Priore socius detur.

3. Circà psalmorum, & antiphonarum intonationè dictum est in Capitulo tertidecimo.

De opere manuum quotidiano.

C A P. XLVIII.



tiō sitas inimica est anima, & idè certis temporibus occupari debent fratres in labore manuum, certis iterum horis, in lectione diuina. Ideoq; hac dispositione credimus vtrq; tempora ordinari, idest vt à Pascha, vsq; ad Kalendaras octobris, manè exeuntes à prima, vsq; ad horam penè quartam laborent quod necessarium fuerit. Ab hora autem quarta, vsq; ad horam quasi sextam lectioni vacent.

Constitutio.

1. Considerantès Patres, non posse adimplere, quod sanctà regula præcipit, propter continuas officiorum, & missarum occupationes, cauetur nè vllò vnquam die non impedito festo de præcepto, aut temporis iniurià, aut à feruenti calore in æstate, in sole scilicet in leone, ab horario corporali exercitiò vacent.

2. Ad diē Resurrecciónis Dominicæ, vsq; ad festum Exaltationis S. Crucis post secundam missam, campanulæ

nulæ signo, omnes Eremitæ ad locum per superiorem designatum operaturi concurrent, ubi præmissa genibus flexis salutatione Angelica, in proposito opere per horam integram exercebuntur; Reliquo verò anni tempore idipsum, & eodem ordine finitæ Sexta fieri consuevit. Absoluto tandem opere incipiente superiore, dicitur psalmus De profundis pro Defunctis cum versiculis, & oratione Deus veniæ largitor.

3. Nouitij cum suo Magistro seorsum huiusmodi exercitium persolvere tenentur, nisi superiori aliud visum fuerit.

4. Pigri verò ac negligentes, seu recusantes venire, grauius corripiantur: qui sua sponte horam exercitij excedere voluerint, non illis prohibetur. verum quando adest Capitulum culparum, aut fit Panis, vel communis tonsura, illa die non tenentur. ad manuale opus. In panis confectione si numerus Fratrum sufficiat, semper lectio adesse debet.

5. Signa autem exercitij, & Panificij erunt viginti campanulæ ictus.

6. Possunt præterea, imò debent vnusquisque in proprijs cellis, aut alibi priuatim, aliquod opus exercere, vti scribere, libros legere, signacula, vel globulos coronæ perficere, coclearia, sportulas, iunceas, mattas, & similia. Prohibentur tamen Coclearia, coronæ sue ex ebore, aut alijs pretiosis materijs conficere.

Sequitur Regula

R 3

Post

Post sextā autem surgentes à mensa, paſsent in Lectulis suis cum omni ſilentio, aut fortē qui voluerit ſibi legere, ſic legat, ut alium non inquietet. Agatur nona temporibus, median- te octaua hora, & iterum quod faciendum eſt, operentur uſq; ad veſperam: ſi autem neceſſi- tas loci, aut paupertas exegerit, ut ad fruges colligendas per ſe occupentur, non contriſtentur. Quia tunc verē monachi ſunt, ſi de labore manuum ſuarum viuunt, ſic, ut & Patres noſtri, & Apoſtoli. Omnia tamen meſuratē fiant propter puſillanimes. A Kalendis autem octobris uſq; ad Caput quadrageſimæ uſq; ad horam ſecundam plenam lectioni vacent. Hora ſecunda aga- tur tertia, & uſq; ad Nonam omnes in opus ſuum laborent, quod eis iniungitur. factō autem primo ſigno horæ nonæ, diſiungant ſe ab opere ſuo ſinguli, & ſint parati cum ſecundum ſignum pulſauerit.

Conſtitutio

1. **Q**uā homini à natura inſitum eſt poſt labo- rem anhelare quietem, ideō æſtuo tempore à Paſcha ſcilicet Reſurrectionis uſq; ad Exaltationem S. Crucis ſtatuitur, ut Eremitæ ſumpta reſeſtione paululum quieſcant, Ita ut noctis, & meridiei ſomnus ſeptem horarum ſaltem ſpatium æquet.

2. Sacriſta igitur poſt prandium, hora ſcilicet, ac di- midia poſt dictam ſextam, vel Nonam ſolita cam- pana dormitionis ſignum dabit, ad ſpatium vnus Pater noſter cum iſtibus quinque.

3. Audito itaq; ſigno, vnusquisque in cellam ſuam
ſe reci-

se recipiat, & sin lectulo suo, vel si maluerit sedendo per horam, & dimidiam, vel duas quiescat. sed qui dormire nolit, quietus in silentio maneat, nè ipse alijs aliquo modo impedimento sit, quod superiores animaduertere debent.

4. Dormitionis finis, erit signum Nonæ, sed quando ieiunatur, pulsanda erit campanula per duo Pater noster cum ictibus quinque.

5. Qui post matutinum quiescere exoptat, ab ipso superiore licentiam obtineat.

Sequitur Regula

Post refectionem autem, vacent lectionibus suis, aut psalmis. In quadragesimæ vero diebus, à mane usque ad tertiam plenam lectioni vacent, & usque ad decimam plenam operentur, quod eis intungitur. In quibus diebus quadragesimæ accipiant omnes. singulos Codices de Bibliotheca; quos per ordinem ex integro legant, qui Codices in capite quadragesimæ, dandi sunt. Ante omnia sanè deputetur vnus, aut duo seniores, qui circumeant Monasterium, horis, quibus vacant fratres lectioni, & videant ne fortè inueniatur frater accidiosus, qui vacet otio, aut fabulis, & non sit intentus lectioni, & non solum sit inuitus sit, sed etiam alios extollat. Hic talis si (quod absit) repperitus fuerit, corripiatur semel, & secundo, si non emendauerit, correctioni regulari subiaceat, taliter vt ceteri metum habeant. Neque frater ad fratrem iungatur horis incompetentibus. Dominico die lectioni vacent omnes, exceptis, his, qui varijs officijs deputati sunt. si quis verò ita negligens, & accidiosus fuerit, vt non velit, aut non possit meditari, aut lege-

legere, iniungatur ei opus, quod faciat, ut non vacet. Fratribus infirmis, aut delicatis talis opera, aut ars iniungatur, ut nec otiosi sint, nec violentiâ laboris opprimantur, aut effugentur, quorum imbecillitas ab Abbate consideranda est.

Constitutio.

1. **A**D sacræ regulæ complementum in vnaquaque Eremita, deputetur Pater, qui bis in hebdomada, scilicet die lunæ, ac Iouis per horam ante vel post vespervas lectionem moralis Theologiæ habeat, postquam inter se mutuo fratres conferant, quod etiam in Aduentu, & quadragesima obseruabitur, & si quis ex prædictis diebus impeditus fuerit, in altero suppleatur. In illis verò locis, ubi commodè lector haberi non poterit, curabit Pater Prior iisdem temporibus, ac horis, ut de iisdem materijs per fratres differatur, ubi ipse cum omnibus Choristis interueniet, iuxta constitutionem Clementis. V I I I.

2. Insuper quilibet sacerdos, Clericusuè vnicum sacræ Bibliæ caput, vel alterius libri spiritualis in dies legat, quia lectio præmissa multum iuuat orationem.

De Quadragesimæ obseruatione.

CAP. XLIX.

Sicut omni tempore vita Monachi quadragesimæ debent obseruationem habere, tamen quia paucorum est ista virtus; ideo suademus istis diebus quadragesimæ omni puritate vitam suam custodire, omnès pariter negligentias aliorum temporum, his diebus Sanctis diluere. Quod tunc digne fit, si ab omnibus vitijs nos temperemus, Orationi cum fletibus, le-

ctioni,

tionem, & compunctionem coram, atq; abstinentiæ operam demus. Ergo his diebus augeamus nobis aliquid ad solitum pensum servitutis nostræ, orationes peculiare, Ciborum, & potus, abstinentiam, & unusquisq; super mensuram sibi indictam aliquid propriâ voluntate, cum gaudio Spiritus Sancti offerat Deo. Id est subtrahat corpori suo de cibo, de potu, de somno, de loquacitate, de scurrilitate & cum Spiritualis desiderij gaudio, Sanctum Pascha expectet. Hoc ipsum tamen, quod unusquisq; offert Abbati suo suggerat, & cum eius fiat oratione, & voluntate. Quia quod sine permissione Patris Spiritualis fit, præsumptioni deputabitur, & vanæ gloriæ, non mercedi. Ergo cum voluntate Abbatis omnia agenda sunt.

Constitutio

SI veris Cænobitis tantopere expedit in quadragesima Regularibus institutis aliquid addere, certè nobis Eremiticulis necessarium videtur, totum integrum annum, ne dum quadragesimas quibusdam piorum operum additamentis exornare. Ideo Eremita singulis feriis sextis totius anni, horâ, quæ cuiq; commodior visâ fuerit, quisq; in sua Cella se ipsum flagris tamdiu cædat, quamdiu bis psalmum quinquagesimum pronunciando immorabitur, quam flagellationem seu disciplinam in hebdomada maiori, in memoriam passionis Dominicæ triplicabunt, scilicet eam feriâ quarta, quinta, & sexta faciendo. Hortantur insuper Patres omnes coeremitas, ut in honorem quadragesimæ singulis diebus abstinentiæ eam frequentent, & profef-

fessi, qui toto anni curriculo voluerint, valeant sine
alia licentia, at Nouitij habeant consensum sui Magi-
stri.

2. Si quis ad certum tempus, vel perpetuo voluerit
Cilicio uti, sicut multi Sanctorum Patrum fecerunt
quod maximè in quadragesima fieri solet, de licentia
Patris Spiritualis & Nouitij sui Magistri, valeant.

De fratribus qui longè ab oratorio
laborant, aut in via sunt.

C A P V T. L.

FRatres, qui omnino longè sunt in labore, & non possunt oc-
currere hora competente ad oratorium, & Abbas hoc per-
pendit, quia ita est agant ibidem opus Dei, ubi operantur,
cum tremore Diuino flectentes genua. similiter qui itinere
directi sunt, non eos prætercant horæ constitutæ, sed ut possunt
agant sibi, & seruitutis pensum, non neglegant reddere.

Constitutio.

Notent omnes Religiosi, ex hac S. Patris exhortatio-
neminem ab officio, horisue Canonicis, vel alio de-
bito orationis ex constitutione Ecclesiæ, vel ex pro-
fessione, votoque contracta, propter opera manualia im-
munem fieri, neque itineris labore. Semper igitur domo
nostri Eremitæ Choro addicti, debitum Diuini officij
ac Laici orationum suarum integrum deuote persoluât

De fratribus, qui non satis longè
proficiscuntur

✠✠✠ *Ratres, qui pro quouis responso proficiſcuntur, & eadem die ſperant reuerti ad Monasterium, non præſumant foris manducare, etiam ſi à quouis rogentur, niſi fortè eis ab Abbate ſuo præcipiatur. Quod ſi aliter fecerint, excommunicentur.*

Conſtitutio?

1. **Q**uod hic de excommunicatione dicitur, de Regulari intelligendum eſt, ideo qui foras exeunt, nec congruo reſeſtionis tempore reuerti poterunt in noſtris (ſi ad ſunt) hoſpitijs, aut alibi reſiciantur de ſui licentia Prælati, tacitâ, vel expreſſa. & ſi extra Eremum pernoctare coguntur, ubi noſtra aderunt hoſpita, neq; ſuperiores extra illa dormire nequeant, neque extra illa comedere ſine licentia: & qui ſecus fecerint, ſemel in pane, & aqua ieiuent.

2. Non poteſt Prior ſibi, neq; ſuis veniam dare itinerandi ultra quinquaginta milliaria, ſed ſolius Patris Maioris, aut vicemaioris, munus erit, quod ſi dictus Pater maior, aut vice maior longè abeſſet, & periculum eſſet in mora, tunc Prior cum ſuo Capitulo Conuentuali, talem impartiri licentiam poterit, & qui tali ordinationi non paruerit, carcerali pœna per menſem puniantur.

De oratorio Monasterij.

✠✠✠ *Ratorium ſit hoc, quod dicitur, nec ibi quicquam aliud ſi geratur, aut condatur expleto opere Dei, omnes cum ſummo ſilentio exeant, & agatur reuerentia Deo, ut frater.*

qui fortè sibi peculiariter vult orare, non impediatur alterius improbitate, sed si alter vult sibi fortè secretus orare, simplicitè intret & oret non in clamosa voce, sed in lachrymis, & intentione cordis. Ergò qui simile opus non facit, non permittatur, expleto opere Dei, remorari in oratorio, sicut dictum est, nè aliis impedimentum patiatur.

Constitutio.

1. **D**omus Dei Ecclesia est, quæ Domus orationis vocatur; Ideò Sanctus Benedictus ab exercitio, oratorium appellat. Cum ergò oratio silentium, & quietem desideret, necesse est ab Ecclesia omnem strepitum, omnemq; tumultum propullare: In tota itaq; Ecclesia, sed præcipuè in Choro, Summum, perpetuumq; silentium seruetur, vt non solum ibi omnis superflua locutio, seu vociferatio prohibita intelligatur, sed etiam omnis strepitus, qui ad aures peruenire, seu mentem distrahere valeat, qualis est sedilium demissio, seu eleuatio, librorum indiscreta reuolutio, inurbana tussis, inmodesta conspuratio, atq; oscitatio, & alia similia, & maximè quando aliquid secretè dicitur, vel recitantur lectiones, antiphonæ, & similia, ac in missa cum legitur Euangelium, & dum canon, ac alia secreta peraguntur.

2. Cura sit insuper sacristæ nè aliquis per Ecclesiam deambulet; nemini item in Ecclesia alium alloqui licet, seu alta voce orare. Quicumq; ergò colloquentes, quacumq; diei hora, vel noctis inuenti fuerint, illo vel sequenti die, in pane, & aqua abstineant. In reliquis

quis supradictis defectibus Prioris discretionī, correctio, vel penitentia relinquatur.

De Hospitibus suscipiendis.

C A P. L I I I

Omnes peruenientes hospites, tanquam Christus suscipi-
antur, quia ipse daturus est. Hospes fui, & suscepistis-
me, & honor agnus omnibus exhibeatur, maxime tamē
deserticis & peregrinis. ut ergo nunciatus fuerit hospes
occurratur ei à fratre, vel à fratribus cum omni officio charita-
tis, & primitus erant pariter, & sibi sibi facientur in pace, quod
pacis osculum non prius offeratur, nisi oratione premissa propter
illusiones Diabolas. In ipsa autem salutatione omnis exhibea-
tur humilitas omnibus venientibus, siue discedentibus hostiti-
bus inclinato capite, vel prostrato omni corpore in terra. Chri-
stus in eis adoretur, qui & suscipitur. Suscepti autem hospites
ducantur ad oratorium, & postea sedeant cum eis Prior, aut is,
cui iusserit ipse. legatur coram hospite Lex diuina, ut edificetur,
& post hæc omnis ei exhibeatur humanitas Ieiunium à Pri-
ore frangatur propter hospitē, nisi forte præcipuus sit dies Ieiunij,
quod non possit violari. fratres autem Ieiuniorum consuetudines
prosequantur. Aquam in manibus Abbas hospitibus det, pedes
hospitibus omnibus, tam Abbas, quam cuncta Congregatio la-
uet. Quibus lotis, hunc versum dicant, suscepimus Deus mise-
ricordiam tuam in mediū Templi tui. Pauperum autem, & Pere-
grinorum maxime susceptio omni curæ exhibeatur, quia in ipsis
Christus magis suscipitur nam diuitum terror, ipse sibi exigit
honorem. Coquina Abbatis, & hospitum per se sit, ut incertis
horis superuenientes hospites, qui nunquam desunt Monasterio,

non inquietent fratres, in quam Coquinam ingrediātur duo fratres ad annum, qui officium bene impleant. Quibus (ut indigent) solatia administrentur, ut absque murmuratione seruiant. Et iterum quando occupationem minorem habent, exeant, ubi eis imperatur, in opera, & non solum in ipsis, sed & in omnibus officijs Monasterij ista sit consideratio, ut quando indigent, solatia accomodentur eis, & iterum quando vocant, obediant imperanti.

Constitutio.

1 **H**ospitia loco commodo tam hospitibus, quam suscipientibus, & ab officinis, & Ecclesia aliquantulum, & multo plus à solitarijs cellulis sint separata, quo hospites maximè, qui de longinquo venerunt, benignè deducantur, adsint ibi lectisternia per omnia Eremitis similia; sed cum personæ dignitas, seu hospitis infirmitas mollioribus egerit, ipse Prior pia adhibita consideratione, eadem concedere valebit.

2. Frater ille ad hoc charitatis munus deputatus, præscriptas in Regula qualitates habeat, ad quem pertinebit mensam parare, mensæq; providere necesseriâ, & ea hospitibus ministrare. Nec tantum Dominorum necessitatibus, sed etiam famulorum, iumentorumq; (secundum loci facultatem) benignè satisfaciât. Huic si opus habuerit, socius & ipse diligens, ac pius dabitur.

3 Nec non illis Sacerdos, qui associet hospites in Ecclesiam, perque Eretrum, ut fieri solet deducat, atque reducat, nec ultra agat, nisi à superiore habeat in mandatis

Super

4 Super omnia tamen vnusquisq; eorum in suo Monasterio sagaciter attendat, ne in aliquo Peregrinos offendat sed potius, tam verbis, quam tactis eos ædificare nitatur, pietatis virtutisq; exemplis coram ipsis semper insistendo:

5. Eisdem & Ministris (quia hodie ob varias occupationes officiorum, rerumq; domesticarum) Prior non potest, tam manuum, quam pedum lotioni incumbat. hoc addito, quod ad pedum lotionem præter versiculū. Suscepimus Deus &c. Psalmum. misere: vel alios, siue Hymnos addant. si quis autem hanc pedum lotionem prætermiserit, semel in pane & aqua ieiunet.

6 Discedentibus hospitibus itineris, directio si alias ignotant, negari minimè debet.

7 Caueant autem Priores, ne in suis locis Banditos, ære alieno grauatos: vel alia ex causa sæculari Curie obnoxios (nisi coacti fuerint) hospitio recipiant, qui secus fecerit secundum culpæ grauitatem puniatur.

Si debeat Monachus literas, vel
Eulogia suscipere.

CAPVT LIV

Nullatenus liceat Monacho nec à parentibus suis, nec à quouiam hominum, nec sibi literas, aut eulogia, vel quelibet munuscula accipere, aut dare sine præcepto Abbatis sui. Quod si etiam à parentibus suis ei quidquam directum fuerit, non præsumat suscipere illud, nisi prius indicatum fuerit Abbati, quod si iusserit suscipi, in Abbatis sit potestate, cui illud iubeat dari,

*dari & non contrisletur frater, cui fortè directum fuerat, ut non
detur occasio Diauoli: Qui autem aliter præsumpserit, disciplina
regulari subiaceat.*

Constitutio

1 **C**VM violatio huius Capituli, sine vitio proprietatis atq; inobedientiæ esse non possit, ideo strictè omnino in eo contenta inuiolabiliter obseruentur in litteris dandis seu recipiendis, quam munusculis hinc inde mittendis, vel in alijs quibuscunq; rebus præter fructus, qui mutuò inter Eremitas dari possunt.

2 Et ad maiorem paupertatis obseruantiam, prohibetur nè priores cuiquam Eremitæ petendi pecunias à parentibus, vel Amicis, sub quouis prætextu, ac colore etiam eleæmosynæ pro Missis ad singularia sibi comparanda, facultatem faciant. quod ita strictè prohibetur, ut is pro proprietario habeatur, qui huiusmodi eleæmosynis, particularia sibi emit, cum non possit superior talem licentiam impartiri. sed huiusmodi eleæmosynæ Cellerario consignentur, qui ad introitum, sicut rem emptam, ad exitum describat: Prior qui aliter permiserit, à Visitatoribus puniatur, & subditus proprietarij pœna mulctetur.

3 Quod ut facilius suum sortiatur effectum, teneantur Priores subditorum litteras antequam ad eorum manus perueniant aperire, ac legere, nisi fortè à Maiore, aut visitatoribus sint directæ, quas sub pœna circularis disciplinæ. aperire non possunt, si constet ab eis missas,

missas, quod facile innotescet, sin in fronte apparet M. aut V. sic interim Pater Maior, ac visitatores obseruabunt, vt vnus alterius litteras non aperiat

4. Sic pariter locorum superiores teneantur, vt supra legere, quas subditi scribunt Epistolas, & ad suum arbitrium mittent, vel retinebunt: subditi verò, qui fortituè mittent, sinè superiorum scientia, manifestata fraude, pro qualibet vice per decem dies, subtus omnes degradati maneant, dummodo grauis sit transgressio, quod arbitrio Prioris relinquitur, quod etiam in recipiendis Epistolis intelligatur.

5. Sic grauiter plectatur quilibet subditus, qui alterius priuati litteras referare præsumpserit, & multò grauius puniatur quicumq; sui Prioris Epistolas aperuerit: nec superior absente Priore illius aperire poterit nisi prius licentiam dederit.

6. Omnes Epistolæ in loco, vbi adest Pater Maior ipsi tradantur, qui suis sibi retentis, reliquas integras Priori transmittet, nisi ob rationabilem aliquam causam dicto Patri Maiori visum fuerit alicuius illius familiaris Epistolas aperire.

7. Nemo vti potest Congregationis, aut particularis loci sigillo, præterquam superiores respectiuè.

De vestimentis, vel calceamentis

Fratrum.

C A P. L V.

Vestimenta Fratribus secundum locorum qualitatem, vbi habitant, vel rerum temperiem dentur, quia in frigidis

gidis regionibus amplius indiget, in calidis verò minus. Hæc
 ergò consideratio penes Abbate sit. Nos tamen mediocribus lo-
 cis, sufficere credimus Monachis singulis Cucullam, & Tunicam,
 Cucullam in hyeme villosam, in æstate puram, aut vetustam, &
 Scapulare propter opera, indumeta pedum, pedules, & caligas.
 De quarum rerum omnium colore, aut grossitudine non causentur
 Monachi, sed quales inueniri possunt in Prouincia in qua habi-
 tant, aut quo vilius comparari potest. Abbas autem de mensu-
 ra prouideat, ut non sint curta ipsa vestimenta utentibus eis,
 sed mensurata; Accipientes noua, vetera semper reddant in pra-
 senti deponenda in vestiario propter pauperes, sufficit enim Mo-
 nacho duas Tunicas, & duas Cucullas habere propter noctes, &
 propter lauare ipsas res. Iam quod superfuerit, superfluum est,
 & amputari debet: & pedules, & quodcumq; est vetustum red-
 dant, cum accipiunt nouum. femoralia hi, qui in via diriguntur
 de vestiario accipiant, qui reuertentes lota ibi restituant: etiam
 Cuculle, & Tunicæ sint aliquantò, his, quas habere soliti sunt,
 meliores quas exeuntes in viam accipiant de vestiario, & re-
 uertentes restituant. Stramenta autem lectorum, sufficiant mat-
 ta, sagum, lena, & capitale, qui tamen lecti frequenter ab Ab-
 bate scrutandi sunt, propter opus peculiare, & si cui inuentum
 fuerit, quod ab Abbate non acceperit, grauissime discipline sub-
 iaceat. Et ut hoc vitium peculiare radicinius amputetur, den-
 tur ab Abbate omnia, quæ sunt necessaria, idest Cuculla, Tunica,
 pedules, caligæ, brachile, cultellus, graphium, acus, mapula, ta-
 bulæ, ut omnis auferatur necessitatis excusatio. A quo tamen
 Abbate semper consideretur illa sententia actuum Apostolorum,
 quod dabatur singulis, prout cuiq; opus erat. Ita ergò, & Abbas
 consideret infirmitates indigentium, non malam voluntatem In-
 uiden-

evidentium. In omnibus tamen Iudicijs suis Dei retributionem cogitet.

Constitutio.

1. **P**Rior, ac Cellerarius specialiter curabunt, ut pannorum prouisio, & eorum omnium, quæ ad hoc necessaria sunt, congruo fiant tempore, ita ut antè Sanctorum omnium solemnitatem, aut ad sumnum Sancti MARTINI Eremitarum quilibet, vestes, quibus indiget, recipiat.

2. Et ad hoc de mense Augusti per Priorem tam Cellæ, quam fratres visitentur, inquirendo, & inuestigando, quod unicuiq; loco, personæ ué desit, indè memoriale diligenter conficiendo. Nemo tamen Prælati, aut Ministris molestus sit, antè tempus, sed patienter expectet, donec eorum negligentia manifesta fiat, & tunc necessitate constrictus, humiliter, quæ sibi desunt, poscat.

3. Cuncti itaq; nostræ Congregationis Eremitæ albi coloris amictum sinè aliqua admixtione deferant, quo per uestium candorem, animi innocentiam præferant quam habere debent.

4. Indumentorum materia vilis, rudis, paruiq; pretij semper quærenda est, puta leuidensa, quæ rasciam mulionum vulgò, seu selauonica dicitur, ex qua Tunnicellæ, & Scapularia fiant, quæ cuiuslibet annis singulis dari consuevit.

5. Tunnicella ad dimidium Tibiarum descendat. Scapularium verò quatuor digitorum altius tunica dependeat, cui circa collum cucullus confusus sit. T 2 6.

6. Tunica item ex panno rudi, ac stricto singulis danda est, licet non quotannis, sed quando Prælatus opus esse iudicabit, quæ pro choristis vsq; ad talos protrahatur, pro conuersis quatuor digitorum breuior sit.

2. Pallium quoq; ex rudi, ac villoso griso, indigentibus, non omnibus dandum, palmo tunica breuius, ligneo globulo antè pectus clausum.

8. Habeat insuper aliud pallium vetustum ad commodum lotionis, cui ratione itineris, vel pluviæ adnecti poterit, Caputium, dummodo dictum Caputium in choro, Ecclesia, aut Refectorio non appareat, quodq; nunquam à pallio seiunctum gestare possunt Eremitæ.

9. Eiusdem rationis, ac formæ Conuersorum pallium cum Caputio erit, sed eorum tunica palmo breuior

10. Conceditur etiam volentibus alia vestis, vulgò guardacuore, ex Tunicarū panno, qua subtus vtimur, ad genua vsq; descendens: cuius vice si quispiam maluerit Tunicellam, poterit Prior concedere.

11. Dentur etiam tibialia, vulgò Calzette, quæ paulo supra genua protrahantur, quia femoralia non permittuntur Eremitis, quāquam campestria vulgò mutandæ ex tela lineatantum subtus aperta concedantur.

12. Habeant insuper singuli vdones, siuè pedules (vulgò scarpini) ex griso, seu lazza, rudissimo panno, ac punctas secundum consuetudinem: & cingulū ex ora panni, quo super Scapulare Professi, Nouitij subtus cingantur, & conuersi ex corio, cum annulo ex offe ad maioris digiti latitudinem, & Scapularis longitudinem.

13. Cala-

13. Calapodia lignea tecta, quæ pro calceis, crepidi-
disuè succedunt, quoties opus erit. Si etiam unicuiq;
pars calceorum, qui non sint nimis alti, more Eremiti-
co. Possunt etiam Eremitæ habere albos galeros, sed
non ex fina lana, seu pretiosa, sed ordinaria, & commu-
ni, caueantq; ne solo vnquam bireto vtantur.

14. Strictè prohibetur nè chirothecas, ocreas, vel a-
liquod aliud vestium genus induere, siuè gestare aude-
ant, volentes insuper (iuxta regulam) vt nouis vesti-
bus receptis, illico vetera Dispensatori restituantur,
benignè propter munditiam indulgentes, vt duas subu-
culas, duas tunicas nouam scilicet, & veterem, duo si-
militer Scapularia cum duobus biretis, ac geminatum
par punctarum, nec aliud duplicatum habeant, nec
vnquà tela pro pedulis, nec subtus tibialibus vtantur,
nisi pro marsupio iuxrà nostrum antiquum vsum, nec
ante, vel in fæmoralibus ad sæcularium morem.

15. Ex eodē panno ac rascia induantur oblati, sed ho-
rum Tunica habeat os citrà collum erectum, & Scapu-
lare sinè Caputio supra datur Tunicam, ea quatuor
digitorum breuius, & corio sicuti conuersi cingantur,
eorum pallium erit sicuti conuersorum, sed breuius.

16. Qui oblatorum habitus quouis quæsito colore
ac prætextu nec causa deuotionis concedi possit.

17. Peritum ergo in arte sartoria eum esse oportet,
cui hoc munus delegatur (ad quod munus nullus sæ-
culariū admittatur, nisi in Tibialibus scindendis, siue
disuè) in scindendis vestibus iusta seruetur mensura, in
dandis æqualitas, neminem contristando: Quod si non
fecerit per Priorem, aut eò negligente, per visitatores,

corri-

corripiatur, atq; puniatur. Quæq; in vestibus emendentur, & in debitam formam reducantur. Neq; vestibus nouis induantur Eremitæ, nisi à Priore, vel superiore prius benedictionem acceperint.

De Mensa Abbatis.

CAP. LVI.

Ensa Abbatis cum hospitibus, & Peregrinis sit semper, **M**quoties tamen minus sunt hospites, quos vult de fratribus vocare, in ipsius sit potestate, seniorum unum tamen, aut duos semper cum fratribus dimittendos procuret propter disciplinam.

Constitutio.

I. QVoniam apud nos neq; Priores, neq; etiam Pater Maior, propriam Mensam habent, sed vna, & eadem est illis cum ministris, ac seruientibus ciborum portio, soli q; sicut cæteri omnes, in priuata cella manducant. Ideò quæ hic iubet Sanctus Pater, nec obseruare possunt, cum penitus vsui Eremitico contraria existant. Minus etiam cum Peregrinis, hospitibus uè esse conuenit Mensam Prælatorum nostrorum, cum hodiè frequentia aduentantium vix dinumerari queat, nisi hospes Prælatus Religiosus, aut vir insignis fuerit; tunc enim cum illis in hospitio poterunt manducare, charitatis, ac reuerentiæ causa.

De Artificibus Monasterij.

Artifices si sunt in Monasterio, cum omni humilitate, & reuerentia faciant ipsas artes si tamen iusserit Abbas. **T**3 Quod

Constit: Eremiticæ,

151

Quod si aliquis ex eis extollitur, pro scientia artis suæ, eo quod videatur aliquid conferre Monasterio, hic talis euellatur ab ipsa arte, & denuo per eam non transeat, nisi fortè humiliato, eè iterū Abbas iubeat. Si quid verò ex operibus artificum, venundandum est, videant ipsi per quorum manus transigenda sunt, nè aliquam fraudem præsumant inferre. Memorentur Ananie & Saphiræ, ne fortè mortem, quam illi in corpore pertulerunt, hanc isti, vel omnes qui aliquam fraudem de rebus Monasterij fecerint in Anima patiantur. In ipsis autem pretijs non subrepat auaritiæ malum, sed semper aliquantulum vilius detur, quam ab alijs secularib9 datur, vt in omnibus glorificetur Deus.

Constitutio.

AD huius Sanctæ Regulæ obseruantiam, statuitur, vt nemo in scio Priore artē aliquam exerceat, & quid quid Eremitæ fecerint, siuè Coronas, siuè coclearia, aut aliud superiori deferant aut de eius mandato Cellario in communem dispensam deferendum, nec cuiquam promittere, multò minus donare, aut vendere sine expressa Prioris licentia. Et qui aliter fecerint grauius puniuntur iuxta culpæ qualitatem, & in hoc inuigilet Prior, ita vt infallibiliter obseruetur.

De disciplina suscipiendorum fratrum.

CAP. LVIII.

Noniter veniat si quis ad conuersionem, non ei facilis tribuatur ingressus; sed sicut ait Apostolus, probentur Spiritus si ex Deo sunt. Ergò si veniens perseuerauerit pulsans; & illatas sibi iniurias, & difficultatem ingressus, post quatuor, aut quinque dies, visus fuerit patienter portare, & perfi-

persistere, petitioni suæ, annuatur ei ingressus, & sit in Cella Hominum spiritum paucis diebus; postea autem sit in Cella Nouitiorum, ubi meditetur, & manducet, & dormiat.

Constitutio.

1. **A**D hanc considerationem probationem uè, quam in recipiendis Nouitijs hic Pater Sanctus requirit, multa sunt hodiè attendenda quorum primum sit ætas, nam minores viginti annorum inceptorum, aspectuq; puerili aut maiores quadraginta quinque ad Eremiticam vitam tanquam insufficientes, ac debiles recipi non possunt, licet in maioribus per Capitulum Generale, usq; ad quinquagesimum dispensari possit, quæ ætatis ratio, & in Oblatis habenda est.

2. Diligenter inquirantur; an sint Rei, aut delictorum commissorum suspecti, pro quibus iam cõdemnandos fore timetur, si supra vires ære alieno grauati, aut ratiocinijs reddendis alicuius administrationis obnoxij, ita ut per hoc lis mota, vel mouenda dubitetur, & ut non sæculi humaniui respectu, sed ex deuotionis, spiritus uè feruore, sponte Religiosam vitam eligant, iuxta Bullam Sixti V. eiusquè moderationem. Matrimonio quoquo modo obligati, manifesta infamia notati, ac hæreseos suspecti, omninò excludendi sunt; Perquiratur & diligentissimè de eorum legitimis natalibus, moribus, vitæq; antea actæ.

3. Postremè professi alterius Religionis non recipiantur, nisi habita prius informatione vitæ, ac morum eorum, ac licentiæ petitiæ, licet non obtentiæ suorum.

Supe.

Superiorum: & quod non discedant ab eorum Religione ob malas satisfactiones; se maioris perfectionis desiderio, cautè tamen, ac prudenter procedendum, ita vt solummodo Capitulum Generale tales Professos, Nouitiosuè recipere queat.

4. Si quis recipiatur, qui non manifestauerit se fuisse Nouitium alterius Religionis, aut aliquam grauem, incurabilem, aut contagiosam infirmitatem tacuerit, & si talis profiteatur, eiiciatur, tanquam professus contra voluntatem vocalium, qui receperunt, seruata tamen forma sacri Concilij Tridentini *Cap. 19 Sess. 25. de Regularibus*, & declarationi Sacre Cōgregationis supradicti Concilij 23. Ianuarij 1666. quod tunc procedit, quando in Capitulo pro habitu suscipiendo, professioneuè emittenda, interrogatus, ac intimatus fuerit, suam professionem fore nullam, si quid ex supradictis negauerit, quæ protestationes, ac intimationes, semper in libro actuum Capitulariū Eremita scribi registrentur.

5. Cessantibus igitur impedimentis, congregentur simul Patres, Maior, Prior, Visitatores, ac Nouitiorum Magister, aut eorum maior pars, absentibus alijs, ita vt minoris partis absentia, non præiudicet: In alijs verò locis, vbi non fuerit Pater maior, eodem modo Prior, Nouitiorum Magister, ac duo Sacerdotes ad hoc à Capitulo conuentuali spectaliter electi insimul conueniant, & coram eis Nouitius constitutus, diligenter citra scientiam (si ad Clericatum assumendus erit) ad quem gradum nemo, nisi sufficienter latinam calleat linguam non admittatur, & de alijs vt supra.

6. Qui verò in Cōuerforum Classē ascisci debent, & ipsi de ingenij vigore, & industria, & aptitudine, imò promptitudine ad obedientiam, de corporis viribus, sed super omnia tam Clerici, quàm Conuersi, de spiritu, an ex Deo sit, ac mundum ex deuotione, perfectionisque zelo mundo renuncient, an verò leuitas, vel necessitas aliqua de mundo depellat, interrogetur: si uerunt Religionem, si ad toleranda aduerſa, & ad obediendum prompti sunt.

7. Item prudenter, ac sagaciter, qui ingredi cupit Religionem, interrogetur, an aliquam habeat secretam infirmitatem, si Parentes filij, aut sorores sua præsētia, ac industria egent. Manifestentur ei difficultates, laboresq; quos in Religione passurus est, at si ita examinatus idoneus, liber, & constans à supradictis Patribus inuētus fuerit, & approbatus, tunc conuocato Capitulo cōuētuali, ipse Pater maior, vel eo absente, idem Prior proponat, ac calculis de more iactis, si maiore partem obtinuerit, electus intelligatur, atq; inter Nouitios in Nouitiatu admittatur, quod si secus, honestè dimittatur.

8. Semel verò receptus à Gērali, vel Cōuentuali tantum Capitulo, non autem à quouis Prælato eiſci potest.

9. Ita prima receptio, non statim ad habitum susciendum factam intelligatur, sed solum ad probationem quadraginta dierum, quibus elapsis, tunc noua Capituli approbatione habitus ei concedatur, habita prius à Patribus Maiore, ac uisitoribus uenia, quibus primò qualitatis Nouitij informatio transmittatur.

10. Interim prædicta quadragenaria probatione duran-

durante, antequam proprijs vestibus exuatur vt S. Pater monet, Regulam hanc cum constitutione diligenter perlegat, aut si litteras nescit, ab alio legatur, aut summarie substantialia innuentur. Qui accurate attendere curet, quid sibi faciendum, ac adimplendum est, in eò gradum, ad quem admissus est; & pluries ei dura, & aspera, quæ sustinere debet replicentur, nè amplius ignorantiam valeat allegare.

11. Nec ignorare fas est si in eo statu, seu gradu ad quem semel assumitur, perpetuò esse mansurum, aut saltem ad altiorem nunquam sibi ascensum esse futurum, quamquam ad inferiorem descendi (quale est è Clerico conuersum fieri) plena reseruetur Capitulo Generali dispensandi auctoritas.

12. Præterea antè habitus susceptionem, Nouitius Generalem Confessionem cum suo Magistro faciat, aut cum alio ex expositis Patribus ad maiorem libertatem confessionis. Quibus omnibus, & singulis, feliciter cum Dei adiutorio expeditis, noua Capituli approbatione præmissa, habitus ei more solito tradatur, vt supra dictum est.

13. Ex decreto Sanctæ Memoræ Alexandri VII. quolibet quarto mense Nouitius in Capitulo Conuentuali calculis exponatur, vbi si maior suffragiorum pars contraria fuerit, dimittatur; si verò maior pars propitia, ac fauens, aut etiam æqualis existat, prosequatur suum Nouitiatum, quod de duobus intermedijs scrutinijs intelligatur; In approbationibus autem ad habitum, & professionem, maior pars fauorabilis omninò esse de-

bet; dicta autem duo intermedia scrutinia fieri solent pro omnibus Nouitijs simul, licet non omnes in quarto existant mense, secundum discretā prudentiā Patris maioris, aut Prioris respectiuè, dum modo dicta tria scrutinia præcedant.

14. Oblati à Capitulo Conuentuali recipiuntur, præmissā licentia Patris maioris, ac visitatorum, quolibet tempore, & loco, vbi sub disciplina alicuius Patris maneant, quousq; religiosos mores, & quæcunq; ad verum Christianum, necessaria sunt ad salutem animæ didicerint. Habeatur tractatus prius, ac diligens fiat inquisitio de eorum vita, ac moribus, atque etiam de valetudine, corporisq; viribus, ac si aliquo impedimento detineantur.

15. Qui postquam annum expleuerint in habitu Religionis, non nisi à Capitulo Generali, Dietæ, aut Patris maioris, ac Visitatorum, & ex graui admodum causa expelli possint, licet ad eorum beneplacitum redire, possint ad sæculum.

16. Cum benè se in Religione gesserint, post septennium in Conuersorum numerum à Capitulo generali coaptari possunt, ex sola tamen gratia, ac beneplacito dicti Capituli Generalis. Et sciendum quod quando pro Conuersis proponuntur, si maior pars votorum fauorabilium deficeret, non idèò à Religione excluduntur, sed vt prius, oblati, remaneant.

17. In eorum insuper ingressum publico mediante Instrumento Deo se offerent, Religioniq; gratis seruire promittent, renunciantes eorum medio iuramento cui-
cunq;

cunq; mercedi; aut remunerationi pro laboribus exhibitis; qui verò tale noluerint conficere instrumentum, reijciantur; At si aliqua in ingressu Religionis dederint siuè mobilia, siuè immobilia, siuè pecunias numeratas in discessu singula sinè fructibus restituantur. Si quis oblatus sponte exierit, vel à Religione licentia- tus fuerit, numquam recipiatur.

18. Non possunt Oblati pecunias, aut rem aliquam propriam penes se retinere, sed omnia apud Cellerarium ad conseruationem deponantur, vt suprâ, & si bona stabilia possideat, non faciat fructus suos, donec in Religione vixerint, sed intra primum annum de bonis, ac fructibus ad eorum libitum disponere teneantur, quia in Religione nihil proprium habere possunt.

Sequitur Regula.

¶ T Senior ei talis deputetur, qui aptus sit ad lucrandas animas, qui super eum omnino curiose intendat, & sollicitus, si vere Deum querit, & si illicitus est ad opus Dei, ad obedientiam, ad opprobria.

Constitutio.

1. **A**D Sancti Patris Doctrinam adimplendam statuitur, vt Nouitiorum Magister solum à Capitulo Generali eligatur, qui non iuuenis, sed senex nondum ætate, sed morum, scientiâ, in incessu grauis, ac in omnibus suis actibus exemplaris, Sanctique silentij amator, atq; in Religione saltem per quadriennium versatus, nisi aliter iustis de causis Capitulum Generale decreuerit, & sit alios docere Peritus.

2. Attendat is semper discipulos suos ad perfectionem spirituales promouere eorum naturales affectus, corruptasq; consuetudines cum charitate, verbis, monitionibus retundere, mortificare, radicitusq; assiduis correctionibus euellere, nec non vitiorum loco, virtutes, ac maximè vtilitatem, obedientiam plantare. Instruat deindè eos in his, quæ ad diuinum cultum pertinent, tum in horis Canonicis ritè secundum Regulas Breuiarij persoluendas, tum in solitis cæremonijs, cum humili gestu, & modestia, sollicitudine, deuotioneq; obseruandis, tum etiam in solitudine Cellæ, in oris custodia visus modestia, strenuè retinendis. Et in reliquis omnibus, in quibus internus, extrinsecusq; veri Religiosi ornatus consistit, ac præcipuè instruat in oratione mentali,

3. Præterea ad minus semel in die eos, & Cellas eorum visitabit, & eis oportunis temporibus necessaria præbebit, & curam animarum eorum sollicitè geret, atq; sæpè aliquo exercitiò spirituali eos depascet. Post completorium tandem illis cõuocatis, seorsum eorum culpis (prout ipsi de omnibus defectibus illa die commissis, eas dicere tenentur) auditis, pænitentijsq; iniunctis necessaria monitiuncula præmissa, eos benedicat: Benedictio Dei Patris omnipotentis &c.

4. Meminerit autem perpetuò Nouitiorum Magister, tales omnino suos discipulos futuros vsq; ad mortem, quales ipsi suis instructionibus, & exemplis tempore probationis effecerit, sciens vberem à Deo mercedem suorum laborum, recepturum.

5. At

5. At è contrà si non reat se habeat, possit loci Prior, cum duorum ex Senioribus Patribus, interuentu, illum ab officio suspēdere, & alium in eius locum subrogare, donec superiores aliter prouiderint.

Sequitur Regula.

P Radicentur ei dura, & aspera, per quæ itur ad Deum, & si promiserit de stabilitate sua perseverantia post duorum mensium circulum, legatur ei hæc regula per ordinem, & dicatur ei. Ecce lex, sub qua militare vis, si potes observare, ingredi, si verò non potes liber discede, si adhuc steterit, tunc ducatur in supradictam Cellam Nouitiorum, & iterum probetur in omni patientia Et post sex mensium circulum, relegatur ei Regula, ut sciat ad quid ingreditur, & si adhuc stat post quatuor menses iterum relegatur ei eadem Regula, eisi habita secum deliberatione promiserit se omnia custodire, & cuncta imperata servare: tunc suscipiatur in Congregatione, sciens se sub lege Regulæ constitutum, quod ei ex illa aie non liceat egredi de Monasterio, nec collum excutere de sub iugo regulæ, quam sub tam morosa deliberatione, licuit recusare, aut suscipere. Suscipiendus autem in oratorio coram omnibus promittat de stabilitate sua, & conversione morum suorum, & obedientia coram Deo, & Sanctis eius, ut si aliquando aliter fecerit, à Deo se damnandum sciat, quem irridet. De qua promissione sua, faciat petitionem ad nomen Sanctorum, quorum Reliquie ibi sunt, & Abbatis presentis quam petitionem manu sua scribat, aut certè si non scit litteras, alter ab eo rogatus scribat, & ille nouitius signum faciat, & manu sua, eam super Alta-

re po-

re ponat. Quam cum posuerit, incipiat ipse Nouitius mox hunc versum, *Suscipe me Domine secundum eloquium tuum, & viam, & non confundas me ab expectatione mea.* Quem versum omnis congregatio tertio respondeat, adiungentes, *Gloria Patri &c.* Tunc ipse frater Nouitius prosternatur singulorum pedibus, vt orent pro eo, & iam ex illa hora in Congregatione reputetur.

Constitutio.

Postquam per annum varijs exercitijs, ac correctionibus probatus est Nouitius, ac in suo gradu probè exercitatus, tunc iterum legat, aut legatur ei regula, & Constitutiones, vt supradictum est, vt plenius deliberare valeat, velit ne discedere, vel perseverare. Quod si interrogatus constans inuentus fuerit, si Capitulo, audito ab ipso Magistro, & alijs de eius moribus & in Religione progressu, discussione facta, eum tanquam idoneum, ac benemeritum, ad Professionem admiserit, præmissa iterum confessione Generali saltem illius anni, profiteatur, secundum formam in fine constitutionum appositam. Quam professionem ipsemet Nouitius manu propria subscribat, præsentibus duobus testibus sæcularibus, siuè fratribus, qui pariter se subscribant. Quæ professio intelligatur semper facta ad præscriptum Sanctæ Regulæ ac nostrarum Constitutionum sub eadem vita Communi, ita vt nunquam sic professus ex quauis antiqua consuetudine prætereundum se liberum, ac immunem ab vlla, vel minima obseruantia his in constitutionibus expressa, qui vsus, ac consuetudines forsan introductæ, abusus, ac corruptelæ nominentur.

Sequi-

Sequitur Regula.

Res, si quas habet, aut erogat prius pauperibus, aut factâ solemniter donatione conferat Monasterio. Nichil sibi reservans ex omnibus, quippe qui ex illo die, nec proprij corporis potestatem se habiturum sciat. Mox ergo in oratorio exuatur rebus proprijs, quibus vestitus est, & induatur rebus Monasterij. Illa autem vestimenta, quibus exutus est, reponantur in vestiario conseruanda, ut si aliquando suadente Diabolo, consenserit, ut egrediatur de Monasterio, (quod absit) tunc exutus rebus Monasterij projiciatur: illam tamen petitionem, quam desuper Altare Abbas tulit, non recipiat, sed in monasterio seruetur.

Constitutio.

1. **V**Thæc Regulæ dispositio sincerus sortiatur effectum, vestes, ac pecuniæ, & quæcunq; secum attulit Nouitius, illico suscepto Religionis habitu, penes Cellerarium in custodiam, & conseruationem deponantur. Quæ res nullò modo antè eius professionem, nequè à superioribus, neque à Cellerario, nec ab ipso etiam Nouitio, vel eius iussu, ab ipsa dispensa extrahi, nec distrahi debent quocunq; nomine, vel prætextu venditi, vel commodati, nec eleemosynæ quidem, sed ipse Nouitius ante professionem de rebus suis plenè, ac liberè disponat.

2. Nec ab eo quisquam pro se, vel pro alijs petere audeat quidquam, sub pænâ circularis disciplinæ, quam etiam incurret, qui petere suggererit, vel antè professionem aliquid de eius rebus disposuerit.

3. Attamen si ipse de rebus suis, disponere recusaue-
rit, aut certè uoluerit, eo casu quæcunq; ex eius spolijs
remanent, in usum Ecclesiæ cōuertantur, in ornamen-
tis scilicet Altarium, ac sacrarij; idem de eleæmosynis
in Ecclesiâ relictis obseruandum.

4. Quæ omnia si quis ad alium usum conuerterit, ter
in pane & aqua ieiunet, & legata Congregationi relictâ,
non nisi in usum à Benefactore statutum, conuertantur.

5. Quoad verò ad acceptationem missarum perpe-
tuam, obseruetur omninò decretum Sac. Congregati-
onis Concilij de celebratione Missarum, suisq; congru-
is temporibus adimpleantur, & missæ quotidianæ non
recipiatur, si congruo tempore adimpleri non possunt.
Nec anticipatè pro personis, aut eleæmosynis incertis
applicentur: nec obligentur Sacerdotes continuò ce-
lebrare, sed bis in hebdomada secundum eorum inten-
tionem, & quinq;, quæ restant ad superioris intentio-
nem, secundum quam tenentur celebrare: qui duo di-
es non habeant in hebdomadis, in quibus Eremiti obli-
gationibus satisfacit.

6. Si autem aliquis Nouitius mendax inuentus fuerit
circa sua graua propalanda impedimenta, antè profes-
sionem expellatur; at si post professionem detegatur,
grauiter puniatur; dummodo professio nulla non sit.

De Filijs Nobilium, vel Pauperum qui offeruntur.

CAP. LIX.

Si quis

Si quis forte de Nobilibus offert filium suum Deo in Monasterio, si ipse puer minori etate est, parentes eius faciant petitionem, quam supradiximus, & cum oblatione ipsam petitionem, & manum Pueri inuoluât in palla Altaris, & sic eum offerant. De rebus autem suis, aut in presenti petitione promittant sub iurciurando, quia nunquam per se, nunquam per suspectam personam, nec quolibet modo ei aliquando aliquid dent, aut tribuant occasionem habendi. vel certè si hoc facere noluerint, & aliquid offerre voluerint in eleemosynam Monasterio pro mercede sua, faciant ex rebus, quas dare volunt Monasterio donationem, reseruato sibi (si ita voluerint) usu fructu; atq; ita omnia obseruantur, ut nulla suspicio remaneat puero, per quam deceptus perire possit (quod absit) quod experimento didicimus: Similiter autem, & pauperes faciant. Qui verò ex toto nihil habent simpliciter petitiones faciant, & cum oblatione offerant filium suum coram testibus.

Constitutio.

Cum dictum sit suprà, solum maiores viginti annorum in nostra Congregatione recipi posse, non est, quod hic de impuberibus, minoribusue tractemus.

De Sacerdotibus, qui voluerint in Monasterio habitare.

CAP. LX.

Si quis de ordine Sacerdotum in Monasterio se suscipi roauerit; non ei quidem citius assentiatur. Tamen si omnino perstiterit in hac supplicatione, sciat se omnem Regulæ disciplinam seruaturum, nec aliquid ei relaxabitur, ut sit, sicut

scriptum est. Amice ad quid venisti? concedatur ei tamen post Abbatem stare, & benedicere, aut missas canere, si tamen iusserit ei Abbas, sin alias, nullatenus aliqua presumat. Sciens se disciplina Regulari subditum, & magis humilitatis exempla omnibus det si forte ordinationis, aut alicuius rei causa fuerit in Monasterio, illum locum attendat, quando ingressus est Monasterium, non illum, qui ei pro reuerentia Sacerdoti concessus est. Clericorum autem si quis eodem desiderio Monasterio sociari voluerit, loco mediocri collocetur, & ipse tamen si promittat de obseruatione Regulae, vel propriae stabilitate.

Constitutio.

1. Sacerdotes qui animo perseverandi in nostram Congregationem venient, simul atq; habitum Eremiticum susceperint, super omnes Clericos, sub tamen omnes Sacerdotes non solum professus, sed etiam Novitios collocantur. At Clerici cum Presbyteri essent fuerint, supra dictos Sacerdotes, locum recuperabunt.

2. Novitij Sacerdotes non fungantur officio hebdomadarij in Choro, nec in Altari Conventualem missam celebrare: & ad minus trium annorum spatio omnes functiones, quas faciunt Clerici Professi, exerceant, nec in alijs, quam Clericorum obediens imitceantur.

3. At Clerici cuiusvisq; gradus, licet Diaconi existant, post habitus suspensionem, nulli prius recepto Novitio praeceant, sed donec Sacerdotes fiant, inferiorem locum retineant.

4. Sacerdotes illi, qui ex devotionis, vel alterius rei causa Eremos nostras inuisant, dum ibi commorantur,

si Epi-

si Episcopi aut Prælati sint, in omni loco præcedant Priores. Reliqui verò Præsbyteri, qui aliqua dignitate Ecclesiastica, scientiâ, vel nobilitate possunt, superioribus utiq; cedere solent, reliquis omnibus prære.

4. Id ipsum in Religiosis viris hospitibus observari solet. Demum hæc hospitum & insignium personarum promotio, absolutè ex superioris arbitrio pender.

De Monachis Peregrinis qualiter suscipiantur.

CAP. LXI

¶ I quis Monachus Peregrinus de longinquis Provinciis supervenerit; si pre hospite voluerit habitare in Monasterio, & contentus fuerit consuetudine loci, quam inuenit, & non fortè superfluitate sua perturbet Monasterium, sed simpliciter contentus est quod inuenit, suscipiatur, quanto tempore cepit. Si qua sanè rationabiliter, & cum humilitate charitatis reprebenant, aut ostendant, tunc ab Abbas prudenter, nè fortè eum propter hoc ipsum Dominus dixerit. Si verò postea voluerit stabilitatem suam firmare, non recedatur talis voluntas, & maxime quia tempore hospitalitatis, potuit eius vita dignosci. Quod si perfluit, aut vitiosus inueniatur fuerit tempore hospitalitatis, non solum non debet restare in Monasterio, verum etiam indicatur ei huiusmodi, ut discedat, ne eius miseria etiam alii vitentur. quod si non fuerit talis, qui mereatur proijci, non solum si petierit suscipiatur, Congregatio sociandus, verum etiam si petierit, et per se huiusmodi exemplum offerantur, & quia in omni loco, cum Monacho suscipitur, cum Regi militatur. Quem si etiam talis profluxerit Abbas, liceat eum aliquantulum in

superiori constituere loco, non solum autem Monachum, sed etiam de supradictis gradibus Sacerdotum, vel Clericorum stabilire potest Abbas in maiori, quam ingreditur loco, si eius talem propperit esse vitam. Caueat autem Abbas ne aliquando de alio noto Monasterio, Monachum ad habitandum suscipiat sine consensu Abbatis eius, aut Litteris comendatitijs, quia scriptum est, quod tibi non vis fieri alteri ne feceris.

Constitutio.

Quomodo alterius Ordinis Religiosi apud nos recipiantur dictum est supra. Illi vero, qui ad nostras Eremos visuri accedunt, maximam charitate excipiantur, ac tractentur, tum quia Peregrini, tum quia Religiosi sunt: sed ultra triduum commorari non permittantur, ne ipsi in hospitio otio delitescant, & Domus expensis grauetur.

De Sacerdotibus Monasterij

CAP. LXII.

Nisi quis Abbas sibi Presbyterum, vel Diaconum ordinari petierit, de suis eligat, qui dignus sit Sacerdotio fungi: ordinatus autem caueat elationem, aut superbiam, ne quicquam presumat, nisi quod ei ab Abbate precipitur, sciens se multo magis discipulo irregulari subditum. Nec occasione Sacerdotij obliuiscatur Regule obedientiam, & disciplinam, sed magis, ac magis in Deum proficiat: locum vero illum semper attendat, quo ingressus est Monasterium, praeter officium Altaris, & si forte electio Congregationis, & voluntas Abbatis pro vite merito eum promouere voluerit, qui tamen Regulam à Decanis, vel Praepositis constitutam, sibi seruandam sciat. Qued si aliter per-

presumpserit, non ut Sacerdos, sed ut rebellis iudicetur, & sa-
pe ammonitus, si non correxerit, etiam Episcopus adhibeatur in
testimonium. Quod si nec se emendauerit, clarescentibus culpis,
proiciatur de Monasterio, si tamen talis fuerit eius contumaci-
a, ut subdi, aut obedire regulæ nolit.

Constitutio.

1. **C**Lericorum ad ordines promotio, solius Capituli
Generalis, vel Dietæ est facultas; præmissa dili-
genti, plenaque à Patribus visitoribus informatione,
an promouendus habeat requisita, qui Patres in actu
visitationis, vna cum loci Priore, exactè considerent
num sufficienti scientia sit instructus, tum mores scru-
tentur, ac præcipuè an in eo regnet humilitas.

2. Nullus ad Præbyteratum promouetur, nisi post
professionis quinquennium, licèt in hoc, si idoneam
personam iudicabitur, Capitulum Generale dispen-
sare possit.

3. Qui se ipsum promouere fecerit, absque Capituli
Generalis licentia, seu Dietæ suæ superioris, discipli-
na circulari muldetur, ab ordinibus suspendatur, ac
degradetur, maneat scilicet infra omnes alios professos
ordinatos. Qui autem absq, dictis facultatibus quem-
piam fecerit promoueri, circulari pariter disciplina, a-
lijsq; arbitrio superioris pænis puniatur.

4. Diligenter curabunt superiores, ut Clerici à Ca-
pitulo Generali, vel Dieta promoti, suis congruis tèm-
poribus ordinentur.

5. Antequam ad sacros ordines Clerici promouean-
tur,


tur, Priores diligenter in Sacramentorum doctrina versari faciant, eosq; qui Sacerdotio initiandi sunt, ut caeremonias casusue, qui evenire possunt, Theologiamq; moralem addiscant.

6. Quamvis Eremitæ nostri ex Pauli terrij facultate, prædicationis officio fungi possint; nemo tamen sine Capituli Generalis venia in praxim deducat.

7. Fratres Laici caueant ne causâ lectionis, negligentes ad obedientiam reddantur: Ideoq; statuitur, ut ex dictis nullus plusquam duos codices, ultra officium Beatæ Virginis, doctrinam Christianam, præsentisq; Constitutionis sub ieiunio in pane, & aqua retinere possit.

De ordine Congregationis.

CAP. LXIII.

rdines suos in Monasterio ita conseruent, ut conuersionis tempus, & vite meritum discernit, vel ut Abbas constituerit. Qui Abbas non conturbet gregem sibi commissum, nec quasi liberâ utens potestate, iniuste disponat aliquid, sed cogitet semper, quod de omnibus Iudicijs, & operibus suis redditurus est Deo orationem. Ergo secundum ordines, quos constituerit, vel quos habuerint ipsi fratres, sic accedant ad pacem, ad Communionem, ad Psalmum imponendum, in Chorum standum, ut in omnibus omnino locis ætas non discernatur in ordine nec præiudicet, quia Samuel, & Daniel pueri Præbyteros iudicauerunt Ergo exceptis his (quos, ut diximus) altiori consilio Abbas prætulerit, vel degradauerit, certis ex causis, reliqui omnes, ut conuertuntur, ita sint, ut

ut V. G. qui secunda diei horâ venerit, in Monasterio Iuniorem se nouerit esse illo, qui primâ hora diei venit, cuiuslibet ætatis, aut dignitatis sit. Pueris verò per omnia ab omnibus disciplina teneatur-

Constitutio.

1. CVM ex dignitate, seu antiquitate locorum sæpè prælatio descendere soleat Prælatorum. Sciendum est Sacram Montis Coronæ Eremum, totius Congregationis caput esse; postea Priores infrascriptarum Nationum Nouitiorum sequuntur. Ideò illi Prior S. MARIE de Rhua succedit, tertius S. MARIE Coronatæ, quartus Montis Argentini, sicquè alij iuxta locorum erectionem, ac antiquitatem.

2. Sic supremæ Congregationis Pater, Maior dictus, omnibus Religionis Prælatiis quocunq; loco, ac tempore præst, qui in prædicta sacra Eremo Montis Coronæ (nisi necessaria negotia aliò euocent) commorari solet.

3. Ibi duo visitatores ei continuè assunt, penes quos cum Patre maiore vniuersale totius Congregationis regimen consistit, & hi Prioribus præbunt omnibus in locis eorum residentijs exceptis, idest intrâ claustrum, in qua etiam præcedent, in actu visitationis.

4. Inter visitatores, qui primus est in electione præbuit, licet inferior professione fuerit.

5. Quilibet in illa Eremo Prior (licet alij ibi sint Prælati) omnes alios, ut in prædictum est, præcedet, qui tamen cum illis conveniunt, alter alteri iuxta ordinem,

ac prioritatem locorum suorum sibi inuicem cedunt, post hos Magister Nouitiorum collocatur.

6. Quicumq; alij Sacerdotes, Clerici, & Conuersi, aut oblati fuerint in casu præcedentiæ, tempus suæ professionis in hac Congregatione non alibi emissæ, obseruabunt.

7. Priores, ac visitatores hospites, omnibus locorum superioribus non graduatis, ac vice Prioribus antecellere consueuerunt: hoc autem quoad Mensæ, eiusq; benedictionem, ac Ecclesiasticarum functionum procedit, Salua semper Domus administratione, ac familiaræ superioritate superiori, ac vicepriori supradictis remanente.

8. Primam vtriusq; chori sedem, nemo, nisi proprii ipsius loci Prælatus occupabit.

Sequitur Regula.

¶ *Vniuersi ergo, Priores suos honorent, Priores Iuniores suos diligant. In ipsa autem appellatione nominum, nulli liceat alium puro appellare nomine, sed Priores Iuniores suos, fratres nominent. Iuniores autem Priores, suos Dominos vocent, quod intelligitur paterna reuerentia. Abbas autem, quia vices Christi agere videtur, Dominus, & Abbas vocetur, non sua assumptione, sed honore, & amore Christi. Ipse autem cogitet, & sic se exhibeat, ut dignus sit tali honore. Vnicuique autem sibi obueniant fratres Iunior à Priore benedictionem petat, transeunte maiore, Iunior surgat, & det ei locum sedendi, nec præsumat Iunior consedere, nisi ei præcipiat Senior suus, ut fiat, quod scriptum est; honore inuicem præuenientes. Pueri verò,*

verò, vel adolēcentes in oratorio, vel ad mensam cum disciplina ordines suos consequantur: foris autem, vel ubi custodiam habeant, & disciplinam usque dum ad intelligibilem etatem perueniunt.

Constitutio.

1. **E**X hoc regulæ textu, omnes Eremitæ addiscant, sēper Patri maiori genuflectere quoties eū alloquuntur, vel obuiam in Eremitio habent, sicq; tēpore Capituli Præsidenti, quod & ante Priorē loci in Cella tantummodo faciendum est, eodem modo Nouitij coram Magistro faciant.

2. At reliquis Sacerdotibus, ac Prælatiis, caput detegere, & humiliter se inclinare sufficit: Antiquioribus item semper inferior sedens assurgat, & capite aperto aliquantulum humiliter.

3. Et generaliter non solum Nouitij, Iunioresuē, sed omnes vicissim singulos à Regula præscriptos mores obseruabunt, uti sunt inclinationes, apertio capitis, ac alia signa ciuilia, ac reuerentiæ.

4. In nominandis, vocandisq; Patribus consueuit nostra Congregatio sic vocare, Pater maior, Pater Præsicens, Pater Prior, ac Sacerdotes simplices, Frater Romualdus &c. & omnes alij simpliciter vocentur, obliti quoque fratres, quæ simplicitas semper est obseruanda.

De ordinando Abbate.

CAP. LXIV.

IN Abbatis ordinatione illa semper consideratur ratio, ut hic constituatur, quem sibi omnis concors Congregatio secundum timorem Dei, siue etiā pars, quamuis parua Congregationis saniori consilio elegerit: vitā autem merito, & sapientiæ doctrina eligatur, qui ordinandus est, etiam si vitimus fuerit in ordine Congregationis. Quod si etiam omnis Congregatio vitijs suis (quod quidem absit) consentientem personam pari consilio elegerit, & vitia ipsa aliquatenus in notitiam Episcopi, ad cuius Diocesim pertinet locus ipse, vel Abbatibus, aut Christianis vicinis claruerint; prohibeant prauorum praualeere consensum, sed domus Dei dignum constituant dispensatorem, scientes pro hoc se recepturos mercedē bonam, si illud caste, & Dei Zelo faciant, sicut ē contrario peccatum incursum, si negligent. Ordinatus autem Abbas semper cogitet quale onus suscepit, & cui redditurus est rationem villicationis suae, sciatq; sibi oportere prodesse magis, quam praesse. oportet ergo cum esse doctum lege diuina, ut sciat, unde proferat noua, & vetera, castum, sobrium, misericordem, & semper superexaltet misericordiam iudicio, ut idem ipse consequatur, oderit vitia, diligat fratres. In ipsa autem correptione prudenter agat, & ne quid nimis, nedum nimis cupit eradere eruginem, frangatur vas, suamq; fragilitatem semper suspectam habeat, meminertq; calamum quassatum non conterendum. In quibus non dicimus, ut permittat nutriri vitia, sed prudenter, & cum charitate ea amputet, prout viderit vtiq; expedire (sicut iam diximus) & studeat plus amari, quam timeri. non sit turbulentus, & anxius, non sit nimis obstinatus, & non sit Zelotypus, & nimis suspiciosus, quia nunquam requiescet. In ipsis Imperijs suis sit prouidus, & consideratus, siue secundum Deum, siue secundum

secu-

seculum sint. Opera quæ coniungit discernat, & temperet, cogitans discretionem Sancti IACOB dicentis: si greges meos plus in unum ambulando fecero laborare, morientur cuncti uno die. Hec ergo itaq; testimonia discretionis matris virtutum sumēs, sic omnia temperet, ut sit, quod & fortes cupiant, & infirmi non refugiant, & præcipue ut præsentem Regulam in omnibus seruet: ut cum benè ministraverit, audiat à Domino, quod servus bonus, qui eregauit triticum conseruis suis in tempore suo. Amen dico vobis, super omnia bona constituet eum.

Constitutio.

1. **A** Ntè omnia Priorem, doctrinæ Sanctissimi Patris diligentem obseruatorem esse oportet, ut sibi ipsi consulere, gregiq; suo præesse sciat.

2. Cum primum ergo novus Prior in suam Eremitum deuenierit, singulorum Cellas visitet, ut sciat quid cuiq; concedere, quid uè negare debeat, ac deinde de domo sua ordinanda, ministrisq; eligēdis prouidè cogitabit; præmissa igitur admonitione, longaq; facta oratione, ipse cum alijs, ad quos elatio pertinet, per diem saltem præmeditabuntur, qui digni sint familiæ officiales.

3. Atque tunc conuocato de more Capitulo, & absolutis præteritis ab obedientijs suis, diligentes & timoratos rerum agendarum Ministros, solita calculatione constituent.

4. Quorum primus erit Sacrifista, secundus Bibliotecarius, tertius Scriba Capituli, quartus Archiuista, quintus Cenerarius, sextus Dispensator, septimus In-

firmarius, octauus Pistor, nonus Cellæ vinariæ custos, decimus fructuum distributor, vndecimus Coquus, duodecimus Ianitor, tertius decimus Hospitarius, quartus decimus Barbitonsor, quintus decimus Vestiarius, sextus decimus pannarius, decimus septimus ferramentarius, decimus octauus Hortolanus, decimus nonus Sylvarum custos. Facta autem prædicta electione antè Completorij lectionem, omnibus in Capitulo existētibus, eorum ordinatio distinctè legatur, qui omnes, & singuli obedientiam sibi iniunctam alacri animo, & absq; murmuratione amplectantur, & pro viribus adimplere conentur, scientes per obedientiam Deo suo gratos esse futuros. Quæ obedientiarum distributio, non solum cum Prior è Capitulo reuertitur, fiat, sed etiam quando completa fuerit Dieta.

5. Si numerus verò fratrum minor fuerit, bonas, vel plures obedientias Frater vnus Idoneus, & sufficiens habere poterit, & è conuerso vbi numerus abundat, vna, in duos si opus fuerit, diuidatur.

6. At si infra annū fortè aliquis, ob suas negligentias, vel defectus suos priuandus sit officio, novusq; sit constituendus Minister; tunc Prior cum consilio saltem seniorum rem exequatur.

7. Hoc ergò modò, dispositâ Domo, & ordinata familia, curet Prælatus sollicitè Pastoris boni more, frequenter suas oues recognoscere, eisdemq; salutare pacisculum præbere. Quod profectò fiet, si singulis Sabbathis (aut Sabbatho impedito) alio die, Capitulum, vt vocant culparum post primam tenuerit, in quo aliquæ

qua pia ad fratres exhortatio, ex quadam Sacræ scripturæ auctoritate, vel ex sequenti Dominicæ Evangelio, vel ex Regulæ Sanctæ. Constitutione, doctrina desumpta præmittatur. Prior omnino singulis Sabbathis Culparum Capitulum habere teneatur, nisi grauissima vrgeat causa, nec quia supradictum spiritualem discursum non parauerit, omittat, dupliciter enim erraret, si totum ob tam leue causam omitteret, qui verò ex Prioribus in hoc negligens fuerit, à Patribus visitatoribus puniatur.

8. Ac deinde specialiter, quæ in sequenti hebdomada seruanda, faciendæ sunt, annuncient, veluti festa ex præcepto, ieiunia vigiliarum, ac quatuor temporum, si anniuersaria dicenda, Communionem faciendam, Communem refectiõnem, obseruantiarum, officijq; mutationem cum dubiorum occurrentijs & sic de alijs, quæ accidere solent declaratione.

9. Constituat insuper, & omnia quæ ad regimen, & conseruationem Domus, atq; familiæ spectant, nec non generaliter omnes cum feruore hortetur ad obseruantiam Sanctæ Regulæ, ceremoniasq; adimplendas cum efficaci reprehensione defectuum commissorum, & exhortatione ad emendationem, ac Sancti propositi augmentum &c.

10. Nec obliuiscatur vnquam generaliter, Sanctam Ecclesiam, Animas defunctorum, Benefactores tam viuos, quàm mortuos, omnesq; in necessitate constitutos, & aliqua, quæ sæpè accidunt accidunt, fratrum orationibus fideliter commendare.

11. Nec

11. Nec (si hoc dies ipsa requirat) silentium dispensare prætermittat, & mox per suum quisque gradum, culpas, negligentias, transgressiones, & omnia, in quibus se errasse cognoscet, humiliter, ac genuflexus alta & intelligibili voce dicat, idquæ coram ipso Priore, facie tamen ad Altare versa, & cum breuitate secreta nihilominus peccata confessioni relinquens.

12. Professi, qui adhuc in Nouitiatu cum Nouitijs morantur primi erunt, qui statim dictâ culpa, omnes pariter foras egredi debent, sequuntur postea Sacerdotes secundum ordinem dignitatis, & Professionis, qui finitâ accusatione se toto corpore solotenus versa facie ad superiorem prosternant; ac tandiu sic maneant quousq; ipse signum dederit, quo auditò erigant se in genua, donec pænitentia data, alio signo dimittantur.

13. Superior verò circumstantijs rerum, ac personarum maturè consideratis, unicuiq; veluti proprium adhibeat medicamentum, frequentando potius pænitentias illas, quæ animum humiliant, quam quæ corpus affligunt, poteritq; mutare, & alterare, moderari, atq; in toto, vel in parte relaxare, taxatas in his Constitutionibus, & alias etiam imponere pænitentias, sicut melius viderit ad animarum salutem conducere.

14. Sit hoc in loco diligens Prior vnumquemq; admonere, vel corrigere iuxta demerita eorum, eisquæ debitam pænitentiam assignet, quam omnes fideliter adimplere sinè mora debent.

15. Non omittat superior negligentes, vel recusantes

santes ad Capitulū accedere per aliquem vocari, quos, nisi legitimam causam allegauerint, seuerè puniat.

16. Si reprehensus, vel correctus frater, de conscientia munda se purgare voluerit, semel audiat; at si post excusationem culpabilis remanet, duplex exinde reportet supplicium, nec quicquam moretur Prælati, quamuis eodem tempore reus, maiorem, aut supremum Tribunal appellet, sed his non obstantibus, quod agendum esse præviderit, securus exequatur.

17. Quod tamen in regularibus pœnitentijs procedit, at si pœnitentia grauis fuerit, vt puta disciplinæ circularis, aut carceris (dummodo non sit pro custodia, aut contumacia, aut vltra dies quindecim) si subditus appellauerit, Prior ad executionem non procedet, donec per se ipsum & per Reum superiori, cui appellatum denunciatum fuerit, ac per eundem causa cognoscatur.

18. Priores sicut & alij omnes (id quod nomen Eremitæ significat) adimpleant residentes iugiter in Eremo, rarissimè, nisi extrema cogat necessitas, exeant.

19. Rursus ad conseruationem rerum domesticarum patrimonij ipsius loci cum debita diligentia, curent Priores, scripturas, contractus, Instrumenta, Bullas Apostolicas, & quæcunq; ad rem faciunt habere, recuperare, & in quodam Archiuio, seu arca benè clausa, & custodita seruare, nec non & libellum conficiant, in quo contineantur summaria dictarum scripturarum, & Archiuistæ custodiâ seruentur.

20. Notent præterea, & secum habeant ea acta Capituli-

pitularia, quæ ad locum suum, & ad communes obseruantias pertinent. Describantur etiam omnia acta Capituli conuentualis cum suis circumstantijs dierum, & annorum.

21. Sit quoque in singulis Eremitis nostris, & alius libellus, in quo nomen, & loci Patriæ, dies ingressus, ac professionis, cuiusq; Eremitæ, præmissis nomine, ac cognomine, quo vocabatur antè habitus susceptionem: item fugitiuorum, expulsoꝝ, ac licentiatorum fiat memoria, quo facilius ab omnibus cognoscantur. Sic tandem, & Defunctorum nomina, & obitus dies diligenter notentur, pro quibus statim solitas preces fieri, & ab ipsius loci Priore cum diligentia alijs Societatis Prælati notificari debent, vt & ipsi suis in locis similiter faciant.

22. Sit item, & alius libellus, vbi annuatim acta Capitularia cuicunque Priori data, & in actu visitationis a visitatoribus.

23. Nullus Prior potest noua ædificia erigere, nisi loci redditus expensas superent, ita vt ex residuo perfici queant, alias aut eleemosynis, aut alio quouis subsidio construantur.

24. Noua non fundentur ædificia, donec præcepta reperiuntur ad debitum finem perducantur sine superiorum licentia. Ad nouum autem aliquod opus construendum, duo prius obtinenda sunt, licentia scilicet superiorum, Conuentualisq; Capituli consensus.

25. Non omittant Priores singulis bimestribus, Patres Maiorem, ac visitatores de eorum familia facere certiores.

De

De Præposito Monasterij.

CAP. LXV.

Episcopus quidem contingit, ut per ordinationem Præpositi
 Scandala graua in Monasterijs oriantur, dum sunt aliqui
 maligno spiritu superbiæ inflati, qui existimantes se se-
 cundis Abbates, assumentes sibi tyrannidem scandala nutriunt,
 & dissensiones in Congregatione faciunt, & maxime in illis lo-
 cis, ubi ab eodem Sacerdote, vel ab eisdem Abbatibus, qui Ab-
 batem ordinant, ab ipsis etiam, & Præpositus ordinatur. Quod
 quam sit absurdum facile aduertitur, quia ab ipso initio ordina-
 tionis materia ei datur superbiendi, dum ei suggeritur à cogita-
 tionibus suis exutum se à potestate Abbatis sui, qui ab ipso est
 ordinatus, à quibus & Abbas. Hinc suscitantur inuidiæ, rixæ,
 detractiones, emulationes, dissensiones, & inordinationes, &
 dum contraria sibi inuicem Abbas, Præpositusq; sentiunt, & ipso-
 rum necesse est sub hac dissensione animas periclitari: & hi
 qui sub ipsis sunt, dum adulantur partibus, cunt in perditionem
 cuius periculi malum illos respicit in capite, qui talibus in or-
 dinatione se fecerunt auctores. Ideoq; nos prauidemus expedire
 propter pacis, charitatisq; custodiam in Abbatis pendere ar-
 bitrio ordinationem Monasterij sui, & si potest fieri, per Decanos
 ordinetur (ut antea disposuimus) omnis utilitas Monasterij,
 prout Abbas disposuerit, & dum pluribus committitur, unus
 non superbiat. Quod si aut locus expetit, aut Congregatio pe-
 tierit, rationabiliter cum humilitate, & Abbas iudicauerit ex-
 pedire. Quemcunq; elegerit Abbas cum consilio fratrum ti-
 mentium Deum, ordinet sibi Præpositum. Qui tamen Præposi-
 tus illa agat cum reuerentia, quæ ab Abbate suo ei iniuncta fu-
 erint,

erint, nihil cōtra Abbatis voluntatē, aut ordinationē faciens, quia quantum Prælatus est ceteris, tantum cum oportet sollicitē observare præcepta regulæ.

Constitutio.

I. **Q**uem Pater Sanctus Præpositum hoc loco appellat, nos superiorem simpliciter dicimus, qui solum in absentia Prioris vices gerit, ac gubernat locum, ac familiam.

2. Hunc quoties Prior ab Eremitio discedit, puta cum ad Generale Capitulum, vel ad aliud quodcunque agendum se confert, nominatim fratribus notificare debet: quo omnes subditi sciant, cui obedire, seu ad quem in suis indigentibus recurrere oporteat.

3. Hanc eandem superioris denominationem potest, imò debet facere Prior ante obitum suum, si mori contigerit: at tamen si vel ab ipso loco discedens, vel moriens Prior, id facere neglexerit, tunc antiquior professione Sacerdos, seu potius primus dignitate (si adsit) ipso Iure superior intelligatur.

4. Libera tamen erit Priori nominandi facultas, nulla antiquitatis, vel dignitatis habitâ ratione, sed solum habilitatis, atque sufficientiæ, suæ meriti qualitate considerata.

5. Superior itaque eandem auctoritatem in Spiritualibus, ac temporalibus habebit, quam ipse Prior habebat, eique omnes de familia, tanquam verò Priori, obediant, sequè subditos subiecto sue demonstrent.

6. Dicta superioris auctoritas tamdiu durabit, quâdiu

diu verus Prior domum reuertatur, vel alius in eius locum subrogetur. Hoc enim Eremum ingrediente, omnis dicti superioris potestas, ac auctoritas cessare intelligitur.

7. Qui quidem superiores non solum extinctâ, seu amissa auctoritate, sed etiam eâdurante, prorsus suo Priori subditi remaneant, potestq; Prior, vel verbo, vel per litteras eundem reuocare, amouere, atq; mutare, prout sibi visum fuerit, atq; libuerit, nec vltâ illi aliqua superioritas, aut præcedêtia erit, & in casu contrauentionis, vel inobedientiæ ab eodem corrigatur, & castigetur.

8. Neminem in sui locum potest Superior substituere, sed eo Domo exeunte, antiquior professione vicem gerat, nisi Prior aliter ordinauerit.

9. Non potest superior durante Capitulo graui, & urgente necessitate cessante, foras fratres mittere, & sublata est illi omnis facultas quidquâ innouandi, ita vt nullo modo fabricare, nec vendere, seu emere, aut permutare, alterare aut destruere, aut similia facere possit, nisi eadem negotia Prior discedens, vel moriens fieri iusserit, quamobrem sicut ipse superior semper, & vb; suo Priori obedire tenetur, ita & Prior, quoties eundem nominat, debet in scriptis, aut saltem verbo coram testibus omnia, quæ fieri desiderat, aut sunt necessaria, ordinata eidem relinquere.

10. Quia superior Abbatix S. Saluatoris Montis aucti, per Capitulum Generale ad biennium, sicut & reliqui Prælati eligitur, non obstante huiusmodi electio-

ne tam ipse superior, quam sua familia semper, & in omnibus sine exceptione Priori Montis Coronæ subsit, eiq; perpetuo obedire teneatur. Quin & Prior Montis Coronæ tanquam proprius Prælati prædictæ Abbatiz debet, non solum, quando opus est, sed etiam sæpè ex officio suo debito eandem Domum, cum superiore, & familia illic commorante visitare, corrigere, atq; instruere. Nec non quæcunq; ibidem necessaria, agendaue sunt, disponere, & ordinare, cuius dispositioni, & ordinationi omnes quotquot ibi sunt, tanquam verè subditi obediant. Non tamen poterit dictus Prior, dictum Superiorem vti à Capitulo Generali electum mutare, sed urgente necessitate id faciendi ad Patres maiores, ac visitatores recurratur, qui iusta stante causa mutare possunt. Sed correctio, ac pænna dicti superioris proprio Priori relinquitur (vti Sancta regula iubet) & si in hoc Prior negligens fuerit, Pater maior, & visitatores, tam in actu visitationis, quam extrà seuerè puniant, quod si accadat in discessu Prioris Montis Coronæ, aut in morte, superiorem in Eremito relinquat, hic præcedet, & superiori Abbatiz imperabit.

De Ostiarijs Monasterij.

CAP. LXVI.

¶ Ad portam Monasterij ponatur frater sapiens, qui sciat accipere responsum, & reddere, cuius maturitas cum non sinat vagari. Qui portarius cellam debet habere iuxta portam, ut venientes semper præsentés inueniant, à quo respon-

responsum accipiant, & mox, ut aliquis pulsauerit, aut pauper clamauerit, Deo gratias, respondeat aut benedicat, & cum omni mansuetudine timoris Dei, reddant responsum festinanter cum seruire charitatis. Qui Portarius si indiget solatio, iuniorum fratrem accipiat.

Constitutio.

1. **H**is, quæ de ostiario hic admonet. Pater Sanctus vix aliquid addi potest, sufficet ergò si is, cui tale munus datur hanc piissimam doctrinam opere compleat.

2. Sit nihilominus ostiarius sollicitus, nè quis molestiam inferat Eremitis absq; causa, expediendo eos, qui nihil negotij habent, quod tamen sine scandalo fiat, & denique qui cum superiore, vel Cellerario negotium non habent, si ex vicino loco fuerint, re sacra audita discedant, nè per Eremitum ambulantes loci quietem perturbent. In his verò, qui è longinquo veniunt, regula obseruetur, & statim ipsis ingredienti-
bus, & Priori, & Hospitatio nuncietur.

3. Maneat semper ostium clausum, nec contrarium fiat sine necessitate; quoties autem aduerterit ostiarius, non per ostium, sed transiitru sepe, vel aliundè aliquem esse ingressum, modestè eum reprehendat, atq; foras eijciat, quo alijs sit exemplo.

4. Armatus in Eremitio nemo introeat, sed admonitus in Domo Dei armatum incedere non licere, statim in ipsius ingressu arma deponat, quæ diligenter sanitor custodiat.

5. Præ-

5. Præmoneantur quoque alienigenæ, loci consuetudinem nescientes, ut cum silentio procedant, & ab omni clamore, siue strepitu abstineant.

6. Nunquam permittat ostiarius iumenta aliena per Eremum errare, imò nec introire præter domestica, eorumque hospitem, qui aliquantulum moræ in loco contrahere desiderant, quæ tamen iumenta non sunt permittenda vagari.

Sequitur Regula.

Monasterium autem (si possit fieri) ita debet construi, ut omnia necessaria, idest aqua, molendinum, hortus, pistrium, vel artes diuersæ intra Monasterium exerceantur, ut non sit necessitas Monachis vagandi foras, quia omnino non expedit animabus eorum. Hanc autem regulam sæpius volumus in Congregatione legi, ne quis fratrum se de ignorantia excuset.

Constitutio.

1. **A** Trenta utilitate, quæ ex molendino nostris locis solet prouenire, laudabile valde est, prout Regula iubet, ut secundum hodiernum morem in vnaquaque nostra Eremita quamprimum poterit, construatur.

2. Licet Hortuli singulis priuatis Cellis adhæreant, nihilominus & hortum communem sufficientis latitudinis in Eremita esse oportet, propter olerum frequentem usum, ac necessitatem, cuius cura committenda est, qui agriculturam nouerit, qui suis sciat temporibus colere, quiq; diligens sit in colligendis seminibus, ac fructibus in communi penu conseruandis; & quidquid

I N D E X CAPITVLORVM.

Primæ Partis, Proemium.

D E generibus, vel vita Monachorum. Cap. 1.	Pag. 9
Qualis debeat esse Abbas. Cap. 2.	Pag. 17
De adhibendis et Consilium fratribus. Cap. 3.	Pag. 21
Quenam sint instrumenta bonorum operum. Cap. 4.	Pag. 24
De obedientia. Cap. 5.	Pag. 28
De Taciturnitate. Cap. 6.	Pag. 31
De humilitate. Cap. 7.	Pag. 34
De officijs diuinis in noctibus. Cap. 8.	Pag. 40
Quot psalmi dicendi sunt in nocturnis horis. Cap. 9.	Pag. 42
Qualiter citatis tempore nocturna laus agatur. Cap. 10.	Pag. 44
Qualiter Dominicis diebus vigiliae aguntur. Cap. 11.	Pag. 45
Quomodo Matutinarum Solemnitas agatur. Cap. 12.	Pag. 50
Qualiter priuatis diebus Matutini agantur. Cap. 13.	Pag. 51
Qualiter in Natalibus Sactorum vigiliae agantur. Cap. 14.	Pag. 53
Quibus temporibus dicatur Alleluia. Cap. 15.	Pag. 53
Qualiter diuina opera per aem agantur. Cap. 16.	Pag. 54
Quot psalmi per easdem horas dicendi sunt. Cap. 17.	Pag. 55
Quo Oratne Psalmi dicendi sunt. Cap. 18.	Pag. 62
De Disciplina Psallendi. Cap. 19.	Pag. 64
De Reuerentia Orationis. Cap. 20.	Pag. 71
De Decanis Monasterij. Cap. 21.	Pag. 72
Quomodo dormiant Monachi. Cap. 22.	Pag. 73
De Excommunicatione Culparum. Cap. 23.	Pag. 75
Qualis debeat esse motus Excommunicationis. Cap. 24.	Pag. 76
De Gravioribus Culpis. Cap. 25.	Pag. 78
	De his

INDEX

De his qui sine iussione Abbatis iunguntur Excommunicatis.	
Cap. 26.	Pag. 80
Qualiter debeat Abbas sollicitus esse circa Excommunicatos.	
Cap. 27.	Pag. 81
De his, qui sæpius correcti non emendauerint.	Cap. 28. Pag. 82
Si debeant recipi Fratres egressi de Monasterio.	Cap. 29. Pa. 85
De Pueris minori etate qualiter corripiantur	Cap. 30. Pag. 87
Qualis debeat esse Cellerarius Monasterij.	Cap. 31. Pag. 87
De Ferramentarijs Monasterij.	Cap. 32. Pag. 92
Si quid debeant Monachi proprium habere.	Cap. 33. Pag. 98
Si omnes equaliter debeant necessaria accipere.	Cap. 34. P. 99
De Septimanarijs Coquina.	Cap. 35. Pag. 100
De Infirmis Fratribus.	Cap. 36. Pag. 102
De Senibus, vel Infantibus.	Cap. 37. Pag. 108
De Hebdomadario Lectore.	Cap. 38. Pag. 109
De Mensura Ciborum.	Cap. 39. Pag. 113
De Mensura Potus.	Cap. 40. Pag. 120
Quibus horis oporteat reficere Fratres.	Cap. 41. Pag. 121
Vt post Completorium nemo loquatur.	Cap. 42. Pag. 122
De his qui ad opus Dei vel ad mensam tardè occurrunt.	Cap. 43. Pag. 124
De his, qui excommunicantur, quomodo satisfacciant.	Cap. 44. Pag. 126
De his qui falluntur in Oratorio.	Cap. 45. Pag. 129
De his, qui in aliquibus rebus leuibus delinquant.	Cap. 46. Pag. 130
De significanda hora operis Dei.	Cap. 47. Pag. 131
De Opere manuum quotidiano.	Cap. 48. Pag. 132
De Quadragesime obseruatione.	Cap. 49. Pag. 136
	De Fratri-

INDEX

De Fratribus qui longé ab Oratorio laborant aut in via sunt.	
Cap. 50.	Pag. 138
De fratribus, qui non longé proficiscuntur. Cap. 51.	Pag. 138
De Oratorio Monasterij. Cap. 52.	Pag. 139
De Hospitibus suscipiendis. Cap. 53.	Pag. 141
Si debeat Monachus Literas, vel eulogia suscipere. Cap. 54.	Pag. 143
De Vestimentis, vel calceamentis Fratrum. Cap. 55.	Pag. 145
De Mensa Abbatis. Cap. 56.	Pag. 156
De Artificibus Monasterij. Cap. 57.	Pag. 150
De Disciplina suscipiendorum Fratrum. Cap. 58.	Pag. 151
De Filiis Nobiliū vel pauperū, qui offerūtur. Cap. 59.	Pag. 192
De Sacerdotibus, qui voluerunt in Monasterio habitare. C. 60.	Pag. 163
De Monachis peregrinis qualiter suscipiantur. C. 61. P. 165	
De Sacerdotibus Monasterij. Cap. 62.	Pag. 166
De Ordine Congregationis. Cap. 63.	Pag. 168
De Ordinando Abbate. Cap. 64.	Pag. 171
De Præposito Monasterij. Cap. 65.	Pag. 179
De Ostiarijs Monasterij. Cap. 66.	Pag. 182
De Fratribus in via directis. Cap. 67.	Pag. 186
Si Fratri impossibilia iunguntur. Cap. 68.	Pag. 188
Quod in Monasterio non præsumat alter alterum defendere. Cap. 69.	Pag. 190
Ut non præsumat quisquam passim cedere vel Excommunicare. Cap. 70.	Pag. 191
Ut Obediētes sint sibi Fratres inuicem. Cap. 71.	Pag. 192
De Zelo bono, quem debent Monachi habere. Cap. 72.	Pag. 193
De eo quod omnis observatio institue in hac Regula sit constituta. Cap. 73.	Pag. 195

I N D E X

CAPITVLORVM.


Secundæ Partis.

D E Loco, & Tēpore celebrandi Capituli Generalis	Cap. 1.	fol. 198
Qui ad Capitulum venire, & quid secum asferre debeant.		
Cap. 2.		fol. 199
Modus inchoandi Capitulum	Cap. 3.	fol. 202
De Electionibus in Communi, quæ fieri debent in Capitulo Generali.	Cap. 4.	fol. 204
De Renun: Prælaturæ, & Absolutione Patrum Vocalium.		
Cap. 5.		fol. 205
De Electione P.P. Definitorum, ac P. Præsidentis	C. 9. f.	207
De Electione Scribæ, Vicarij, Capituli & Officialiū	C. 7. f.	209
De Ordine seruando in negotijs per P.P. Definitores tractandis.	Cap. 8.	fol. 212
De Electione. P. Maioris, & aliorum Prælatorum.	C. 9. f.	217
De aliquibus requisitis, Prælati necessarijs.	Cap. 10.	fol. 220
De Locorum reformatione, ac familiarum Constitutione.		
Cap. 11.		fol. 222
De conclusionē, & publicationē Capituli.	Cap. 12.	fol. 223
De auctoritate Patrum Maioris, & visitorū.	Cap. 13.	fol. 225
De receptione nouorum locorum.	Cap. 14.	fol. 230
Conclusio, & Confirmatio Constitutionum.	Cap. 15.	fol. 231
Forma induendi Nouitios.	Cap. 16.	fol. 23
Forma Proftendi Noſitorum Eremitarum	Cap. 17.	fol. 235
Forma Professionis.		fol. 235

P A V L V S
E P I S C O P V S

SERVVS SERVORVM DEI.

Ab perpetuam rei memoriam



ATIONI congruit, & conuenit honesta-
ti, vt ea, quæ de Romani Pontificis gratia
processerunt, licet eius superueniente
obitu literæ apostolicæ confectæ non
fuerint super illis, suum consequantur
effectum.

Dudum felicitis recordationis Clementis Papæ VII præ-
decessori nostro, pro parte dilectorum Filiorū Maioris
Visitatorum, Priorum, & Fratrum Societatis Eremitarū
Sancti Romualdi Camaldulen: ordinis exposito: Quod
olim postquam piæ memoriæ Leo Papa X. etiam præ-
decessor noster quondam paulo veneto, & quibusdam
alijs in literis tunc expressis Eremitis sacri Eremi dicti
ordinis Aretinæ diœcesis expressè professis, ardore ma-
ioris obseruantix, & perfectionis vitæ Eremiticæ feruē-
tibus inter alia, quod in quibusuis locis etiam extra Itali-
am & loca vltimarina, Monasteria Eremitoria, & reli-
giosa loca erigere: Et postquam erecta forent omnibus,
& singulis indultis, & priuilegijs quomodolibet à sede
Apostolica Eremitis sacri Eremi huiusmodi, ac congre-
gationi eiusdem Eremi, & S. Michaelis de Murano con-
cessis

Paulus

cessis gaudere, & habitum eiusdem religionis alijs exhibere possent, per suas in forma brevis literas licentiam concesserat: & ipse Paulus cum vno Socio Eremita vigore cōcessionis huiusmodi ad id electo ad locum Criptarum nuncupatū Castri Massatij Exm. Diocesis, qui tunc membrum Eremitarum sacri Eremiti prædicti erat accesserat, & ad eosdem Paulum, & socium, diuersarū multarum partium tam ecclesiasticarū & religiosarū, quā secularis personarū, in dies ad eosdē veniētes, cum eodē Paulo, & socio se coniunxerant. Et præfatis Paulo, & Socio, & successiuè receptis personis, nulla loca Eremitica, partim ferè diruta, & partim ædificari cæpta, quæ postmodum ipsi restaurauerant, & quasi de nouo ædificauerant, tam à sede Apostolica, quàm à diuersis Christi fidelibus Ecclesiasticis, & secularibus personis donata, & concessa fuerant. Videntq; ipse Paulus se tot personis, ac locis quotidie multiplicari, ad olim Congregationis sacri Eremiti, S. Michaelis de Murano Vicarium Generalem, tunc vero generalem nuncupatū, & visitatores accesserat, eisdemq; seriem facti explicauerat, velleq; tam ipse, quàm cæteri Socij Eremitæ huiusmodi sub eorum obedientia & visitatione viuere declarauerat. Olim Vicarius tunc Generalis prædictus habens, vt assererat, à Congregatione huiusmodi omnimodam auctoritatem, sinceritatem animi dicti Pauli cognoscens, præfata Eremitotta, videlicet quinq; Criptarum, Massatij, S. Ieronimi de Pascilupo, Criptæ S. Benedicti in Monte Conaro, S. Leonardi de Volabrio, ac S. Mariæ de Spintu S. Exm. Eugubinarū, Anconitanarū

Episcopus

nitanz, Firmanz, & Larinz diocesi. à Sede prædicta
alijsq; Christi fidelibus præfatis eisdem, Paulo, & Soci-
js, vt præfertur, concessa, & Eremitas in illis tunc cõ-
morantes in eorum Congregatione receperat, ipsosq;
Paulum, & Socios receptos Eremitas, eorumq; Eremi-
toria, & religiosa loca huiusmodi in societatem Eremi-
tarum S Romualdi per maiorem, & olim Correctores
tunc autem visitatores, Capitulum, & Eremitarum hu-
iusmodi singulorum Priores, perpetuis futuris tempori-
bus regendam, & gubernandam erexerat: & eisdem
Paulo, & Eremitis præfatæ Societatis condendi, & ce-
lebrandi generalia Capitula eiusdem Societatis, & in
eis Priores, Rectores, & alios Ministros eligendi, & pro
eiusdem Societatis conseruatione, & augmento Missas,
& alia diuina officia in eorum capitulis celebrandi, Ca-
pitula generalia eiusdem Societatis, & pro eius obser-
uantia quæcunq; statuta, ordinationes, & Constitutio-
nes edendi, & pro tempore edita corrigendi, reformân-
di, & mutandi: quæ si contra substantialia Regulæ S. Be-
nedicti non essent, à prædicto tunc vicario, & visitato-
ribus, aut præfatæ Congregationis Capitulis derogari,
aut innouari sine dictorum Eremitarum consensu non
possent, ac alia loca quæcunq; & personas quascunq;
ineadẽ societate receptâdi. Necnõ quod eiusdẽ Societa-
tis superior ex tunc maior nũcupâdo, per eiusdẽ Congre-
gationis Capitulũ de Anno in Annũ eligẽdus, loca, &
personas de Triennio in trienniũ, & frequẽtius, si sibi
videretur, visitare deberet, licentiã cõcesserat. Et o-
mnia & singula priuilegia, gratias, & immunitates Ere-
mitis concessa,
& quomodolibet

Paulus

modolibet concedenda, tam S. Eremi Camaldulensi
quantotius præfatæ Congregationis, eidem societati
Eremitarū S. Romualdi loca, & personas communia es-
se, dummodo receptio, & admissio huiusmodi per Capi-
tulum generale Congregationis Sacri Eremi. & S. Mi-
chaelis de Murano prædictis approbaretur, voluerat, &
præfati Eremitæ vigore concessionis huiusmodi in eo-
rum Capitulo cogregati nonnullas constitutiones, ordi-
nationes, & statuta super tribus substantialibus, & forsa-
alijs emittendis votis, & regularibus institutis Regulæ S.
Benedicti, & diuinis officijs celebrandis, ac alijs felicē
dictæ societatis, tam in spiritualibus quam in temporali-
bus, gubernationem & directionem ac honestē & religi-
osē viuendi modum concernentia ordinauerant. Ac
postmodū Præsident & Definidores Capituli generalis
Congregationis S. Eremi, & S. Michaelis prædicti, per e-
orum speciales literas, dicta quinque Eremitoria, & soci-
etatem huiusmodi ab eorum congregatione penitus se-
parauerant, & dissolutam, & separatam esse declaraue-
rant, nullumq; sibi eligendi superiorem, nec non Eremito-
ria, ac illorum personas huiusmodi visitandi facultatē
reseruauerāt. Quodq; præfati Eremitæ ad eorū superio-
ris huiusmodi electionē, prout eis visū foret, procedere
possent, ac in ijs, quæ Eremitoria, & illorū personas præ-
dicta concernebant, ac quicquid eidem societati vi-
sum foret, à sede Apostolica petere possent, ac volue-
rant, præfatus Clemens prædecessor prædicta omnia,
& dissolutionem huiusmodi approbauerat, & confir-
mauerat, eisq; vnum dictæ societatis Maiorem, &
Correctores

Episcopus

Correctores, nunc autem uisitatores nuncupatos locorum, Priores, & alios Officiales, prout eis expedire videretur, per seipsoſ Annis singulis eligendi: qui eo ipſo quo electi forent confirmati eſſe cenſerentur indulſerat. Et ſucceſſiuè cum ipſi pro dictæ ſocietatis cōmodiori gubernatione aliquas ex prædictis Conſtitutionibus, ordinationibus, & Capitulis eis diligentius, & maturius examinatis caſſaſſent, & aliquas de nouo ordinaffent, & amotis quibuſdam ſuperfluis in meliorem formam reformaſſent: Idem Clemens prædeceſſor illas etiam approbauerat, & confirmauerat, prout in diuerſis inſtrumentis, & ſcripturis vicarij generalis, ac viſitatorum præſidentis, & Diffinitorum prædictorum, ac ipſorum Leonis, & Clementis prædeceſſorum diuerſis literis dicebatur plenius contineri. Ac pro parte eorundem maioris viſitatoris, priorum, fratrum, & Eremitarum, eidem Clementi prædeceſſori humiliter ſupplicato, vt ex prædictis, & alijs eis conceſſis, & concedendi locis vnā tantū ſocietatem Eremitarum ſancti Romualdi erigere, & inſtituere præmiſſis, & alijs inſcriptis pro illorum ſubſiſtentia firmiori robur apoſtolicæ firmitatis adiungere, ac alias in præmiſſis opportunè prouidere de benignitate apoſtolica dignaretur. Præſatus Clemens prædeceſſor, qui adea, per quæ ſtatus religioſarum perſonarum florere, ipſæque perſonæ acceptius diuinis beneplacitis ſe coaptare poſſent, ſolertiæ ſuæ curas libenter dirigebat: volens Maiorem, viſitatores, Priores, Officiales, ac Eremitas ſocietatis huiusmodi amplioris apoſtolici fauoris præſidio

Paulus

dio complecti. Ac eos, & eorum singulos á quibusvis excommunicationis, suspensionis, & interdicti, alijsq; ecclesiasticis sententijs, censuris, & pœnis, á iure, vel ab homine, quauis occasione, vel causa latis, si quibus quomodolibet innodati existerant, ad effectum infrascriptorum duntaxat consequendum absoluens, & absolutos fore censens, huiusmodi supplicationibus inclinatus; sub Datis videlicet Tertio Nonas Septembris Pontificatus sui Anno Sexto, autoritate Apostolica, ex prædictis, & quibuscunque alijs eis tunc, & pro tempore dictæ societati vbique terrarum concessis, & concedendis, ac per eos recipiendis, & retinendis Eremitorij, & religiosi locis vnâ tantum omnium, & singulorum fratrum in eisdem Eremitorij, & religiosi locis pro tempore degentium societatem Eremitarum Sancti Romualdi nuncupandam per maiorem Superiorem nuncupatum, Visitatores, Capitulum, Priores, ac alios Officiales, iuxta ipsius societatis statuta, & ordinationes, regendam, & gubernandam: Ita quod omnes, & singuli dictæ societatis fratres præsentis, & futuri, quamuis in diuersis locis etiam extra Italiam, & loca ultra marina pro tempore manerent, vnum tamen corpus, & vnica societas Eremitarum Sancti Romualdi Camaldulensis ordinis perpetuis futuris temporibus existerent; & facerent, cum facultate celebrandi generalia, prouincialia, & alia Capitula eiusdem societatis, & in eis Superiorem Maiorem, Priores, Rectores; & alios Ministros eligendi, & pro eiusdem societatis conseruatione, & augmento, Missas, & alia diuina Officia

Episcopus

officia in eorum Capitulis celebrandi, aliq; omnia, & singula, quæ ad similes societates pertinebant, & pro tempore pertinerent, faciendi, crexit, & instituit. Nec non separationem, dissolutionem, concessionem, & indulta, ac facultates eis quomodolibet concessa, ac constitutiones, & statuta per Capitulum dictæ erectæ societatis edita, vt præfertur, reformata, ac omnia, & singula priuilegia, indulta, & gratias per sedem eandem dictæ societati, vel per alium facultatem habentem, etiã viux vocis oraculo, vel aliàs quomodolibet concessa, & concessas auctoritate prædictâ approbavit, confirmavit, stabilivit, ac robur Apostolicæ confirmationis habere decreuit. supplens omnes, & singulos tam iuris, quàm facti, defectus: si qui forsan interuenerant in eisdem. Et pro potiori cautela Maioris, Visitatorum, Priorum, Officialium, & aliorum fratrum præfatæ societatis, illas, & illa Quinque Eremitoria prædicta, eidem Maiori, Visitatoribus, Prioribus, & fratribus eorum erectæ societatis pro tempore existentibus, de nouo perpetuò concessit, & assignauit. Quòdq; omnes, & singuli dictæ societatis erectæ, Eremitæ ordinem prædictum in ipsa societate professi, tunc præsentés, & futuri, in Capitulo Generali pro tempore celebrandi in eo vocem habentes, pro felici dictæ societatis statu, & successu, alia statuta, Constitutiones, ordinationes, ac omnia, & singula, quæ in spiritualibus, & temporalibus ipsius societatis, ac eius regularis disciplinæ statum, obseruantiam, indemnitate, & circa diuini officij, & Missarum directionem, & ordinationem, ac ceremonias, absq;

Paulus

as, absq; ipsius regulæ in substantia, vel in effectu variatione, interpretatione, vel declaratione quoquomodo cōcernere possent, instituendi, ordinādi, interpretandi, declarandi, & alia de nouo faciendi: & sic instituta, ordinata, interpretata, declarata, & de nouo facta, in toto, vel in parte, prout rerum, & temporum qualitas exigeret, tollendi, & alterandi, ac in melius commutandi: Nec non pro honestate, & qualitate vitæ Eremiticæ huiusmodi barbam deferendi plenam, & liberam. eis concessit facultatem. Ac huiusmodi societatem, omnesque, & singulos superiores Eremitas, oblatos, nouitios, familiares, seruitores, & personas dictæ societatis, tunc & pro tempore existentes, ac ipsius Monasteria, Heremitoria, religiosa, & alia loca quæcunque, ac mobilia, & immobilia bona, tunc præsentia, & futura, ad præfatam societatem quomodolibet pro tēpore pertinentia, & impofterum eidem de nouo erectæ societati, quandocunque, seu quomodolibet vniri, vel incorporari, seu subijci imperpetuum, vel ad tempus contingeret, à quoruncunque legatorum etiam de latere, necnon Nunciorum dictæ sedis, ac quorumuis Officialium Romanæ Curie, & Patriarcharum, Archiepiscoporum, Episcoporum, Electorum, & Inquisitorum hereticæ prauitatis, quacunque etiam Apostolica auctoritate, ac aliorum quoruncunque Iudicum ordinariorum, & non ordinariorum quauis auctoritate, & potestate fungentium ditione, auctoritate, superioritate, potestate, dominio, uisitatione, reformatione, & correctione: Ita quod contra dictam de nouo erectam societatem,

Episcopus

Societatem, vel eius singulares personas, Nec non Monasteria, Eremitoria, & loca, & personas, ac familiares cum eis degentes, ratione delicti, excessus, seu contractus, aut rei de qua ageretur ubicunque iniretur contractus, committeretur delictum, aut res ipsa consisteret excommunicationis, suspensionis, & interdicti, aut alias quasuis sententias, nisi de speciali sedis prædictæ commissione, quomodolibet directè vel indirectè proferre, seu promulgare non possent.

Necnon ab omnibus, & singulis Decimis, Collectis, Exactionibus, Gabellis, Talleis, Datis, Datij, Tractis, subsidijs charitatiuis, Impositionibus ordinarijs, & extraordinarijs. Collegijs, Parochianis, vniuersitatibus, Monasterijs, fabricis, & alijs quibusuis personis, quacunq; auctoritate, & ex quauis causâ, & consideratione etiam pro expeditione contra Infideles, aut fabricæ Basilicæ Principis Apostolorum de vrbe, Aut alijs imminentibus necessitatibus sedis prædictæ, auctoritate eiusdem sedis, vel quauis alia impositis, & imponendis, sub quacunq; verborum vi, & forma, etiam sub excommunicationis latæ sententiæ pœna exempti, & exempta censerentur, nisi de indulto, & societate huiusmodi specialis, & expressa mentio in litteris Apostolicis fieret: Et tunc non veram Decimam, sed mediam auri vnciam Cameræ Apostolicæ soluendo, pro omnibus eorum locis, ac Eremitarijs, bonis, & personis liberationem consequerentur; prorsus exempti, & totaliter liberauit: eaque omnia, & eorum quodlibet in ius, & proprietatem beati Petri, & sedis prædictæ, ac sub eo-
rum,

Paulus

rum, & dictæ sedis protectione suscepit. Et si legati, & subdelegati ordinarij, aut aliæ personæ prædictæ, contra exemptionem, & liberationem huiusmodi quicquā attentare quoquomodo præsumerent, ac litterarum de super conficiendarum vigore requisiti, per ipsius de nouo erectæ societatis Prælatos, Eremitas, vel procuratores eorum infra Tres dies à die requisitionis huiusmodi computandos non desisterent, excommunicationis sententiæ ipso facto noscerent se subiectos: & si forte aliter factum foret, eo ipso esset irritum, & inane, nulliusque roboris, vel momenti. Præterea ipsis, vel religiosos eorum ordinis ad primam tonsuram, & quatuor minores ordines promouendi, ad sacros verò, etiam si tempus à Canonibus statutum non attingerent, per quælibet Catholicum Episcopum in eorum locis, & alibi, vbicunque eis commodum foret, absq; licentia Diocessani etiam extra tempora, Diebus tamen dominicis, vel festiuis, eos promoueri faciendi, ac illos eis liberè conferendi; eundemq; Episcopum, pro consecrationibus Altarium, seu ecclesiarum, ac pro oleo sancto, & quolibet ecclesiastico sacramento, adeundi, & de licentia eorum Capituli generalis, seu provincialis Ierusalem, & alia loca sancta visitandi, & inibi habitandi, ac loca, & eleemosynas etiam ab Infidelibus recipiendi licentiam, & facultatem concessit. Et insuper pro conseruatione puritatis eorum solitudinis, ne mulieres ad eorum Eremitoria etiam sancti Hieronymi de Paskilupo Eugubin. Diœc. tunc præsentia, & futura, intra videlicet per eos præfixos, seu præfigendos terminos, præter illos

Episcopus

Instantum Dies quos ipsi statuerent, dummodo non
ultra Tres Dies in quolibet Anno accedere quomodo-
libet sub excommunicationis pœna auderent, vel præ-
sumerent Cellularum tamen ipsorum ingressu semper
prohibito remanente, inhibuit. Demum pro commodi-
tate, & vtilitate, Eremitiorum, & locorum huius-
modi tunc præsentium, & futurorum, de licentia eorū
Capituli generalis, seu prouincialis, eis, & cuilibet eo-
rum, ac pro tempore existentibus quæcunque immobi-
lia ad eos, eorumq; ecclesias, Eremitoria, Altaria, &
loca huiusmodi pro tempore spectantia, & pertinentia
in emphiteosim perpetuam, vel ad tempus sub aliquo
annuo Canone, siue censu, quibusvis personis in eui-
dentem ecclesiarum, Monasteriorum, & regularium lo-
corum huiusmodi vtilitatem concedere, illaq; pro alijs
immobilibus vtilioribus permutare, seu vendere, & ali-
enare, & precium inde proueniens in alijs immobilibus
bonis eorum ecclesijs, Eremitijs, & regularibus
locis vtilioribus, ac alijs iuxta tenorem litterarum re-
colendæ memoriæ Pauli Papæ II. similiter prædecesso-
ris nostri de rebus ecclesiasticis non alienandis edita-
rum: Ita quod Priores, qui pro tempore essent locorū
huiusmodi Iudices, ad hoc vt immobilia bona huius-
modi in emphiteosim, vel censum, aut alijs danda, &
permutanda, seu vendenda, & alienanda coram eisdē
Iudicibus specificarentur, eligere possent, conuertere,
& cæteris Eremitijs eorum societatis, prout eis
commodius visum foret, pro eiusdem societatis conser-
uatione applicare valerent: & quæcunque bona, etiam
feudalia,

Paulus

feudalia, ac emphyteutica, etiam ecclesiastica eidem societati, tam inter viuos, quam causa mortis, seu testamento, vel codicillo, dari, concedi, & relinqui liberè possent. Ita quod ipsa societas ad eadem onera; ad quæ donator, seu testator, huiusmodi occasione bonorum eorundem, tenebatur: & quæcunque alia, quæ ipse donator, seu testator etiam imponeret; omnino tenerentur: etiam si ad certum numerum generationum, aut nominationum eadem bona concessa essent, ipsa societas, non perpetuo, sed per Triginta annos, pro qualibet generatione, seu nominatione, huiusmodi bona eadem tenere possent: & finitis ipsis Annis bona prædicta ad eorum directos dominos deuoluerentur, & absq; eorum consensu tenere non valerent, statuit, & ordinauit. Vterius ipsis, de licentia Capituli generalis, seu prouincialis dictæ societatis, curam animarum Monasterij sancti Saluatoris de monte acuto, & parochialium sancti Michaelis Archangeli, ac Prioratus sancti Saluatoris de fanno Perusina, Tudertina, & fanesis diocesis ecclesiarum eidem societati perpetuo canonica vnitarum abdicare, & de consensu illorum parochianorum, in locodictis parochianis ac comodo alias, Ecclesias, quib; cura parochianorum præfatorum applicaretur, construere facere, seu alteri parochiali, quæ parochianis huiusmodi accommodata foret, etiã de consensu illius Rectoris, cui pro huiusmodi cura exercenda quod inter eos conuentum esset soluerent, ac illas iurisdictioni ordinarij loci subijcere, ac loca quæcunque etiam per ecclesiasticas, & religiosas personas eis concedenda recipere, & eorum vsui applicare. Necnon loca, siue Eremitoria pro

Episcopus

pro tēporē recepta perficere, & alia de nouo cū ecclesijs, oratorijs, humili campanili, Cellulis, & officinis necessarijs construere, seu construi, & iam constructa pro conuenientiori eorum mansione demoliri facere, & ea ad aliorum locorum constructorum, siue de nouo construendorum vsum conuertere facultas recipiendi quoscunq; religiosos. Ac pro dicti ordinis propagatione, omnes, & singulos religiosos quorūcunque, etiā Mendicantium ordinum, & congregationum, ac Monasteriorum ad Eremitoria præfata, tanquam ad arctiorem vitam. conuolare, & sub societate, & eorum habitu altissimo famulari eligentes superiorum suorum licentia petita, licet non obrentā, absq; aliqua contradictione, vel obstaculo recipere, ipsiq; sic recepu, & in eadem societate siue ordine professi, ad omnia officia, & dignitates societatis eorundem Eremitarum promoueri, & assumi liberē, & licitē, valerent; indulgit. Postremo Maiori, ac omnibus, & singulis Visitatoribus, Prouincialibus, Prioribus, & alijs Officialibus, ac fratribus siue Eremitis præfatis; ut ipsi, & omnes, & singuli, ac Commissi, Oblati, Nouitij, seruitores, familiares, Benefactores, & aliæ personæ, ac etiam Oratoria, ecclesiæ, Monasteria, Eremitoria, & loca, & quæcunq; bona, & cætera alia eiusdem societatis pro tempore pertinentia, omnibus, & singulis indulgentijs, peccatorum remissionibus, gratijs, concessionibus, facultatibus, immunitatibus, exemptionibus, priuilegijs, præmunijs, prærogatiuis, libertatibus, fauoribus, licentijs, & indultis apostolicis, vel aliter qualiacunq; essent, quibus

Paulus

quibus omnes, & singuli ordines, Congregationes, societates, & Monasteria, sub approbatis regulis degentes, seu militantes, ac degentia, seu militantia, eorumq; superiores, generales, prouinciales, & particulares Monachi, seu religiosi, Commissi, Oblati, Nouitij, familiares, seruitores, Benefactores, & alia personarum eorumque Ecclesiarum, Oratoria, & alia quaecunq; bona; quæ omnia, ac si nominatim exprimerentur, dictus Clemens prædecessor haberi voluit pro sufficienter expressis, coniunctim, vel diuisim, eis, & cuilibet ipsorum in genere, vel in specie, etiam viuæ vocis oraculo, vel aliàs quomodolibet concessis, seu concedendis, tam in spiritualibus, quàm temporalibus, & tam in communi, quàm particulari, seu aliàs quomodolibet utebantur, potiebantur, & gaudebant, seu uti, potiri, & gaudere possent, quomodolibet in futurum absque vlla differentia, tam in communi, quàm particulari, vel aliàs quomodolibet uti, potiri, & gaudere liberè, & licitè possent, & valerent, in perpetuum, ac etiam de nouo concessit pariter, & indulgit, & in eis locum habere voluit; ac si eisdem omnia, & singula præmissa directè, & expressè concessa fuissent: exceptis, quæ essent contra eorum Constitutiones approbatas, ac Ordinationes Capitulares factas, & pro tempore faciendas. ac ut dum priuilegiarum, concessionum, exemptionum, immunitatum, facultatum, gratiarum & indultorum eorum, & cuiuslibet dictorum ordinum Congregationum, societatum, & Monasteriorum originales literæ, seu transumpta autentica ex illis
prout

Episcopus

prout in fauorē dictæ societatis, eusq; superiorum, Eremitarum, Commissorum Oblatorum, Neuitiorum, familiarum, seruitorum Benefactorum, & personarum, ac Ecclesiarum, Monasteriorum, Eremitiorum, locorū bonorum, & aliorum cæterorum eiusdem societatis ostenderentur: vel exhiberentur, eadem fides indubia adhiberetur, tam in iudicio quam extra, & alijs locis quibus opus foret: ac si pro. & in fauorem eorum societatis, Ecclesiarū Eremitiorū, & Monasteriorū, fratrum, & personarum, ac bonorum prædictorum, & prædictarū a sede prædicta amanassent, ac eis, & cuilibet ipsorum fuissent immediatē concessæ. mandauit. Necnon quod literarum desuper conficiendarum transumptis manu Notarij publici subscriptis, & sigillo alicuius Prælati Ecclesiastici munitis ubiq; staretur, prout originalib9 literis staretur, & plena fides in iudicio, & extra adhiberetur: quæ eisdem desuper conficiendis literis daretur si essent exhibitæ, vel ostensæ: Quodq; literæ ipsæ desuper conficiendæ cum confectæ forent, ac in eis contenta quæcunq; sub quibusuis reuocationibus, modificationibus, limitationibus, & suspensionibus quarumcunq; literarum gratiarum & dispositionum, per ipsum Clementem prædecessorem, & Sedem prædictam etiā motu proprio & ex certâ sciētia, seu ad Imperatoris, Regū, & Ducum instantiam concessis & concedendis, nullatenus comprehenderentur, sed semper ab illis excepta essent, et esse censeretur. Et quoties reuocata modificata, limitata, suspensa, aut alterata forent; toties in eo statu, in quo ante reuocationem, modificationem, limitationem,

Paulus

limitationem, & suspensionem huiusmodi repositæ, restitutæ, & reintegratæ, ac si opus foret de nouo concessæ essent, & esse censerentur: Et quotiescunq; per aliquem, aut plures actus, contra ea, aut ipsorum aliqua, à quoquam cuiuscunq; dignitatis, status, gradus, & conditionis foret, ex negligentia, vel ignorantia illorum, quibus ea concedebantur, aut aliquauis causa scienter, vel ignoranter attemptari, vel attemptata observari contingeret, nullum tamen propterea exemptionibus, immunitatibus, libertatibus, gratijs, indultis, & priuilegijs huiusmodi præiudicium generaretur; sed ea omnia, & singula in suo robore, & firmitate permanerent, easdem litteras, absq; aliorum instrumentorum, litterarum prædictarum productione, & ostensione ad probandum plenè omnia, & singula superius enarrata, & specificata in iudicio, & extra vbiq; sufficere, nec ad id probationis alterius adminiculum requiri. Et si forte contingeret aliquod dubium in dictis per ipsum Clementem prædecessorem confirmatis, aut litteris suis super præmissis conficiendis huiusmodi, aut aliquo eorum pro tempore emergi, data verborum ambiguitate, & iurisperitorum interpretatione dictæ societatis de nouo erectæ, ac illius locorum particularium, & personarum fauorem interpretari debere, sicque per quoscunq; Iudices ordinarios, & extraordinarios, ac delegatos, & causarum Palatii Apostolici Auditores, ac Sanctæ Romanæ Ecclesiæ Cardinales sententiarum, iudicari, & diffiniri debere, sublata eis, & eorum cuilibet, quacunq; alia iudicandi, & interpretandi facultate,

Episcopus

culcate, & auctoritate, irritum quoque, & inane, quicquid secus fieri siue attemptari contingeret, decreuit. Ac voluit, & concessit vniuersis, & singulis Patriarchis, Archiepiscopis, Episcopis, Abbatibus, & alijs in dignitate ecclesiastica constitutis personis, ac quaruncunq; Metropolitanitarum, & Cathedralium ecclesiarum Canonicis, necnon præfatorum Patriarcharum, ac Archiepiscoporum, & Episcoporum in Spiritualibus Vicarijs, & Officialibus generalibus dari in mandatis, quatenus ipsi vel duo aut vnus eorum per se, vel alium, seu alios litteras desuper conficiendas huiusmodi cum cōfectæ forent, ac in eis contenta quæcunq; solenniter publicantes, ipsiq; Eremitis, seu fratribus, ac personis prædictis præmissis efficacis defensionis præsidio assistere, ac facere eosdem Eremitas, ac alias personas omnibus præmissis pacificè frui, & gaudere, non permittentes ipsos, seu ipsas super his per quoscunque quomodolibet indebitè molestari, perturbari, aut inquietari. Contradiectores quoslibet, & rebelles per censuras Ecclesiasticas, & alia oportuna iuris remedia, appellatione postposita, compesci, ac legitimis super his habendis seruatis processibus, censuras, & pœnas ipsas iteratis vicibus aggrauandi; Inuocato etiam ad id, si opus foret, auxilio brachij secularis. Non obstantibus præmissis, ac Clementis, per quam inter alia voluerat, quòd potentes beneficia Ecclesiastica alijs vniri, tenerentur exprimere verum annum valorem secundum communem estimationem, tam beneficij vnendi, quam illius, cui vnio fieri peteretur; alioquin vnio non
valeret :

Paulus

valeret: & semper in vnionibus commissio fieret ad partes vocatis quorum interesset. Necnon Pauli prædecessorum prædictorum, ac similis memorix Innocentij III. contra exemptos edita, quæ incipit Volentes. Necnon quibus cauetur, quòd nullus extra suam Ciuitatem, vel Dioc. nisi incertis exceptis casibus, & in illis vltra vnâ Dietam à fine suæ Dioc. ad iudicium euocetur; seu ne Iudices à sedè prædicta deputati extra Ciuitatem, vel dioc. in quibus deputati forent, contra quoscunq; procedere, aut alij, vel alijs vices suas committere præsumerent Bonifacij V I I I. Roman. Pontificum etiam prædecessorum nostrorum, & de duabus dietis in Concilio generali edita, dummodo non vltra Tres dietas aliquis dictarum litterarum desuper conficiendarum auct. non traheretur, & quibusuis alijs Apostolicis, Necnon Pro- uincialibus, & sinodalibus Concilijs editis, generalibus, & specialibus Constitutionibus, & ordinationibus, ac prædictarum Ecclesiarum, Monasteriorum etiam Sancti Antonij de Sancto Antonio, ordinis Sancti Augustini vienens. dioc. & religiosorum locorum, ac ordinum quorumcunq; etiam Camaldulen. huiusmodi, & aliorum etiam Mendicantium, & non mendicantium statutis, & consuetudinibus etiam illis, in quibus cauebatur: vt mulieres ad dictum Eremitorium Sancti Hieronimi de Pasculupo sub excommunicationis laxæ sententiæ pœna nunquam accederet iuramento, confirmatione Apostolica, vel quauis firmitate alia roborato priuilegijs quoq; re, & indultis, ac litteris Apostolicis Camaldulen. alijsq; ordinibus Mendicantium,

Episcopus

cantium, & non mendicantium, & Militiarum Ecclesijs, Monasterijs, & Sancti Antonij huiusmodi, Necnon vniuersitatibus, Congregationibus, societatibus, Communitatibus, Collegijs, & cæteris alijs personis, & locis per eundem Clémentem prædecessorem, & sedem prædictam, sub quibusuis verborum formis, & clausulis etiam derogatoriarum derogatorijs, alijsque efficacioribus, & insolitis illis præsertim, quibus inter alia caueri dicebatur expressè, quod nulli fratres, seu Monachi, de dictis etiam Mendicantium ordinibus, ad alium ordinem etiam strictiorem transeuntes per Superiores Priores, & alios fratres ordinum, aut societatum, ad quos si transierint etiam de licentia eorundem Superiorum petita, & obtenta, recipi, & admitti possent; aliàs recipientes, & recepti excommunicationis sententiâ incurrerent. ipsiq; sic vel alio modo recepti, ad aliquod officiũ seu Prælatum eiusdem ordinis, in quo recipiebantur, eligi non possent, absq; apostolicæ sedis speciali, & expressa licentia, per ipsius sedis patentes litteras cõcedenda, faciētes plenā, ac certā, & determinatā de statuto, & ordinatione huiusmodi expressā, & indiuiduā mentionē. Quibus omnibus etiā si pro eorũ sufficiēti derogatione de illis, eorũq; totis tenoribus specialis, specifica, expressa, & indiuidua mētio, seu quæuis alia expressio habēda, vel aliqua alia exquisita forma seruāda foret, dictus Clemens prædecessor eorũ omniũ tenores, & formas illorũ cõcessionũ, ac si de verbo ad verbũ infererētur, pro expressis habēs, illis aliàs in suo robore permāsuras ea vice dūtaxat auctorit, prædicta specialiter, & expressè derogauit, cæterisq; cõtrarijs quibuscũq;. Ne autē de absolu-


Paulus


gione, erectione, institutione, approbatione, cōfirmatione, suppletionē, cōcessionē, assignationē, exēptionē, liberationē, susceptionē, inhibitionē, statuto, ordinationē, indulto, volūtate, mādato, decreto, & derogationē prædictis, pro eo quod super illis dicti Clemētis prædecessoris eius superueniente obitu litteræ cōfectæ non fuerūt, valeat quo modolibet hæsitari, ipsiq; Maior, Visitatores, Priores, Officiales, & fratres illorū frustrētur effectu, volumus, & similiter apostolica auctor. decernimus, quod absolutio, erectio, institutio, approbatio, cōfirmatio, suppletio, cōcessio, assignatio, exēptio, liberatio, susceptio, inhibitio, statutū, ordinatio, indultum, volūtas mādātū, decretū, & derogatio Clemētis prædecessoris huiusmodi perinde à dicta Die Tertio Non. Septēber. suū sortiātur effectu; ac si super illis ipsius Clemētis prædecessoris litteræ sub eiusdē Dei Dat. cōfectæ fuissēt, prout superius enarratur. Quodq; præsentēs litteræ ad probādū plenē absolutionē, erectionē, institutionē, approbatōnē, cōfirmationē, suppletionē, cōcessionē, assignationē, exēptionē, liberationē, susceptionē inhibitionē, statutū, ordinationē, indultum, volūtate, mādātū, decretū, & derogationē Clemētis prædecessoris huiusmodi vbique sufficiāt, nec ad id probationis alterius adminiculū requiratur. Quocirca vniuersis, & singulis venerabilibus fratribus nostris, Patriarchis, Archiepiscopis, Episcopis, & Dilectis filiis Abbatibus, ac alijs personis in dignitate Ecclesiastica constitutis, necnon Metropolitan. & aliarū Ecclesiarū Canonicis, ac eorūde Patriarcharum, Archiepiscoporum, Episcoporum,


Episcopus

Episcoporum Vicarijs in Spiritualibus, & Officialibus generalibus per Apostolica scripta mādamus; quatenus ipsi, vel Duo, aut vnus eorū per se, vel per aliu, seu alios, præsentes litteras, & in eis cōtēta quæcūque, vbi, & quādo opus fuerit, ac quotiēs, pro parte Maioris, Visitatorū, Priorū, Officialiū, & Fratrum, Prædictorū, seu alicuius eorū desuper fuerint requisiti, solēniter publicātes, eisque in præmissis efficacis defensionis præsidio assistētes, faciāt auctoritate nostra præsentes litteras, & in eis cōtēta huiusmodi firmiter obseruari, ac singulos, quos eadē præsentes litteræ cōcernūt, illis paci cē gādere; non permittētes eos desuper per quoscūque quomodolibet indebitē molestari, perturbari, aut inquietari: Cōtradictores quoslibet, & rebelles per cēsūrā Ecclesiasticā, & alia opportuna iuris remedia, appellatione postposita, cōpescēdo, ac legitimis super his habendis seruatis processibus cēsuras, & pænas ipsas etiā iteratis vicibus aggrauādo: Inuocato etiā ad hoc, si opus fuerit, auxilio brachij secularis, iuxta volūtātē & cōcessionem Clemētis prædecessoris huiusmodi. Nō obstantibus omnibus supradictis; Aut si aliquibus, communiter, vel diuisim, ab dicta sit sede indultū, quod interdicti, suspēdi, vel ex cōm mīcari non possint per litteras Apostolicas, non faciētes plenā, & expressā, ac de verbo ad verbum de indulto huiusmodi mētioē. Nulli ergo ōnino hominū liceat hāc paginā nostræ volūtatis, decreti, & mādati infringere, vel ei ausu temeratio cōtraire. Si quis autē hoc attēptare præsumpserit, Indignationē ōnipotētis Dei, ac beatorū Petr, & Pauli Apostolorum eius se noverit incursum.

Dat. Romæ apud S. Petr: Anno Incarnationis Dominicæ Millesimoquingentesimo trigesimoquarto Tertio Non. Nouembr. Pontificatus nostri Anno Primo.







Biblioteka Jagiellońska



stdr0029935

